

# Him Yaaim Me Krai Matyu Kewisim Mau Tiwei

## Menmen mekre tiwei ik

Hir mit ne weiwik miutip ne Jisas 1:1-17  
Him me Maria wine Jisas 1:18–2:23  
Him me Jon Baptais 3:1-12  
Jon Baptais kikir Jisas 3:13-17  
Seten kakri han ke Jisas 4:1-11  
Jisas katip him yaaim keit Galili 4:12–18:35  
Jisas ken Jerusalem katip him yaaim 19:1–25:46  
Mit nenep Jisas kaa 26:1–27:66  
Jisas pike kekrit maain mit nirek 28:1-20

---

## Niuk me maamer ne weiwik me Jisas (Lu 3:23-38)

**1** <sup>1</sup>Menmen im hi hewisim hiram niuk me maamer yapirwe ne weiwik miutip me Jisas Krai, kerek hirak nepenyek ke mitik iuwe Devit, hirak nepenyek hak ke maam nipu kiau Ebrahim.

<sup>2</sup> Ebrahim kine Aisak.

Aisak kine Jekop.

Jekop kine Juda ketike heiyuwerer nirak, kikrek tirak.

<sup>3</sup> <sup>b</sup>Juda kiwaai ketike Tema hire wine Peres ketike Sara.

Peres kine Hesron.

Hesron kine Ram.

<sup>4</sup> Ram kine Aminadap.

Aminadap kine Nason.

Nason kine Salmon.

<sup>5</sup> Salmon keit Rehap hire wine nikan kire Boas.

Boas hirak keit Rut hire wine nikan kire Obet.

---

<sup>a</sup> 1:1 Jen 22:18; 1Kro 17:11    <sup>b</sup> 1:3 Jen 38:29-30; Rut 4:18-22    <sup>c</sup> 1:5 Rut 4:13-17

Obet kine Jesi.

<sup>6 d</sup>Jesi kine Devit hirak mitik iuwe king.

Devit kine Solomon. Nipaa Solomon miye pirak hire mite pe mitik  
Yuraia. Yuraia epei kaa, Devit ketiwe hire mite pirak.

<sup>7 e</sup>Solomon kine Riaboam.

Riaboam kine Abaisa.

Abaisa kine Esa.

<sup>8</sup>Esa kine Jihosafat.

Jihosafat kine Joram.

Joram kine Usaia.

<sup>9</sup>Usaia kine Jotam.

Jotam kine Ehas.

Ehas kine Hesekaia.

<sup>10</sup>Hesekaia kine Manasa.

Manasa kine Emos.

Emos kine Josaia.

<sup>11 f</sup>Josaia kine Jekonaia ketike kikrek nirak. Me wi im, mit ne Babilon  
netike mit ne Isrel nenapan, hir neriyei mit ne Isrel neri nen wit  
kir.

<sup>12 g</sup>Hir nari mit ne Isrel nen wit kir eik, Jekonaia kine Siatiel.

Siatiel kine Serababel.

<sup>13</sup>Serababel kine Abaiat.

Abaiat kine Elaiakim.

Elaiakim kine Eso.

<sup>14</sup>Eso kine Sedok.

Sedok kine Ekim.

Ekim kine Elaiat.

<sup>15</sup>Elaiat kine Eliesa.

Eliesa kine Matan.

Matan kine Jekop.

<sup>16</sup>Jekop kine Josep, mitik kerek keit mite Maria kerek wine mitik  
Jisas, kerek mit nenewek Mitik Iuwe ek Krai.

<sup>17</sup>Nipaa wi Ebrahim kepu ere mite wine Devit, haiu mewenhis  
maamrer hir nar hiswiyen tekyaaait (14). Me wi Devit kepu ere mite  
wine Jekonaia, wi kerek mit ne Babilon neriyei mit ne Isrel neri nen  
wit kir, haiu mewenhis maamrer hir nar hiswiyen tekyaaait (14). Me  
wi im ere Maria wine Jisas kerek God kehimitanek hirak kikaap haiu  
mit kaktaihis, haiu mewenhis maamrer hir nar hiswiyen tekyaaait  
(14).

<sup>d</sup> 1:6 2Sml 12:24    <sup>e</sup> 1:7 1Kro 3:10-16    <sup>f</sup> 1:11 2Kin 24:12-16; 2Kro 36:10; Jer 27:20

<sup>g</sup> 1:12 Esr 3:2

### Him me Maria hire wine Jisas

(Lu 2:1-7)

18<sup>h</sup>Menmen im hiram him me Jisas Kraisi miye pirak winaak ek. Jisas miye pirak Maria ap wetike Josep neitan wen au. Hir nehimiteni weinim te hire wertei hire nepei wepitu wentar God Himin Yaaik kau kekrerep kewis nikan kekere tu kire te hire wawinaak. 19Hire wawine nikan te mitik kire Josep han kitet hirak ap kiwaai ketikerep te hire wepitu. Hirak mitik yaaik ap hanhan kakwepyapir hirak han kitet hire wiriak enum kakniyiye yink enuk te hirak kare kakipakinep kaksuwerep wauno. 20Josep han kitet mite pirak Maria kerek epei wetu, te hirak kiwaai kityak te mitik ensel ke Mitik Iuwe God kan ketpiwek, “Ti nepenyek hak ke maam nipu kit Devit ti ap enaain ti etikerep eyitan eyintar nikan kekere tu ke mite pit God Himin Yaaik kewisik kekrerep hire wepitu. 21<sup>i</sup>Hire sip newenep wawine nikan te ti ewis niuk mirak Jisas entar hirak kakikaap mit nirak ne Isrel, hirak kakisak menmen mir enum.”

22Menmen im mamnen mamises him kerek nipaa Mitik Iuwe God katip mit profet em. Hiram matip mar im: 23<sup>j</sup>“Yi mit miyapir eyimtau im em. Maain mite nihan wawitu wawine nikan te mit naninewek niuk mirak Emanyuel.” Haiu meweikin niuk mirak men him maiu haiu matip, ‘God kau ketikewai.’

24Wanewik epei au, Josep kekrit hirak kises menmen kerek mitik ensel nepei ketpiwek hirak kiwaai kityak kirem, te hirak keit Maria hir neitan. 25<sup>k</sup>Hir neitan te hirak ketikerep niran au ere hire sip newenep hire wine nikan. Hire winaak epei au, Josep hirak kewis niuk mirak Jisas.

### Mitikit wikak te wit hak tertei iuwe hirakit tan tatir Jisas

2<sup>1</sup>Jisas miye pirak winaak keit wit Betlehem keit provins Judia. Maain kike mitikit hakit tir saur metike hir, wit kirakit keit yanimin kerek wepni kokai kan, hirakit tinaaiwir wit kirakit ten tiun wit Jerusalem, hirakit titehi mit tar ik: 2<sup>l</sup>“Nikan kike kerek miye winaak maain hirak kakre Mitik Iuwe King kakinin naanmampre mit ne Isrel, hirak keik? Haiu mir saur kirak kerek keteiknai miye wine mitik maain hirak kakre Iuwe. Hiram mir meke wepni kokai kan, te haiu man mamwenipi niuk mirak.” 3Mitik iuwe King Herot hirak kemtau him kerek mite wine nikan, hirak han enuk kentar hirak han kitet maain hirak kakikrehir kirak. Mit yapirwe ne wit Jerusalem hir nepirpir ninapen nentar Herot hirak han enuk. 4Mitik Herot kenine mit iuwe ne pris netike mit ne Skraip kerek nertei him me Moses natip mit em, hirak kitorhi,

<sup>h</sup> 1:18 Lu 1:27, 35    <sup>i</sup> 1:21 Lu 1:31, 2:21; Ap 4:12    <sup>j</sup> 1:23 Ais 7:14    <sup>k</sup> 1:25 Lu 2:21

<sup>l</sup> 2:2 Nam 24:17

“Mit profet natip mite wawine Mitik Krai kerek God kehimitanek kaknen hire wawinaak wawit nein?” <sup>5</sup>Hir mit newenhi netpiwek, “Hire wawinaak kakit wit Betlehem ke provins Judia kentar im em nipaa mitik profet Maika kewis him me God mau tiwei mar im:

<sup>6</sup>“Yi mit ne wit Betlehem yeit provins Judia. Yi iuwe yar ke mit ninin naanmpre mit ne Isrel. Yi yire iuwe yentar maain mitik hak kekrenimin ke yi mit, hirak kakre mitik iuwe kakinin naanmampre mit nai ne Isrel.’”

<sup>7</sup>Hir netpiwek epei au, te mitik Herot kenine mitikit kerek tir saur hirak kisawin kitiwekithi me wi marmenum te hirakit tir saur kerekek kir keteikin mite wine nikan kerek maain hirak mitik iuwe. <sup>8</sup>Epei au, hirak keriuwetet ten Betlehem hirak ketpiwekit kar ik, “Yi eino eyin eyineitniwek ere yi einapinek, te yi pike einen eyitpo te hi anen awen ninip ewenipi niuk mirak.”

<sup>9</sup>Hirakit temtau him me Herot epei werek, te hirakit ten. Te saur kerek nipaa hirakit tirek hirak kir kepu kentar wit kerek Jisas miye winaak kiwaairi en. <sup>10</sup>Hirakit tir saur (o hir) kau kentar wit te hirakit han yaaik iuwe. <sup>11</sup>Hirakit tinik ten winak nimin ein tir nikan Jisas ketike miye pirak Maria. Epei au, hirakit tewen ninip tine han kirakit yaaik teriuwerek tatip hirak nikan yaaik. Epei au, hirakit tewep tanik mirakit tewetiwek menmen weinim. Hirakit tewetiwek menmen yaaim gol, metike frankinsens (hiram menmen mire smok smel), hiram metike mir (hiram menmen minin yaaim mire yeirep, semi o kipna). <sup>12</sup>Maain hirakit tityak tir God Haai hirak ketpiwekit, “Yi ap pike eino eitip Herot menmen yi epei yirem.” Te maain hirakit tinaaiwir wit Betlehem hirakit pike titet yayiwe hak hirakit pike ten wit kirakit eik.

### Josep ketike mite nikan nirir nen Isip

<sup>13</sup>Mitikit wikak epei ten, Josep kityak kir ensel hak ke God ke witaan kan ketpiwek, “Ti ekrit ehit nikan ketike miye pirak eri erir enaaiwir in ek ti eno Isip. Yi eyu en ek ere hi etpi te yi einaaiwir wit ik e. Herot kinkatin nikan kakikip kaki.” <sup>14</sup>Josep kiwaai kir ensel epei au, hirak kekrit ke witaan ketike miye nikan hir ninaaiwir wit ik nen Isip. <sup>15</sup>Hir nepu Isip ere maain Herot kaa. Menmen im epei man mar ke Mitik Iuwe God ketpim te mitik profet Hosa kewisim mau tiwei. Hiram matip, “Hi epei enine Nikan kai kan kinaaiwir Isip.”

### Herot katip mit nirak hir naninep nikerek hirakit teit wit Betlehem

<sup>16</sup>Maain Herot kertei mitikit wikak te wit wepni kokai kan en hirakit epei temitiwekpin, hirakit ap pike tan au, hirak han enuk wisenuk. Hirak

<sup>m</sup> 2:6 Mai 5:2; Jo 7:42    <sup>n</sup> 2:11 Sam 72:10-15; Ais 60:6    <sup>o</sup> 2:15 Hos 11:1

nipaa ketpiwekit te hirakit pike tatnen tatpiwek, te hirakit ap pike tan au. Te hirak kesiuwe mit nanino wit Betlehem naninep nikerek hirakit wen kike tar tito mar wiketerem mar ke nipaa mitikit kerek tises saur tan tetpiwekem me wi saur hirak kinin kir keteiknor mite wine nikan ik. <sup>17</sup>Mar im him nipaa profet Jeremaia kewisim mau tiwei hiram epei man. Hiram matip mar im:

<sup>18</sup> <sup>P</sup>“Hir mit nemtau him me miyapir nikit neit wit Rama. Hir nemtau hir nikit him iuwe him iuwe. Nepenyerer ne Resel nikit nikerek nir. Hir mit miyapir nanrekyi nanweni han yaaik taau nentar nikerek nir ap nau en au. Hir naa.”

### Josep ketike mite nikan ninaaiwir Isip nan Isrel

<sup>19</sup>Herot epei kaa, Josep keit Isip. Witaan ham Josep kiwaa kityak kir mitik ensel hak kiutip ke God kan kirek kewepyapir hirekes. <sup>20</sup> <sup>Q</sup>Hirak kewepyapir hirekes ketpiwek kar ik: “Ti ekrit pike ehit nikan ketike miye pike eri eno wit ke Isrel. Mitik Herot nepei kaa te mit nirak ap te naninep nikan ik au.” <sup>21</sup>Ensel ketpiwek epei au, hirak kekrit keit nikan ketike miye pirak keru ken Isrel. <sup>22</sup>Hirak keru ken Isrel, hirak kemtau Herot nikan kirak Akeleas kekrehir ke haai kirak kiriak menmen mirak naanmipre mit ne Judia, te hirak kinapen pike kaknen kaku wit Betlehem. Hirak kiwaa kityak ke witaan kir ensel ke God ketpiwek hirak kakno wit hak kaku en. Te Josep kinaaiwir Judia ken provins Galili. <sup>23</sup> <sup>H</sup>Hirak ken provins Galili ken kau wit hak kike mit nenewek Nasaret. Mar im him nipaa mit profet newisim mau tiwei me Mitik Krai hiram epei man. Him matip, “Hir mit naninewek mitik ke wit Nasaret.”

### Jon Baptais kerek kikir mit nekre tipar hirak katip mit him me God (Mk 1:2-8; Lu 3:1-18; Jo 1:19-28)

**3** <sup>1-4</sup> <sup>s t</sup> “Tito yapirwe epei men, hir wen nepu wit Nasaret. Me wi im mitik John kerek kikir mit nekre tipar hirak kan kau wit weinik ke Isrel kerek mit ap newi en. Hirak keruwet kamel tepnek mirak mau yink kirak, hirak keit yink miram kamir mire waai keyim ketepenem mau mamir kirak. Hirak kaam wise metike manu nikim miram me yaank weinim. Menmen meiyam au. Hirak kire mitik enuk kerp weinim. Hirak katip mit him me God. Hirak ketpor kar ik: “Yi eiweikin sip eiwet menmen enum, hi akiri eikre tipar yi eiyises him yaaim me God eiyintar menep te haiu mamir God kakirkeik hirak kakininai naanmamrai.” John hirak mitik ik kerek nipaa profet Aisaia katip maain hirak kaknen. Hirak katip kar ik:

<sup>P</sup> 2:18 Jen 35:19; Jer 31:15    <sup>Q</sup> 2:20 Eks 4:19    <sup>r</sup> 2:23 Ais 11:1, 53:2; Lu 2:39; Jo 1:45-46  
<sup>s</sup> 3:2 Mt 4:17; Mk 1:15    <sup>t</sup> 3:3 Ais 40:3    <sup>u</sup> 3:4 2Kin 1:8

“Ti ik ek ap mit nei newik, mitik hak kinap katip kar ik: ‘Yi einetit yayiwe me Mitik Iuwe, yi eiriakek yaaik akirek te hirak kakisesim werek.’”

<sup>5</sup>Me wi im hir mit ne Jerusalem netike mit han nau nerer wit wit me provins Judia netike mit wit kir menep mani Jodan, hir nan nanir Jon. <sup>6</sup>Hir newepyapir menmen enum nipaa hir niriakem epei au, te Jon ken kikiri nekre mani Jodan.

<sup>7</sup>John kir mit iuwe yapirwe nises him me Farisi netike him me Sadyusi. Mit in hir mit iuwe natip mit han hir enises him me Moses markeik. Hir nan te John kakikiri te hirak kinin ketpor, “Yi enun yire nikerek ne manpen o yenmik. Yenmak te yi han kitet yi yaain hi akiri te yi yairir yainopin yaikeipin menmen enum God maaain kakriakem skelim mit enun kakiwaanki kakriuwerem a? <sup>8</sup>Yi eiyinin eiweikin sip eiwet menmen enum yi eiriak menmen yaaim eiteiknaiyem, haiu mamirtei yi yaain te maaain hi akiri eiyiriuwe tipar. <sup>9</sup>Yi ap han ekitet yi ap eiweikin sip eiwet menmen enum eiyintar yi nepenyerer ne Ebrahim, te God kaktip yi nikerek nirak au! Hi hetpi God yaaik te kakweikin his nan im mamre mit hiram mamikrehir ke yi nepenyerer ne Ebrahim. <sup>10</sup>In ek God kewis hine me yerepi miwaai nu nun miram, te nu ap mamine nikim yaaim hirak kakman kakwirem mamikre si. <sup>11</sup>Hi hikir mit neriuwe tipar hentar hir neweikin sip newet menmen enum. Mitik hak kiutip kakikaru kaknen hirak kire Mitik Iuwe kinina hi au weinik. Maaain hirak kaknen hirak kakweti yi mit menmen wik. Hirak kakweti God Himin Yaaik kaktike si. Hirak kewet mit menmen im hiram mar ke <sup>12</sup>hirak keses rais mekre sar. Hirak kesesim epei au, hirak kaktewewim hiram haas miram mamno pin, hirak kakit rais kakwisim mamikre winak. Te hirak kakriepi haas weinim kakwirem kakisiyem.”

### **Jon kikir Jisas kekre mani**

*(Mk 1:9-11; Lu 3:21-22)*

<sup>13</sup>Maaain wi ham, Jisas kinaaiwir provins Galili ken mani Jodan kewepyapir hirekes kitehi Jon te hirak kakikirek. <sup>14</sup>Te Jon hanhan kewenek hirak ketpiwek kar ik: “Ti henmak te ti han hitauhi te hi akirit? Ti iuwe hi au weinik. Hiram yaaim te ti ekira.” <sup>15</sup>Jisas keremiriwekem ketpiwek, “Me in ek ti hiriakem emir ke hi hituthiyem hentar hawir ewises menmen him me God mau tiwei hiram matip menmen.” Hirak katip epei au, Jon kewenhi kikirek. <sup>16</sup>Hirak kikirek epei au, Jisas kinaairwir tipar kehin kiniu ken pin eik, te nepni hiremes mewep mire

---

<sup>v</sup> **3:7** Mt 12:34, 23:33; Ro 2:5; Rev 6:16-17    <sup>w</sup> **3:9** Jo 8:33, 39; Ro 2:28-29, 4:12    <sup>x</sup> **3:10** Mt 7:19; Lu 13:6-9; Jo 15:6    <sup>y</sup> **3:11** Jo 1:26-27, 33; Ap 1:5, 13:24-25    <sup>z</sup> **3:12** Mt 13:30  
<sup>a</sup> **3:16** Jo 1:32

weipir hirak kir God Himin Yaaik kekiuwe kan main main kire hore tapi hirak kenterik. <sup>17b</sup>Epei au, God katip him hiram meke nepni man matip mar im: “Ik ek hirak Nikan kai hi hanhan heriuwerek. Hirak kenipa hi han yaaik.”

**Seten kari han ke Jisas te hirak kises him mirak au**

*(Mk 1:12-13; Lu 4:1-13)*

**4** <sup>1c</sup>Jon kikir Jisas epei au, God Himin Yaaik keriyaak ken yaank weinik mit ap newi, te Seten kari han kirak. <sup>2d</sup>Hirak kau en 40 witaan ere 40 wanewik, hirak ap kaam menmen au. Hirak ap kaam menmen au, te ninpi maak. <sup>3e</sup>Hirak ninpi maak te Seten enuk kewisesik kan kakri han kirak. Hirak kan ketpiwek kar ik: “Ti Nikan ke God ti etip nan im emweikin emre bret te ti ehim.” <sup>4f</sup>Jisas ap kises him mirak au, hirak ketpiwek kar ik: “Hi ap ariakem antar him me God mau tiwei hiram matip, ‘Mit miyapir ap te nankaap hiras nanu nanriuwe menmen weinim hir nanim au. Hir enises him me God te hir nanu werek.’ ”

<sup>5</sup>Hirak katip epei au, Seten keriyaak keiyik ken wit Jerusalem kerek mit nehimitanek wit ke God. Hirak keiyik ken kewisik kerp kentir winak siup ke winak ke God. <sup>6g</sup>Hirak kerp kentir winak siup ke winak ke God, Seten ketpiwek kar ik: “Ti Nikan ke God ti ehitikir ehium ti. Ti ap te hahi au ehintar him me God nipaa mit newisim mau tiwei matip, ‘God kaktip mit nirak ensel me ti. Hir hismamrut te ti ap enamu hit mit ewenem mamniu nan taau.’ ” <sup>7h</sup>Jisas ketpiwek, “Hi ap ariakem antar him me God mau tiwei matip mar im: ‘Yi mit miyapir ap eiri han ke Mitik Iuwe God ki te hirak kakikepi au emit!’ ”

<sup>8</sup>Hirak katip epei au, Seten keriyaak keiyik ken miniu (o neiyip) kau niu keteikniwek wit yapirwe me mit newi metike menmen miram yaaim. <sup>9</sup>Hirak keteikniwekem, hirak ketpiwek, “Ti ewen ninip ewenipi niuk mai hi iuwe te hi ewetit menmen yapirwe im te ti ehinin naanmamprewem.” <sup>10i</sup>Jisas pike ketpiwek, “Ti enopin ekeipno. Hi ap ariakem au antar him me God au tiwei matip mar im: ‘Yi mit miyapir eiwenipi niuk me Mitik Iuwe ki God kerekek, eiriak menmen mirak. Menmen ham em au emit.’ ” <sup>11j</sup>Jisas katip epei au, Seten kirir kinaiwirek. Te Ensel hir nan nekepik.

**Jisas kinin kiriak menmen keit provins Galili**

*(Mk 1:14-15; Lu 4:14-15)*

<sup>12k</sup>Maain Jisas kemtau mit natip mit han nari Jon neiyik nen newisik kekre winak enuk kentar hirak kene mitik iuwe King Herot. Hirak

<sup>b</sup> 3:17 Sam 2:7; Ais 42:1; Mt 12:18, 17:5; Lu 9:35    <sup>c</sup> 4:1 Hi 2:18, 4:15    <sup>d</sup> 4:2 Eks 34:28

<sup>e</sup> 4:3 Jen 3:1-7    <sup>f</sup> 4:4 Diu 8:3    <sup>g</sup> 4:6 Sam 91:11-12    <sup>h</sup> 4:7 Diu 6:16    <sup>i</sup> 4:10 Diu 6:13

<sup>j</sup> 4:11 Hi 1:6, 14    <sup>k</sup> 4:12 Mt 14:3; Mk 6:17; Lu 3:19-20

kemtewek nepei au, hirak kinaaiwir wit ik pike ken provins Galili.

<sup>13</sup> Hirak ap kau wit Nasaret au. Hirak kinaiwirek ken kau wit Kapaneam kerek kirapit menep wan ke Galili, nipaa mit ne weiwik me Sebyulan ketike Naftalai hir newi. <sup>14</sup> Hirak kau in te him me God nipaa profet Aisaia kewisim mau tiwei hiram mamnen. Nipaa hirak kewis him im:

<sup>15</sup> <sup>m</sup>“Wit ke Sebyulan ketike wit ke Naftalai menep wan iuwe keit pinak ke mani Jordan, ti mau provins Galili mit ap ne weiwik me Isrel newi.

<sup>16</sup> Mit miyapir kerek newi en hir nire mit kerek nau ne witaan toto, te in ek hir nir si iuwe merhihe. Mit kerek nau enum ninaain hir nani hir nar ke mit kerek nau wit toto enum im. Te in ek wanewik epei kan.”

<sup>17</sup> <sup>n</sup>Me wi im Jisas katip mit him mirak, hirak katip, “Yi mit miyapir eiweikin sip eiwet menmen enum eiyintar menep haiu mamir mamirkeik te God kakinin naanmamprai haiu mit.”

#### **Jisas kenine mitikit tekyaaat (4) tatisesik**

*(Mk 1:16-20; Lu 5:1-11)*

<sup>18</sup> Jisas kitet تنهاان menep wan eik ke Galili, hirak kir mitikit wik tariyakit ten tewir hepin iuwe tekin saauk. Niuk mirakit Saimon (niuk ham Pita) ketike nikik kirak Endru. <sup>19</sup> <sup>o</sup>Jisas kiret te hirak ketpiwekit, “Yi wiketeret yi eiyisisa. Nipaa yi yari saauk. Te in ek hi ateikni yi yarkeik te yi eiri han ke mit hir nanises God.” <sup>20</sup> <sup>p</sup>Hirak ketpiwekit epei au, in ek hirakit tinaaiwir menmen mirakit te hirakit tisesik. <sup>21</sup> Hirak kepno kike kir mitikit wiketeret hakit Jems ketike nikik kirak Jon, hirakit nikerek hirakit te mitik niuk mirak Sebedi. Hirakit tetike haai tau bot kirakit tekerwo hepin. Jisas keninewekit, <sup>22</sup> te hirakit wasenum tinaaiwir haai kirakit ketike menmen mirakit hirakit tisesik.

#### **Jisas kepno kewepyapir him mirak kikaap mit miyapir yapirwe ninap te hir nire yaain**

*(Lu 6:17-19)*

<sup>23</sup> <sup>q</sup>Hirak keninewekit epei au, hirak ken kerer wit wit me provins Galili kewepyapir him mirak kekere winak mit nererik nekine him me Moses hirak katip him yaaim me God kinin naanmipre mit, hirak kikaap mit miyapir kerek ninap o yink kir enuk, hir nire yaain. <sup>24</sup> <sup>r</sup>Hirak kikaap mit miyapir hir nire yaain te him me menmen Jisas kiriakem men merer wit wit me provins Siria. Te hir yapirwe newi nari mit miyapir ninap o yink kir enuk hir neriyei neri nen Jisas. Mit miyapir han hir ninap his

<sup>1</sup> 4:13 Jo 2:12    <sup>m</sup> 4:15 Ais 9:1-2    <sup>n</sup> 4:17 Mt 3:2    <sup>o</sup> 4:19 Mt 13:47    <sup>p</sup> 4:20 Mt 19:27

<sup>q</sup> 4:23 Mt 9:35; Mk 1:39; Ap 10:38    <sup>r</sup> 4:24 Mk 6:55



hit enum, han en hir neperper nani, han en herwe mersisi te Jisas kekepi hir nire yaain. <sup>25</sup>Hir mit yapirwe nisesik. Mit in hir ne wit Jerusalem provins Judia, Galili, wit Dikapolis ketike ti me mani Jordan pinak ein.

**Jisas kerp miniu (o neiyip) katip mit miyapir him mirak**

**5** <sup>1</sup>Jisas kir mit miyapir nisesik, hirak kiniu miniu (o neiyip) ken kau ke nimin. Mit nirak disaipel hir nan nau netikerek. <sup>2</sup>Hir nau netikerek, hirak kewep him ketpor him im:

**Jisas katip nenmak te mit hir han yaaik nanu**

*(Lu 6:20-23)*

<sup>3</sup>“Eiyimtau. Mit miyapir kerek hir nertei hir ap nises God werek werek hir han yaaik nanu nanintar God kaknen kakinini naanmampror. <sup>4</sup>“God kenip mit miyapir kerek in ek hir nikit hir nanu werek nentar God kakikepi. <sup>5</sup>“Mit miyapir kerek hir newenin han kir ke menmen, hir han yaaik nanu nanintar hir nanit menmen God nipaa ketpor hirak kakwetirem.

<sup>6</sup>“Mit miyapir kerek hir hanhan iuwe nises menmen God han yaaik hir nanisesim, hir han yaaik nanu. God kakikepi hir nanu werek nanisesik.

<sup>7</sup>“Mit miyapir kerek hir hanhan neriuwe mit nekepi hir han yaaik nanu nanintar maain God hanhan kakriuweri kakikepi.

<sup>8</sup>“Mit miyapir kerek hir han kir yaaik ap niriak menmen enum, hir han yaaik nanu nanintar maain hir nantike God nanu nanit.

<sup>9</sup>“Mit miyapir kerek hir newen mit han kir te hir nankiyan nanu nanit hir han yaaik nanu nanintar God kaktip hir nikerek nirak.

<sup>10</sup>“Mit miyapir kerek mit han nanip nentar hir nises menmen God ketpor hir enisesim, hir han yaaik nanu. Maain hir nantike God naanmampre menmen yapirwe.

<sup>11</sup><sup>b</sup>“Mit hir netpi enum nerekyi enum naniwep neweninini him menmen nanintar yi yises him mai, yi han yaaik yayu. <sup>12</sup><sup>c</sup>Yi han yaaik yayu yayintar maain God kakweti menmen yaaim iuwe kakit wit kirak. Yi yayit menmen im yayintar nipaa mit niriak enum nenep mit profet nipaa newepyapir him me God, te hirak kakwetir menmen yaaim iuwe mamit wit kirak.

**Mit nises God hir nire sol metike si**

*(Mk 9:50; Lu 14:34-35)*

<sup>13</sup>“Yi mit yi yikaap mit ne ti ap nises menmen enum mire sol mikaap sak naan hirak ap mamnin waswas. Te sol meweikin mire tipar ap

<sup>§</sup> 4:25 Mk 3:7-8    <sup>†</sup> 5:3 Ais 57:15    <sup>‡</sup> 5:4 Ais 61:2-3; Rev 7:17    <sup>∇</sup> 5:5 Sam 37:11    <sup>∞</sup> 5:6 Ais 55:1-2    <sup>×</sup> 5:7 Je 2:13    <sup>∩</sup> 5:8 Sam 24:3-4, 51:10, 73:1; Jo 3:2-3    <sup>²</sup> 5:9 Hi 12:14; Je 3:18  
<sup>ª</sup> 5:10 1Pi 3:14    <sup>ᵇ</sup> 5:11 1Pi 4:14; Je 1:2    <sup>°</sup> 5:12 2Kro 36:16; Ap 7:52; Hi 11:32-38; Je 5:10

mamtin him yi eiriak mekam te hiram pike tokim? Taauye! Yi eiwirem mamno witeik te mit miyapir nanintiram, hiram enum.

<sup>14</sup> <sup>d</sup>“Yi yikaap mit ne ti nises God yire si mekepi me witaan yitet yayiwe. Yi yire wit kerek mit nau niu. Hirak ap te kisawin taau, kau yaain mit miyapir nirek yanimin. <sup>15</sup> <sup>e</sup>Mit miyapir ap neksiu si nisawinek kinik tikenup o newisik kinik yeno au. Hir newisik kentar yeno te hirak kiriyor kekre winak te hir kerek nau nekrerek nir menmen. <sup>16</sup> <sup>f</sup>Mar im menmen yi yiriakem hiram mire si. Mit nirem hiram yaaim te hir nanwenipi niuk me Haai kiau God kerek kau keit wit kirak.

### Jisas katip me him lo me God

<sup>17</sup> <sup>g</sup>“Yi ap han ekitet hi han ehiwaank him me God Moses ketike mit profet nipaa newisim mau tiwei. Hi ap han ehiwaankem au. Hi han ariak menmen nipaa hir netpim hiram mamnen. <sup>18</sup> <sup>h</sup>Hi etpi werek. Him mei kike me Moses o me mit profet hiram ap te mamiwaank mamit ere ti mamtike nepni hiram mamwep mamiwaank mamit. Me wi im menmen yapirwe hiram epei au mamisi mamit. <sup>19</sup> <sup>i</sup>Mit kerek neweikin sip newet him mei kike me him me Moses metike him me mit profet, hir nanri han ke mit te hir nanisesi, mit in niuk mir meit wit ke God hiram weinim. Te mit kerek hir nises him me God werek werek neteikin mit han hir enisesim, maain niuk mir meit wit ke God hiram iuwe. <sup>20</sup> Hi hetpi werek. God katip menmen yaaim yi yisesim yiriakem ap te maminin menmen mit ne Farisi netike mit iuwe ne Skraip kerek ninin nertei him me Moses natip mit em hir niriakem, yi ap eitike God eiyu hirak naanmamri. Hi hetpi menmen im hentar mit ne Farisi netike mit ne Skraip hir ap te nanu nantike God taau!

### Jisas katip menmen me mit hir han enuk

(Lu 12:57-59)

<sup>21</sup> <sup>j</sup>“Nipaa ere in yi yemtau him me God Moses kewisim mau tiwei hiram matip, ‘Yi mit ap einep mit han te hir nani au emit! Mitik kerek kenep mitik hak kaki, mit neiyik nanino mitik iuwe gavman.’ <sup>22</sup> <sup>k</sup>Te hi hetpi. Mitik kerek han enuk keriuwe kirak yinak, mit neiyik nanino nanir mit iuwe. Mitik kerek katip kirak yinak enum ketawinek, hir neiyik nanino nanir mitik iuwe gavman. Keimin katip kirak yinak enum katip hirak mitik enuk keweikin sip kewet God, te hirak naanempre hirekes te God ap kakwirek kakno si.

<sup>d</sup> 5:14 Jo 8:12, 9:5; Fl 2:15    <sup>e</sup> 5:15 Mk 4:21; Lu 8:16, 11:33    <sup>f</sup> 5:16 Ef 5:8-9; 1Pi 2:12  
<sup>g</sup> 5:17 Mt 3:15; Ro 3:31, 10:4    <sup>h</sup> 5:18 Lu 16:17, 21:33    <sup>i</sup> 5:19 Je 2:10    <sup>j</sup> 5:21 Eks 20:13, 21:12; Lev 24:17; Diu 5:17    <sup>k</sup> 5:22 1Jo 3:15

23-24<sup>l</sup>“Wi ham ti eno winak iuwe ke God ewenipi niuk mirak ewetiwek menmen mit enwisim emintar kinaan me nan (alta), te ti eket han menmen enum ti hiriak kit yinak em, ti ewis menmen mit emwaai en, ti ehinin eno etike kit yinak yi yewepnak yatip ere yi yekiyakit yau. Epei au, ti pike enen ehit menmen mit ewepwarem ewet God em ewenipi niuk mirak heriuwerem.

25<sup>m</sup>“Mitik hak han enuk keriuwit hanhan keryit kakno mitik iuwe gavman kakitpiwek kakiswut him, ti etikerek eitipakit menmen ere yi han yaaik eiyu, o au en, yi yinapin mitik iuwe, hirak kakiswut him te mitik iuwe gavman kakriuwetit ti eno his me mit hir naanmipre winak enuk, te hir nanwisit ekikrerek. 26Ti ehu en ere ti pike ewetiwek pewek emrer mirak ere werek, o au en, ti ehu ehit.

### **Jisas katip menmen me mit miyapir nariyan his neweninem**

27<sup>n</sup>“Nipaa ere in yi yemtau him me God Moses kewisim mau tiwei hiram matip, ‘Yi ap eiriyen his eiweninem au emit!’ 28<sup>o</sup>Te hi hetpi. Mitik kerek kir mite naanmirewe hirak hemkre menepam hanhanep, hirak epei kiwaai ketikerep kekere han kirak. 29<sup>p</sup>Menmen ti hirem heriuwe nanamir kit ke his yaaim mari han kit ti hiriak menmen enum, ti eketim ewirem. Ti eket nanamir kit te ti ehu werek eno wit ke God hiram yaaim. Hiram enum te ti nanamir kit hirak kepu werek te kakri han kit te God kakwirit ti eno si. 30His mit yaaim em hiram mises han kit miriak menmen enum, ti ehit hine eremir ewirem. Ti eremir his ewirem te ti ehu werek eno wit ke God hiram yaaim. His mit yaaim mepu werek te ti hiriak menmen enum ti eno si hiram enum.

### **Jisas katip menmen me mitik kesiuwe mite piutip wauno hirak kakit peiyap**

*(Mt 19:9; Mk 10:11-12; Lu 16:18)*

31<sup>q</sup>“Nipaa ere in yi nepei yemtau him me God Moses kewisim mau tiwei matip, ‘Mitik kerek kesiuwe mite pirak wauno waunaiwirek, hirak kakwetuwe tiwei hiram matip nipaa hire mite pirak te in ek au hirak kepirep wen.’ 32<sup>r</sup>Te in ek hi etpi. Mitik kerek kepir mite pirak winaiwirek, te hire ap wiriak menmen enum wetike mitik hak au, hirak kenipep weweikin sip wewet him me God, me wi hire pike wawit mitik keyiak. Mitik kerek ketikerep hir nanitan, hirak keweikin sip kewet him me God ketikerep.

<sup>l</sup> 5:23 Mk 11:25   <sup>m</sup> 5:25 Mt 6:14-15, 18:34-35   <sup>n</sup> 5:27 Eks 20:14; Diu 5:18   <sup>o</sup> 5:28 2Pi 2:14   <sup>p</sup> 5:29 Mt 18:8-9; Mk 9:43-47; Kl 3:5   <sup>q</sup> 5:31 Diu 24:1-4; Mt 19:7; Mk 10:4  
<sup>r</sup> 5:32 1Ko 7:10-11

**Jisas katip menmen me mit hir natip God hir nanises menmen**

33<sup>s</sup>“Nipaa ere in yi yemtau him me God Moses kewisim mau tiwei matip, ‘Yi ap eiweikin sip eiwet him nipaa yi yatip God. Au, yi eiyisesim.’ 34-35<sup>t</sup> “Te hi hetpi. Yi ap eitip him ham me menmen me God mamkaap him mi yi yatip mit em te yi eiyisesim au emit! Yi ap eitip ‘Tru antap’ au emit eiyintar hirak wit ke God. Yi ap eitip menmen me ti mamkaap him mi yi yatip mit em au emit eiyintar ti hiram mire yeno me God hirak kewis hit mentiram. Yi ap eitip menmen me wit Jerusalem mamkaap him mi yi yatip mit em au emit eiyintar hirak wit kerek Mitik Iuwe God kau ketike mit. Yi yatip mar im yi yatip niuk me God. Hiram enum emit! 36 Yi ap eitip menmen me paan ki mamkaap him yi yatip mit em au emit eiyintar yi ap te eiriak paan kei kiutip o yapirwe mau hesnu ki mamre hike o nipiak taau. God kerekek kakriakem te hiram mire ti atip niuk me God. 37<sup>v</sup>Yi yatip mit yi eiriak menmen yi eitip, ‘O, hi ariakem,’ o ‘Au, hi hinapen.’ Yi eitip him meiyam mamkaap him mi te hir nertei yi eiyisesim, hiram menmen enum meke Seten man. Menmen im enum emit!

**Jisas katip menmen me mit hir nanip nerer mir**

*(Lu 6:29-30)*

38<sup>w</sup>“Nipaa ere in yi yemtau him me God Moses kewisim mau tiwei hiram matip, ‘Mitik keketut nanamir kit ti eketiwek kirak. Mitik kenektinut yehes kit, ti enektiniwek kirak.’ 39<sup>x</sup>Te in ek hi hetpi yi ap te einep mit mamrer me menmen mi enum nipaa hir nerekiyiem au emit! Mitik kitep ken tekep pinam, ti etekniwek pinam hirak ekitep ekwim. 40<sup>y</sup>Mitik kerek keryit kakno mitik iuwe gavman kakmitetpin kakitpiwek enum me menmen yaaim ti hiriakem, te hirak kakit pewek mei mit ti ewetiwekem emriuwe tanik. 41 Mit iuwe ne gavman nan nanitihi yi einenor menmen mir eiyim eino menep in, yi ap han enuk eikepi eiyim eino menep in au emit. Yi eiyim eino yanimin. 42 Mitik kerek kituthi me menmen mit, ti ewetiwekem. Mitik kerek hanhan kakri menmen mit me wi im te maain hirak pike kakwetut mei mirak mamrerim, ti eweniwekhi ewetiwekem.

**Jisas katip me mit hir hanhan neriuwe mit enun nepan nir**

*(Lu 6:27-28, 32-36)*

43<sup>z</sup>“Nipaa ere in yi yemtau him me God Moses kewisim mau tiwei hiram matip, ‘Yi hanhan yeriuwe ni yinan, te yi han enuk yeriuwe mit enun

---

<sup>s</sup> 5:33 Eks 20:7; Lev 19:12; Nam 30:2; Diu 23:21    <sup>t</sup> 5:34 Ais 66:1; Mt 23:22; Ap 7:49;  
Je 5:12    <sup>u</sup> 5:35 Sam 48:2    <sup>v</sup> 5:37 Je 5:12    <sup>w</sup> 5:38 Eks 21:24; Lev 24:20; Diu 19:21  
<sup>x</sup> 5:39 Lev 19:18; Jo 18:22-23    <sup>y</sup> 5:40 1Ko 6:7    <sup>z</sup> 5:43 Lev 19:18

nepan ni.<sup>44</sup> Te hi hetpi yi hanhan yeriuwe mit enun nepan ni, yi eiyitehi God hirak ap skelim mit kerek nerekyi enum, hirak ekrekpor menmen yaaim. <sup>45</sup> Yi yiriak menmen mar im te yi eiriak menmen eiyir ke haai ki God keit wit kirak hirak kiriakem. Hirak kenip wepni kir kikaap mit yaain netike mit enun niriak enum. Hirak kiriak hawi kan kikaap mit yaain, mit au enun. <sup>46</sup> Yi mit hanhan yeriuwe mit kerek hanhan neriuwi te mit han au, yi han kitet God kakweti menmen yaaim a? Taauye! Mit enun nari pewek me takis hir niriak menmen mar im. Hiram menmen weinim. <sup>47</sup> Yi mit yenine mit han ni yinan hir yaain te mit han au yi han kitet God kakweti menmen yaaim a? Taauye! Mit ap ne weiwik me Isrel ap nises God hir niriak menmen im. Hiram menmen weinim. <sup>48</sup> Yi yiriak mit ni enun nepan yaain, te yi yaain eiyir ke Haai ki God keit wit kirak hirak yaaik.

**Jisas katip menmen me mit nikaap mit han ap netenen menmen au**

**6** <sup>1</sup> Yi naanempre hiras te yi ap eiriak menmen yaaim te mit nanri nanwenipi niuk mi nantip yi yaain au emit. Yi yiriak menmen mar im te Haai ki God keit wit kirak kau niu hirak ap kakweti menmen yaaim menterim taau. <sup>2</sup> Wi yi eiwet mit kerek hir netenen menmen auri eiwetir menmen, yi ap eiwepyapir menmen yi yiriakem au emit! Mit enun newisesik hir newet mit menmen, hir newepyapirem neit yayiwe o nekre winak kerek mit nekine him me Moses nekrerek, te mit nanir menmen hir niriakem nanwenipi niuk mir nanriuwere. Hi hetpi werek, maain God ap kakwetir menmen mamrerim kakit wit kirak kakintar mit nepei netpiwek him yaaim me menmen hirak kiriakem. <sup>3</sup> Yi eiyises menmen mir au emit! Yi eiriak menmen eikaap mit, te yi eiriakem eisawinem te mit ni yinan o mit han ap te nanirem taau. <sup>4</sup> Yi eiriakem eisawinem te Haai ki God kerek kir menmen yi yisawin yiriakem, hirak kakweti menmen yaaim mamrerim.

**Jisas katip menmen me mit nitehi God**

*(Lu 11:2-4)*

<sup>5</sup> Wi kerek yi yitehi God menmen yi ap eiriakem eiyir ke mit enun newisesik hir niriakem. Hir hanhan nerp nekre winak kerek mit nekine him me Moses nekrerek, o hir nerp yayiwe nitehi God menmen te mit naniri han kitet hir yaain nanwenipi niuk mir. Hi hetpi werek, maain God kakwetir menmen mamrerim kakit wit kirak taau. <sup>6</sup> Wi kerek yi yitehi God menmen, yi eino haau ke winak iyepet wepir eiyitehi God kerek mit ap nerek, yi eitiwekhi menmen. Te maain Haai ki God kerek kir menmen yi yisawin yiriakem hirak kakweti menmen yaaim mamrerim.

<sup>a</sup> 5:44 Eks 23:4-5; Lu 23:34; Ap 7:60; Ro 12:14, 20; 1Ko 4:12    <sup>b</sup> 5:45 Ef 5:1    <sup>c</sup> 5:48 Lev 19:2; Diu 18:13    <sup>d</sup> 6:1 Mt 23:5    <sup>e</sup> 6:3 Mt 25:37-40    <sup>f</sup> 6:5 Mt 23:5; Lu 18:10-14    <sup>g</sup> 6:6 2Kin 4:33

<sup>7h</sup>“Yi yitehi God menmen, yi ap eitip him weinim yapirwe eiyr ke mit ap nertei God nerer wit wit ap ne Isrel hir niriakem au emit. Hir han kitet God kakimtau menmen mir kakintar hir netpiwek neriuwe him yapirwe nokim nokim. <sup>8i</sup>Yi ap eiyses menmen hir niriakem eiyrantar Haai ki God nepei kertei menmen yi yaitiwem te maain yi yayu werek.

<sup>9j</sup>“Yi eitiwekhi menmen yi eitip yayir ik:

‘Haai kiau God, ti kerek heit wit kit heven, ti niuk mit iuwe te ti enip mit hir nanwenipi niuk mit.

<sup>10k</sup>Haiu mituthi te ti enen ehinin naanmamprai haiu mit, te haiu mit yapirwe emises han kit mamir ke mit ensel neit wit kit heven hir nises han kit.

<sup>11</sup>Petepin ti ewetai menmen mei te haiu mamim.

<sup>12l</sup>Ti esak menmen enum haiu miriakem mamir ke haiu mesak menmen enum me mit nerekyeyiem haiu matip, Hiram menmen weinim.

<sup>13m</sup>Ti ap ewis menmen enum mamri han kiau haiu mamriak enum au emit! Ti naanemprai me menmen enum.’

<sup>14n</sup>“Eiyimtau. Yi eiysak menmen enum mit nerekyiyem yi ap han ekitetim, yi eitip hiram menmen weinim, te Haai ki God hirak kakisak menmen enum mi. <sup>15</sup>Yi ap eisak menmen enum me mit nerekyiyem au, te Haai ki God ap kakisak menmen enum mi.

### **Jisas katip menmen me mit hir ninpi maan nanu**

<sup>16o</sup>“Wi kerek yi yinaain menmen ninpi mamiwei te yi eiyrtehi God menmen, yi ap eiwen toni emu ninaan mi eiyr ke mit enun newisesik niriakem au emit! Hir newen toni mau ninaan mir te mit yapirwe naniri hir han kitet hir yaain hir newenipi niuk mir menterim. Hi hetpi werek, maain God ap te kakwenipi niuk mir taau. <sup>17-18</sup>Wi kerek yi yinaain menmen yi ninpi miwei te yi eiyrtehi God menmen, yi ap eiwen toni waniu (o wein) au emit! Yi eikir eiwepep paan te mit han ap nertei yi ninpi miwei yitehi God. Te God Haai ki kerek mit ap nirek au, hirak kertei menmen yi yisawin yiriakem, te maain hirak kakweti menmen yaaim menterim.

### **Jisas katip menmen me mit nanit pewek yapirwe**

*(Lu 12:33-34)*

<sup>19p</sup>“Yi ap eri menmen mei yapirwe me ti im naanemprewem meit winak ki au emit! Mesik, metike wesiun merermirir laplap, ni o heiniut mamwim te menmen mamwepep, o mit enun naninen nanwep winak

<sup>h</sup> 6:7 1Kin 18:26-29; Ais 1:15    <sup>i</sup> 6:8 Mt 6:32    <sup>j</sup> 6:9 Jo 17:6    <sup>k</sup> 6:10 Mt 7:21; 26:39; Lu 22:42    <sup>l</sup> 6:12 Mt 18:21-35    <sup>m</sup> 6:13 1Kro 29:11-13; Mt 26:41; Lu 22:40; Jo 17:15; 2Te 3:3; 2Ti 4:18; Je 1:13    <sup>n</sup> 6:14 Mk 11:25-26    <sup>o</sup> 6:16 Ais 58:5-9    <sup>p</sup> 6:19 Je 5:1-3

nankintip menmen im. <sup>20</sup> Au, yi yiriak menmen yaaim te God kakweti menmen mirak yaaim meit wit kirak. Menmen hirak kakwetaiyem, mesik, wesiun o heiniut maminterim ap te mamiwaank menmen im au, mit enun ap te naninen nantiwem taau. <sup>21</sup> Menmen mit han kitet hiram mamkepi nanu werek, han kir kakisesim. Te yi han ekitet menmen me ti au emit! Menmen me God keremem.

**Jisas katip menmen me nanamir hirak kire si**

*(Lu 11:34-36)*

<sup>22</sup> “Nanamir ki hirak kire si kakikaap yink ki. Nanamir ki yaaik te yi yayir menmen werek werek. Han ki hirak kire nanamir. Yi han kitet menmen yaaim, yi eiyses God werek werek. <sup>23</sup> Te nanamir ki hirak enuk toto te yi ap eiyr menmen werek werek au. Han ki kekre yink ki hirak kises menmen enum, hiram mire toto, te menmen im mekrerek hiram mamriwaank.

**Jisas katip menmen me mit han ekitet God-menmen me ti au emit**

*(Lu 16:13)*

<sup>24</sup> “Mitik ap kakises menmen wik werek werek au. Hirak hanhan mitik kiutip, hirak kaknapen keyiak. Hirak kakikaap mitik kiutip, hirak kakweikin sip kakwet keyiak. Yi han ki kakinke kakintar pewek ap te yi eiyses God werek werek au.

**Jisas katip menmen me mit han kitet menmen mamkepi nanu werek**

*(Lu 12:22-31)*

<sup>25</sup> <sup>r</sup> “Te hi hetpi. Yi ap han kakitet yapirwe me menmen yi yayim te yi yayu werek, o menmen yi eimir emu yink ki au emit! Han ki kinin menmen yi yayim, yink ki kinin klos yi yaimir. God keweti yink ki ketike han ki kekrekrek te yi eiysesik. Hirak naanmampru me menmen te yi eiye werek werek. <sup>26</sup> <sup>s</sup> Yi eiyr hore hiram meniuwe men in men ein. Hiram ap mamir ni mei o meket teket mei men mewisim mekre weisaak au. Te Haai ki God hirak naanmiprewem. Yi yinin hore yapirwe te God naanmampru. <sup>27</sup> Mitik kei kiutip kekrekre nimin ke yi mit han kitet yapirwe te kakriak menmen mamkepik hirak kaku wi meiyam o tito yapirwe a? Taauye!

<sup>28</sup> “Yi ap hanhan yeriuwe menmen yi eimir au emit. Yi yayir timen hiram mewo meit yayiwe. Hiram ap mekerwo laplap o mesikek yiwaap au. <sup>29</sup> <sup>t</sup> Te hi hetpi. Nipaa mitik iuwe King Solomon hirak kamir klos mirak yaaim, te klos mirak ap yaaim mar ke timen im au. <sup>30</sup> God

<sup>q</sup> 6:20 Mt 19:21; Lu 18:22; Kl 3:1-2    <sup>r</sup> 6:25 Fl 4:6; 1Ti 6:6-8; Hi 13:5; 1Pi 5:7    <sup>s</sup> 6:26 Mt 10:29-31; Lu 12:6-7    <sup>t</sup> 6:29 1Kin 10:4-7; 2Kro 9:3-6

kerekek hirak kenip yenkis timen weinim hiram mire yaaim. Te hiram mepu petepin, teipmen hiram mami te mit nanisiyem. Yi yinin timen te God naanmiprewem werek werek hirak naanmampri. Yi ap yises him me God werek werek au. <sup>31</sup>Te yi ap han ekitet emir im: 'Maain hi ehit menmen mamtike tipar mamit nein te hi hahim o hi ehit klos mamit nein te hi emir? Menmen mar im au emit.' <sup>32</sup>Yi ap han kitet menmen im au eiyintar mit ap ne weiwik mi Isrel kerek ap nises God hir hanhan neriuwe menmen im wisenum. Yi ap han ekitet menmen eiyir ke hir han kitetim eiyintar God hirak Haai ki nepei kertei menmen yapirwe yi eitiwem te yi eiyu werek werek. <sup>33</sup>Te yi mit miyapir yinin hanhan eiyises God hirak kinin naanmampri te hirak kakrekyi yi yaain. Yi yiriak menmen im te God naanmampri me menmen meiyam te yi eiyu werek. <sup>34</sup>God naanmampri me menmen meiyam yi eiyu werek, te yi ap hanhan eiriuwe menmen teip hekrit hiram mamnen. Menmen teiyip hekrit hiram mamnen, yi ap yaiwenem taau. Hiram mamnen. Te yi han ekitet me menmen enum petepin epei man naanempre hiras me menmen im.

### Jisas katip menmen me mit skelim mit han

(Lu 6:37-38, 41-42)

**7** <sup>1</sup>Yi ap skelim mit me menmen hir niriakem te God ap skelim yi mit me menmen me yi yiriakem taau. <sup>2</sup>Yi ap skelim mit eiyintar God skelim yi mit kakriuwe menmen yi yiriak mit han em. Menmen yi yiriak mit han em, God kakrekyiyem kakinterim. <sup>3</sup>Ti henmak te ti hir kit yinak menmen kike mire yenkis yehes mekre nanamir kirak te ti hanhan ekiniwekem mamnopin mamkeipniwek nanamir kirak, te ti ap hanhan ekin menmen wisenum mire nu heneik mekre nanamir kit a? <sup>4</sup>Hiram enum te ti atip kit yinak, 'Ti ewisa hi ekinut menmen mekre nanamir kit emnopin emkeipin nanamir kit,' te ti menmen wisenum mamsonut nanamir kit te ti ap ehir ein ein werek werek taau. <sup>5</sup>Ti mitik enuk ewenin him. Ti ehinin naanempre nanamir kit te maain ti ekaap kit yinak eriuwe nanamir kirak. Hiram mar im: Ti ehinin eweikin sip ewet menmen enum mekre han kit te ti eh u werek. Maain ti eh u werek te ti ekaap kit yinak ekweikin sip ekwet menmen enum mirak kike.

<sup>6</sup>Yi ap eitip mit enun han kir enuk kire samiyak him yaaim me God au emit! Yi eiriakem hiram mamir ke mitik kewir hore haam metike pitau (o yini) o menmen yaaim miwaai ti, sak mamnen mamintirerim mamiwaankem. Hiram mamintirerim mamiwaankem nepei au, hiram mamweikin mamwir nikin mamiwep.

<sup>6</sup> 6:32 Mt 6:8    <sup>v</sup> 6:33 1Kin 3:10-14; Sam 37:4, 25; Ro 14:17    <sup>w</sup> 6:34 Eks 16:4, 19; Mt 6:11  
<sup>x</sup> 7:1 Ro 2:1; 1Ko 4:5; Je 4:11-12    <sup>y</sup> 7:2 Mk 4:24    <sup>z</sup> 7:6 Mt 10:11



**Jisas katip menmen me mit hir nanitehi God menmen werek werek**  
(Lu 11:9-13)

<sup>7a</sup>“Yi eyitehi God menmen te hirak kakwetiyem. Yi eyineitin menmen me God te yi eyirem. Yi eyirp weipir eiket teruk te God kakikeiswiyek. <sup>8b</sup>Hi hetpi werek. Mit kerek nitehi God menmen hirak kakwetirem. Mit kerek naninantin menmen me God hir nanirem. Mit kerek nerp weipir neket teruk, te God kakikeiswerek.

<sup>9</sup>“Mitik hak kekre nimin ke yi mit, nikan kirak kakitiwekhi me niu o bret, hirak ap kakwetiwek nan te hirak kakim au. <sup>10</sup>O nikan kirak kakitehi haai me saauk, hirak ap kakwetiwek miniu han enuk (o neiyip han) o manpen siurp (o yenmik siurp) enuk te kakim taau. <sup>11c</sup>Yi mit kerek yi enun yi yertei yewet nikerek ni menmen yaaim. Te Haai ki God kerek keit wit kirak Heven hirak yaaik wisenuk kakikaap mit kerek nanitiwekhi me menmen yaaim hirak kakwetirem hiram mamkepi.

<sup>12d</sup>“Te hi hetpi. Yi eyinin eiriak mit miyapir menmen yaaim yi hanhan te hir pike nanrekiyiem. Menmen im hi hetpi yi eiriakem hiram mises menmen yapirwe mitik Moses ketike mit profet hir newisim mau tiwei hiram matip yi eyisesim.

**Jisas katip him me weipir kike mit nanitetik te hir nanu werek werek**  
(Lu 13:24)

<sup>13</sup>“Yi eyitet weipir kike eyintar ya weipir ke wit si enum hirak kihi iuwe, yayiwe kipirak, mit miyapir yapirwe nitetik. <sup>14e</sup>Te weipir kerek mit miyapir nanitetik te hir himin kir kaku werek, hirak au kihi kike, ya enuk kike, mit miyapir niutip niutip keriyen nanitetik.

**Jisas katip him me mit profet enun nemipin**  
(Lu 6:43-44, 13:25-27)

<sup>15f</sup>“Yi mit miyapir yi naanempre hiras me mit profet enun nemipin. Hir naninen nanmitipin nanriuwe him mir te yi han kitet hir mit yaain God keriuweti nan netpi menmen. Te han kir enuk hir nemipin nanriwaank me menmen me God yi yisesim. <sup>16g</sup>Yi eyirtei hir yaain o enun nanriuwe menmen hir nanriakem. Nu teketuk ap te mamri mamri ke hinaan nikim au. Waai wakin ap te mamri mamri ke tuwaan au. <sup>17</sup>Nu yaaim hiram mamri nikim yaaim. Nu enum ap mire yaaim te mamri nikim yaaim au. Enum keremem. <sup>18</sup>Nu yaaim ap te mamri

<sup>a</sup> 7:7 Jer 29:13-14; Mk 11:24; Jo 14:13-14, 15:7, 16:23-24    <sup>b</sup> 7:8 Je 1:5; 1Jo 3:22, 5:14-15    <sup>c</sup> 7:11 Je 1:17    <sup>d</sup> 7:12 Mt 22:39-40; Lu 6:31; Ro 13:8-10    <sup>e</sup> 7:14 Jo 10:7, 9; Ap 14:22  
<sup>f</sup> 7:15 Mt 24:4, 24; Ap 20:29; 2Pi 2:1    <sup>g</sup> 7:16 Ga 5:19-22; Je 3:12

nikim enum au. Nu enum ap te mamri nikim yaa'im taau. <sup>19</sup> <sup>h</sup>Nu mei enum ap mine nikim yaa'im, mit nanman nanwirem mamno si. <sup>20</sup> <sup>i</sup>Te hi hetpi werek. Yi eiyrtei mit kerek profet enun nemipin neriuwe menmen hir niriakem.

<sup>21</sup> <sup>j</sup>“Yi ap han kitet mit yapirwe kerek nenewa hi Mitik luwe yaaik, hir nanre nikerek ne God. Au, hir mit miyapir kerek nises menmen Haai kai God hirak hanhan hir nanisesim, hir keriyen hir nikerek nirak. <sup>22</sup> <sup>k</sup>Wi maain God kakinke mit, hir yapirwe naninen nanitpo, ‘Mitik luwe yaaik. Haiu epei mekrehir kit haiu matip mit him me God, haiu mepir herwe enum men mekeipin mit, haiu miriak menmen yaa'im yapirwe nipaa mit ap nirem, haiu mikaap mit ninap o his hit enum ere hir nire yaain.’ <sup>23</sup> <sup>l</sup>Hir nanitpo menmen im te hi tewen ehitor, ‘Hi hepitari yi neimin. Yi ap ne God au. Yi mit enun yiriak enum yi einopin eikeipno!’

**Jisas katip him me mitikit wik time winak wik.**

*(Lu 6:47-49)*

<sup>24</sup> <sup>m</sup>“Mit miyapir kerek nemtau him mai hir nanisesim hir nanir ke mitik yaaik kime winak kirak kau kentir nan. <sup>25</sup> Maain hawi kan mani kiniu nime yuwerep miniu wisenum te winak kewen au. Hirak mitik kimaak kentir nan. <sup>26</sup> Mit kerek nemtau him hi hetpim hir ap nanisesim hir nanir ke mitik kime winak kiwaai ti kire tenhaan. <sup>27</sup> Maain hawi kaknen, mani kiniu, nime yuwerep miniu, te winak kewen. Winak kewen mani kakip keyiyik ken.”

**Mit han kir kekrit keriuwe menmen Jisas ketporem**

<sup>28</sup> <sup>n</sup>Jisas katip him mirak epei au, mit miyapir yapirwe kerek nemtau menmen hirak ketpim, hir han kekrit neriuwerem. <sup>29</sup> Hir han kekrit neriuwerem nentar hirak ap ketpor kar ke mit iuwe ne skraip kerek ninin nertei him me Moses natip mit em. Au, hir nises him me mit iuwe ne nipaa ein netporem. Te Jisas ketpor kar ik au. Hirak ketpor kar ke Mitik luwe God keriuwetek kan ketpor him mirak.

**Jisas kikaap mitik enuk lepro mau yink kirak hirak kire yaaik**

*(Mk 1:40-44; Lu 5:12-14)*

**8** <sup>1</sup> Jisas kinaaiwir miniu (o neiyip) kekiuwe kan kesiyen, te mit yapirwe nisesik. <sup>2</sup> Hirak kekiuwe ken kesiyen, mitik kerek enuk lepro mau yink kirak ek kan kirek kewen ninip kau menep hit mirak, hirak han kitet hirak iuwe, hirak ketpiwek kar ik: “Kai luwe, ti han kit ti ekepa hi are yaaik.” <sup>3</sup> Hirak katip epei au, Jisas kesiuwe his metenenik hirak katip, “Hi han kai

<sup>h</sup> 7:19 Mt 3:10; Lu 3:9; Jo 15:6    <sup>i</sup> 7:20 Mt 12:33    <sup>j</sup> 7:21 Mt 21:31; Lu 6:46; Ro 2:13; Je 1:22, 25    <sup>k</sup> 7:22 Jer 14:14    <sup>l</sup> 7:23 Sam 6:8; Mt 10:33, 13:41-42; 2Ti 2:19    <sup>m</sup> 7:24 Je 1:22  
<sup>n</sup> 7:28 Mk 1:22; Lu 4:32; Jo 7:46

ekepit ti ere yaaik.” Hirak katip epei au, wasenum mitik enuk lepro mewik hirak kire yaaik. <sup>4</sup>Hirak kire yaaik, Jisas ketpiwek, “Ti ap eno etip mit han menmen hi herekyutem au emit! Ti eno winak ke God eteikin mit pris yink kit ewepwar menmen mar ke him me Moses mau tiwei metput ti hirakem. Ti hiriak menmen im te hir nanirtei God kekepit ti hire yaaik.”

### **Jisas kikaap wok mitik ke mitik iuwe ke ami**

*(Lu 7:1-10)*

<sup>5</sup>Maain Jisas ken kiun wit Kapaneam, mitik iuwe ke ami ke wit Rom kewenyipirek kitiwekhi him iuwe kar ik: <sup>6</sup>“Kai Iuwe, mitik kiriak menmen mai hirak kinap kiwaai winak eik. His hit mirak epei au maa meit, yink kirak kekek wisenum.” <sup>7</sup>Jisas kewenhi ketpiwek, “Hi tewen anen akepek te hirak kakre yaaik.”

<sup>8</sup>Te mitik iuwe ke ami ketpiwek, “Mitik Iuwe, hi ap yaaik te ti enen enik winak kai. Ti atip him weinik kerekek te menmen enum mamnopin mamkeipin mitik kerek kiriak menmen mai hirak ekre yaaik. <sup>9</sup>Hi hises him me mitik hak hirak kinina hirak iuwe naanmiprau. Te hi hirekes naanmipre mit nai hi hinini. Te hi hatip mitik keyiak kiutip: ‘Ti eno,’ hirak kakno. Hi hatip keyiak: ‘Ti enen,’ hirak kaknen. Te hi atip mitik kerek kiriak menmen mai em: ‘Ti eriak menmen eim,’ te hirak kiriakem. Hi hertei ti atip him mit ehirp in, hirak kakre yaaik.” <sup>10</sup>“Jisas kemtau him kerek mitik ik ek ketpim, hirak han kekrit kekrit keriuwerem. Te hirak katip mit miyapir kerek nisesik, “Hi ap nipaa hir mitik kei ke Isrel katip him mar im kises God werek werek kar hirak kisesik au. Hirak kiutip kerekek.”

<sup>11</sup>“Jisas wen katip: “Hi hetpi werek. Mit miyapir yapirwe naninen nanrer wit wit nanises him mai werek te hir nanu yeno nanim menmen nantike Ebrahim, Aisak, tetike Jekop nanu nanit wit kerek God kewiyen. <sup>12</sup>“Te mit miyapir kerek nipaa miyerer nir ninen hir ne Isrel hir ap nanisisa au, te maain God kakipiri nanino wit enuk toto te hir nankit nanine han enuk nanineknen yehes mir nanu en.”

<sup>13</sup>Jisas ketpor epei au, hirak katip mitik iuwe ke ami ke Rom kerek kinin naanmipre mit han en, “Ti eno. Menmen mamnen mamir ke ti han kitet hiram mamnen.” Hirak katip epei au, waswas wok mitik kirak hirak kire yaaik.

### **Jisas kikaap Pita mite pirak miye pire**

*(Mk 1:29-31; Lu 4:38-39)*

<sup>14</sup>“Maain Jisas kan winak ke Pita eik, hirak kir Pita maam pirak kerek wine mite pirak hire wiwaai yeno winap yink sisi. <sup>15</sup>Jisas ken ketenen

° 8:4 Lev 14:1-32; Mt 9:30; Mk 7:36; Lu 17:14    P 8:5 Jo 4:46-47    ° 8:10 Mt 15:28

° 8:11 Sam 107:3; Lu 13:28-29    ° 8:12 Mt 22:13, 25:30; Lu 13:28    ° 8:14 1Ko 9:5

his mire, te hire winap yink sisi epei au, hire wire yaaip. Te hire wekrit wiriak menmen me Jisas kakim.

**Jisas kikaap mit miyapir yapirwe**  
(Mk 1:32-34; Lu 4:40-41)

<sup>16</sup>Maain hinkewi, hir mit han neithis mit miyapir yapirwe kerek herwe enum mau mekre han kir, hir neriyei nan nir Jisas. Hirak kepir herwe enum im kriuwe him hirak ketpim, hirak kikaap mit miyapir kerek ninap te hir nire yaain hir nanu werek. <sup>17</sup>Hirak kirkak menmen im te him nipaa God katip Aisaia kewisim mau tiwei hiram nepei man. Him im matip mar im: “Hirak kepir menmen enum merekyei haiu minap en te haiu mire yaain.”

**Him me mitik hanhan kakises Jisas**  
(Lu 9:57-60)

<sup>18</sup>In ek Jisas kir mit miyapir yapirwe nisesik neweikniwek te hirak katip mit nirak, “Haiu mit han emno wan pinak ein emnaaiwir mit in.” <sup>19</sup>Hirak ketpor epei au, mitik hak ke skraip kerek ninin nertei him me Moses natip mit em, hirak katip Jisas, “Hi apino wit kerek ti epnoriyen.” <sup>20</sup>“Jisas ketpiwek, “Miyak ke niu hiram miwaai mekre nu herkip. Hore hiram mime yaank mau niu. Te hi Mitik ke wit ke Mitik Iuwe ap winak kei kepu te hi eno ewaai ekrerek. Hi ap ewetut menmen au. Ti henmak te ti hanhan ehisisa?” <sup>21</sup>“Mitik disaipel hak katip Jisas, “Mitik Iuwe, ti ewisa hi ehinin ano ewis haai kai kerek kaki kakikre hei, te hi pike anen eisesit.” <sup>22</sup>“Te Jisas ketpiwek, “Au ti ehisisa. Mit kerek ap nises him mai hir enwisik kakikre hei.”

**Jisas katip te nime iuwe kerek miniu hiram maa (o matin) meit**  
(Mk 4:36-41; Lu 8:22-25)

<sup>23</sup>Hirak katip epei au, Jisas kehin kiniu ken kekrek bot. Mit disaipel nirak hir nisesik. <sup>24</sup>Hir nau nekrek bot epei au, hir nerekir wan. Te yuwerep miniu miriak wan sir miniu misawin bot, te Jisas hirak kiwaai. <sup>25</sup>Hirak kiwaai hir nan nekotitek netpiwek, “Mitik Iuwe ekepei! Bot epei kaknatin kakikre tipar kakno ti eik te haiu mami.” <sup>26</sup>“Jisas ketpor, “Yenmak te yi yinapen? Yi mit ap han kitet menmen yaaim mai iuwe au a?” Hirak ketpor epei au te hirak kekrit katip kewen yuwerep te wasenum nime metike wan tipar mehihe miwaai meit. <sup>27</sup>Te mit neperper natipan, “Hirak mitik ik ek hirak kire keimin te nime metike wan memtau him mirak te hirak katip yuwerep metike nime te hiram mewire miwaai meit?”

° 8:17 Ais 53:4    ° 8:20 2Ko 8:9    ° 8:21 1Kin 19:20    ° 8:22 Jo 5:25    ° 8:24 Sam 4:8

° 8:26 Sam 89:9; Mt 14:31, 16:8

**Jisas kikaap mitikit wik kepir herwe enum mekre han kirakit**  
(Mk 5:1-17; Lu 8:26-37)

<sup>28</sup>Jisas ken kiun wan pinak ein, hirak ti ke mit ne wit Gadara. Hirak kiun ein, mitikit wik herwe enum mau mekreret kenipet hirakit tau tekre herwe hei te hirakit tan tewenyipir Jisas. Hirakit enukit tetaritari han ken sip tiriak enum te mit miyapir ninaain hirakit tatnip te hir ap nanitet yayiwe kerek hirakit tewi en taau. Hirakit tewenyipirek hirakit <sup>29</sup>“tinap tenine tar ik: “Nikan ke God, kenmak te ti han heraiwaank. Wi ap epei man wen au te ti han arekyei menmen enum heperei mamno wit enuk kerek menmen mamwep!” <sup>30</sup>Sak ham yapirwe maam menmen meit yanimin kike eik, <sup>31</sup>te herwe enum mitehi Jisas, “Ti ehiperei, te eriuwetei emno emikre sak yapirwe eim e.” <sup>32</sup>Jisas ketpor, “Yi eino.” Te hiram menke mirir men mekre sak, te sak yapirwe keremem metaritari mirir men menke matin miniu (o neyip) kerekek ere men mekre wan iuwe eik, tipar mekiuwe him yipir miram hiram maam tipar maa meit.

<sup>33</sup>Epei au, mit kerek naanmipre sak em nirir nen wit iuwe nen natip mit han netpor menmen epei man metike menmen me mitikit wiketeret nipaa herwe mersiset. <sup>34</sup>Hir netpor epei au, mit miyapir ne wit iuwe nan nanwen yipir Jisas. Hir nirek hir nineinik te hir nitiwekhi him iuwe eknaaiwir wit kir, te hirak ekno wit hak.

**Jisas kikaap mitik hak his hit enum**  
(Mk 2:1-12; Lu 5:17-26)

**9** <sup>1</sup><sup>b</sup>Mit natip epei au, Jisas kehini kiniu ken kekere bot kerekir wan ken wit kirak eik. <sup>2</sup>Hir mit han neit mitik hak his hit mirak epei maa meit, hir neiyik nan hirak kiwaai yeno. Jisas kiri hir han kitet hirak iuwe kakikaap mitik ik kakre yaaik, te hirak katip mitik kerek his hit maa meit em, “Kai yinak, ti enakin tokim. In ek hi esak menmen enum mit ti hiriakem.” <sup>3</sup>Jisas katip menmen im epei au, mit han ne Skraip, kerek ninin nertei him me Moses natip mit em, hir natipan nar ik: “Mitik ik e hirak katip enum kekrehir ke God katip hi esak menmen mit enum.” <sup>4</sup><sup>c</sup>Jisas kertei menmen hir han kitetim netpim te hirak ketpor, “Kenmak te yi han kitet yekre han ki hi nepei hatip enum a? <sup>5</sup>Hi hatip mitik kiwaai kentar kinaan, ‘Hi esak menmen enum nipaa ti hiriakem, hiram mamno,’ yi yepitari hi hatip werek auye. Te hi hatip mitik, ‘Ti hekrit etenen yeno eiyim eno,’ hirak kakikrit yeno, yi eiyirtei hi hatip werek te hi esak menmen enum me yi mit. Hi hetpi mekam te yi han ekiteta? <sup>6</sup><sup>d</sup>Hi atip mitik ik har ik, ‘Ti ekrit eno,’ te yi eiyirtei hi Mitik ke wit ke Mitik

<sup>a</sup> 8:29 Mk 1:24; Lu 4:34, 41    <sup>b</sup> 9:1 Mt 4:13    <sup>c</sup> 9:4 Mt 12:25; Lu 9:47; Jo 2:25    <sup>d</sup> 9:6 Jo 17:2, 5:8

Iuwe han ti ik e God kewisa hi ahisak menmen enum mit niriakem?" Hirak ketpor epei au, hirak katip mitik kerek his hit mirak maa meit em, "Ti ekrit ekin yeno mit eiyim eno winak kit eik." <sup>7</sup>Hirak katip epei au, mitik ik hirak kekrit ken winak kirak eik. <sup>8</sup>Mit miyapir yapirwe hir nir menmen im hir neperper han kekrit neriuwerem. Hir nertei God kewis Jisas kikaap mit neriuwe menmen mirak iuwe, te hir newenipi niuk me God.

**Jisas kenine Matyu**  
(Mk 2:13-17; Lu 5:27-32)

<sup>9</sup>Jisas kinaaiwir wit ik kerekek, hirak kakno, hirak kir mitik hak niuk mirak Matyu kau winak kerek mit nari pewek me takis neitai en. Te Jisas ketpiwek, "Ti ehisisa eriak menmen mai." Hirak katip epei au, Matyu kekrit kinaaiwir menmen mirak kisesik.

<sup>10</sup>Maain Jisas kau yeno me winak kirak eik ek kakim menmen, te mit enun kerek nari pewek me takis em hir netike mit han enun nises menmen enum nau winak nanim menmen netike Jisas ketike mit nirak disaipel. <sup>11</sup>Hir mit han ne Farisi, kerek han kitet hir ninin mit han nises him me Moses, hir nir menmen im hir nitehi disaipel nar ik: "Kenmak te Mitik Iuwe ki kaam menmen ketike mit enun kerek nari pewek me takis netike mit enun nises menmen enum em?"

<sup>12</sup>Jisas kemtau him im te hirak katip him tok piksa mar im: "Mitik kinap hirak dokta kaku kaktikerek. Mitik hak han kitet hirak yaaik auye! <sup>13</sup><sup>f</sup>Yi eino han ekitet him hi ehitpiyem hiram mau tiwei me God. Hiram matip, 'Hi ap hanhan yi yaiwepwar samiyak menmen yaiwetewem au. Hi hanhan yi eiriak mit miyapir yaa'im.' Hi ap han henine mit kerek han kitet hir mit yaain te hir enweikin sip enwet menmen enum enisisa au. Hi han hari han ke mit kerek hir nertei hir enun. Te hir enisisa."

**Jisas katip him ham yaa'im mamikrehir ke him me nipaa ein**  
(Mk 2:18-22; Lu 5:33-39)

<sup>14</sup><sup>g</sup>Maain mitik Jon disaipel nirak nan nirek nitiwekhi, "Hiau metike mit ne Farisi me wi ham hiau minaain menmen te hiau ninpi mewe hiau mitehi God. Te mit disaipel nit au. Hir nenmak?" <sup>15</sup><sup>h</sup>Jisas ketpor him tok piksa mar im: "Mitik hak kerek kakit mite ep hirak eku ektike nirak yinan te hir han yaaik. Maain wi mamnen te mitik kerek keit mite ep hirak kaknaaiwir mit nirak, te hir han enuk ninpi mamn nanit.

<sup>16</sup>"Ap mitik keyiak keremir laplap kerek yaa'im nimnam em kekerwewim mamu enum tokim kerek mewep em. Hirak kakriakem mamir em te maain hirak kakikemyetit, yaa'im nimnam em mamuwep

<sup>e</sup> 9:11 Lu 15:2, 19:7   <sup>f</sup> 9:13 Hos 6:6; Mt 12:7   <sup>g</sup> 9:14 Lu 18:12   <sup>h</sup> 9:15 Jo 3:29

enum tokim em te mamuwep wisenum. <sup>17</sup>Ap mitik keiyak keit tipar wain yaaim miriram keiyim kewenem mekre meme yink miram kerek epei enum tokim em au. Hirak kakriakem mamir keremem te nap mamniu mamnan yink miram te meme yink mamwep mamriuwe nap mirak o tiwerpek mirak te tipar mamno ti. Au, mit nanwenem mamikre yaaim wen petep hiram mamu werek werek.”

**Jisas kikaap niki pe mitik iuwe; hirak kikaap  
mite wetenen laplap mirak  
(Mk 5:22-43; Lu 8:41-56)**

<sup>18</sup>Jisas wen ketpor him im keremem, mitik hak iuwe kerek kinin naanmipre mit han ne Isrel, hirak kan kewen ninip menep hit me Jisas kitiwekhi kar ik: “Hi niki pai in ek epei waa wiwaaai weit, te ti enen ewis his mit emu yink kire te hire wawikrit wawu.” <sup>19</sup>Hirak katip epei au, Jisas ketike mit disaipel nirak nekrit nisesik nen.

<sup>20-21</sup><sup>i</sup>Mite hap piutip winen hemkre hekrit hekrit ere tito hiswiyen wik (12) hire wisesik. Mekre han kire hire watip, “Hi hewis his emintar laplap mirak, te hi are yaaip.” Mite kerepew weke sip ke Jisas wan wewis his wetenen laplap hir miram kerek Jisas kamir em. <sup>22</sup><sup>j</sup>Jisas keweikin kiwaaai nan kirep. Te hirak ketpiwe, “Pai yina yaaip ti enakin tokim. Ti han kitet hi iuwe te hi akepit ti hire yaaip.” Jisas katip epei au, waswas hire wire yaaip. <sup>23</sup>Jisas kan ere kiun winak ke mitik iuwe kerek kinin naanmipre mit. Hirak kipiun ein, hirak kir mit neremim heurek em netike hir mit miyapir yapirwe nesikeyaanmi nikit niki pirak nepei waa. <sup>24</sup><sup>k</sup>Jisas kiri hirak ketpor kar ik: “Yi einepin eikeipniwe ap ekitip au emit! Hire ap waa au. Hire wiwaaai kerepew.” Hirak ketpor kar ek, te hir yapirwe nenwesisek enum wisenum. <sup>25</sup>Hir nan nepir mit miyapir netpaan nen epei au, te Jisas kinik ken haau niki wiwairiyen ketenen his mire te hire wekrit. <sup>26</sup>Him me menmen im em kerek Jisas kikaap niki ip e men merer wit wit.

**Jisas kikaap mitikit wiketeret nanamir toto tetike  
mitik han aurek katip him werek werek au**

<sup>27</sup><sup>l</sup>Jisas kinaaiwir wit kerek ek ken. Hirak kitet yayiwe te mitikit wiketeret kerek nanamir toto tisesik teninewek tatip, “Ti nepenyek ke Devit, ti hanhan heriuwawir.” <sup>28</sup>Jisas ken kinik ken winak, te mitikit wiketeret nanamir toto ten tirek. Jisas ketpiwekit, “Yi wiketeret yekre han ki yatip hi te werek arekyi yi eire yaaikit?” Hirakit tatip, “Ti Mitik luwe te ti werek.” <sup>29</sup><sup>m</sup>Te Jisas kewis his menterwekit nanamir kirakit hirak katip:

---

<sup>i</sup> 9:20 Mt 14:36    <sup>j</sup> 9:22 Mk 10:52; Lu 17:19    <sup>k</sup> 9:24 Jo 11:11    <sup>l</sup> 9:27 Mt 20:29-34  
<sup>m</sup> 9:29 Mt 8:13

“Hi erekyi yi yaaikit hentar yi han kiteta.” <sup>30</sup>“Te nanamir kirakit kir. Jisas ketpiwekit him manp kar ik: “Yi wiketeret naanmipre hirekses te mitik keiyak kakirtei menmen im em au.” <sup>31</sup>Hirakit ten wit eik tises menmen hirak ketpiwekitem au. Hirakit ten terer wit wit tatip mit menmen Jisas kerekyiwekitem.

<sup>32</sup>“Hirakit tepno te mit han neit mitik enuk han aurek, herwe kau kekrerek neiyik nan Jisas. <sup>33</sup>“Kewaaai meruri Jisas kepir herwe enum, mitik enuk han aurek kewepnak katip, te mit nerp en hir han kekrit neriuwerek, hir natip, “Ap nipaa mitik ap kiriak menmen kar ik keit wit kiau Isrel.” <sup>34</sup>“Te mit han ne Farisi natip, “Mitik iuwe Seten kerek kinin naanmipre herwe yapirwe, hirak kikaap Jisas kepir herwe im e.”

### Jisas hanhan keriuwe mit miyapir yapirwe ne Isrel

<sup>35</sup>Epei au, Jisas ken kerer wit iuwe wit kike ken kekre winak kerek mit hir nererik nekine him me Moses mau tiwei. Hirak ken en katip him yaaim me God kaknen naanmipre mit. Hirak kikaap mit miyapir yapirwe hir ninap his hit enum, nanamir toto, menmen ham te hir nire yaain. <sup>36</sup>Hirak kir mit miyapir nererik nau en, te hirak han tewenini kentar hir nepu enum han kekrit ninapen menmen ham nire sipsip mitik ap naanmiprewem. <sup>37</sup>Hirak kiri epei au, hirak katip mit disaipel nirak kar ik: “Mit in hir nire menmen mau ni epei yaaim te ap mit nei nepu te hir nanino nantiwem. <sup>38</sup>Yi eiyitehi haai ke ni im te hirak kakriuwet mit nanikrerem te hir nanithis mit miyapir nanri han kir te hir enisesik.”

### Niuk me mit aposel nar hiswiyen wik (12)

(Mk 3:13-19; Lu 6:12-16)

**10** <sup>1</sup>“Jisas kenine mit nirak disaipel nar hiswiyen wik (12), hir nan nererik. Hir nan nererik, hirak kewetir menmen mirak iuwe hir nekrehir kirak nanino nanipir herwe enum nankaap mit miyapir hir ninap his hit enum nanamir toto, menmen ham te hir nanire yaain.

<sup>2-4</sup>Im em hiram niuk me aposel nar hiswiyen wik (12) nirak. Saimon kerek niuk mirak ham Pita, hirak kinin ketike nikik kirak Endru. Hirakit tetike Jems ketike nikik kirak Jon hirakit nikerek hirakit te Sebedi. Hirakit tetike Filip, Batolomyu, Tomas, Matyu kerek keitit pewek me takis. Hir netike Jems itai kirak, hirak nikan ke Alfias, Tadius, Saimon kerek kises him me mit Selot. Hir netike Judas ke wit Keriot, mitik kerek kewepyapir Jisas te hir mit enun neiyik nen nakip. Mit in keriyen hir mit nirak aposel.

<sup>n</sup> 9:30 Mt 8:4    <sup>o</sup> 9:32 Mt 12:22    <sup>p</sup> 9:33 Mk 2:12    <sup>q</sup> 9:34 Mt 12:24; Mk 3:22; Lu 11:15

<sup>r</sup> 9:35 Mt 4:23; Mk 1:39    <sup>s</sup> 9:36 Nam 27:17; 1Kin 22:17; Esi 34:5; Sek 10:2; Mt 14:14; Mk 6:34    <sup>t</sup> 9:37 Lu 10:2    <sup>u</sup> 10:1 Mk 6:7; Lu 9:1



**Jisas keriuwet mit niraK aposel nar hiswiyen wik  
(12), hir niraK menmen  
(Mk 6:7-13; Lu 9:1-6)**

<sup>5</sup>Jisas keriuwet mit in nar hiswiyen wik (12) nen, hirak kinin ketpor him im: “Yi ap eino eiyu eitike mit ap ne weiwik me Isrel o mit nau nerer wit wit ke Sameria. <sup>6</sup>Au, yi eino mit ne Isrel keriyen. Hir mit miyapir han hir nire sipsip mitik ap naanmipror te hiram mirir misawin meit yaank. <sup>7</sup>Yi wen eino ein yi eiwepyapir him im: ‘God menep hirak kakteiknai kakirkeik te hirak kakinin naanmamrai haiu mit.’ <sup>8</sup>Yi eikaap mit miyapir ninap hir enire yaain, yi eikian mit miyapir naa te hir pike nanikrit. Yi eikaap mit miyapir lepro mawi hir enire yaain. Hi eweti menmen mai iuwe im hiram weinim te yi eiyim eikaap mit han eiriwewerem, yi ap te eiyit pewek mamrerim au emit.

<sup>9-10</sup> <sup>z</sup>“Yi ap eitenen pewek mei mamikre tanik mi au emit! Yi ap eitenen tanik iuwe yi eiwis menmen mekrerem au. Yi ap eiyit teipe o samiyak o hine yipo henmik au. Yi eiyihis eino eiyintar yi mit kerek yiriak menmen me mit han, hir enkepi naanempri me menmen.

<sup>11</sup>“Ewaai meruri yi eino wit iuwe o kike, yi eino eiyineitin mitik hak yaaik hanhan naanempri me menmen. Yi eiyu eitikerek ere yi pike einaaiwir wit. <sup>12</sup><sup>b</sup>Ewaai meruri yi eino winak ke mitik hak, yi eitip mit en eiyir ik: ‘God kaku kaktikewi naanmampr.’ <sup>13</sup>Mit miyapir in hir yaain te him mi mamu mamtikeri God kakikepi, o au en, him nipaa yi yetporem hiram pike mamu mamtikewi te God ap kakikepi. <sup>14</sup>“Yi eino te mit han ap naanmampr me menmen o ninapen nanimtau him mi yaaim yi yetpim, te yi einopin eikeipin winak o wit kir, yi einepep toni waniu (o win) mau hit mi eiteiknor God han enuk keriuweri. <sup>15</sup><sup>d</sup>Hi hetpi werak. Maain wi God skelim mit, hirak God kaknep mit miyapir enun nipaa nau Sodom ketike wit Gomora kaknip kike. Te mit miyapir kerek nanweikin sip nanwet him mi, maain God kaknip iuwe kaknepi.

**Menmen enum yapirwe maain mamnen**

<sup>16</sup><sup>e</sup>“Yi eiyimtau. Hi ariuweti yi eino eiyikre nimin ke mit enun eiyir ke mitik hak kaksuwe sipsip hak kakno kakirp nimin ke nepere enum me yaank. Hiram hanhan mamkip mamik. Yi naanempre hiras me menmen yi eiriakem eiyir winini naanmipre hiremes me wi mit nanmip hiram mirir. Yi eiriak menmen yaaim eikaap mit eiyir ke tipar nemnok

---

<sup>v</sup> 10:5 Ap 13:46   <sup>w</sup> 10:6 Jer 50:6; Mt 15:24   <sup>x</sup> 10:7 Mt 3:2, 4:17; Lu 10:9, 11   <sup>y</sup> 10:8 Ap 20:33   <sup>z</sup> 10:9 Lu 10:4   <sup>a</sup> 10:10 Nam 18:31; Lu 10:7; 1Ko 9:14; 1Ti 5:18   <sup>b</sup> 10:12 Lu 10:5-6   <sup>c</sup> 10:14 Lu 10:10-12; Ap 13:51, 18:6   <sup>d</sup> 10:15 Jen 18:20-19:28; Mt 11:24; 2Pi 2:6; Ju 7   <sup>e</sup> 10:16 Lu 10:3; Jo 10:12; Ap 20:29; Ro 16:19

mamkaap mit. <sup>17f</sup>Te yi naanempre hiras me mit enun. Hir nantihis naniswi yi eino eiyir kaunsil kir, te hir nanit nipin neiyik naniwep nanit winak kerek mit nekine him me Moses nekrek. <sup>18g</sup>Hir nantihis nanri nanino ninaan me mit iuwe o mit ne gavman nanintar yi yisisa. Te yi eiwepyapir him mai yaaim eitip mit iuwe nantike mit ap ne weiwik me Isrel eitpor him mai. <sup>19h</sup>Maain hir nantihis nanri yi eino eiyirp ninaan me mit, yi p einapen han ekitet menmen yi eiyitpim maamkaap yink ki au emit! Wi im mamnen God kakweti him mirak yaaim. <sup>20i</sup>Te God Himin Yaaik kakweti him mirak yaaim te hirak kakikepi yi eitip him mirak. Him mi au.

<sup>21j</sup>“Heiyiuwerer nanwepyapir kikrek hir nansiuweri te mit naninip nani. Haai kakwepyapir nikan kirak kaksiuwerek te mit nankip kaki. Nikerek nanwepyapir miye haai nir, te mit naninip nani. <sup>22k</sup>Mit yapirwe hir nanineini nanintar yi yisisa, te neimin hir nanisisa ere hir mit naninip hir nani, maain hi etorhis hir nanu nantikewa. <sup>23l</sup>Maain hir mit nerekyi enum neit wit hak, yi eirir eino wit hak yaaik eiwi. Hir mit en nanrekyi enum neit wit hak yaaik yi yewi, te yi pike eirir eino wit hak. Hi hetpi werek yi ap eino eirer wit wit mit ne Isrel newi en ere hi Mitik ke wit ke Mitik luwe hi pike enen.

<sup>24m</sup>“Sumatin hak ap te kakirtei menmen kakinin tisa kirak au. Wok mitik ap te kakinin mitik kerek hirak kerekyiwek menmen mirak. <sup>25n</sup>Au, mit sumatin o wok mitik hir han yaaik menmen enum naniwaanki nanir ke menmen enum naniwaank tisa kir o mitik iuwe kir. Mit epei nenewa hi Bielsebul hiram niuk mei enum me Seten, te hi hire Haai. Maain yi mit kerek yisisa yi yire nikerek nai, hir nanewi him enum enum.

### Mit hir ap ninapen mit han au- hir naninapen God

(Lu 12:2-7)

<sup>26-27o</sup>“Te yi ap einapen mit au. Menmen yapirwe in ek hiram misawin meit, maain mit nanirteiyem hiram mamnen mamu yaain. Menmen hi hisawin hetpiyem yi maain eiyirp wit iuwe eiwepyapirem eitip mit em. <sup>28p</sup>Yi ap einapen mit kerek naniwep yi yayi eiyintar hir ap te naninepi himin ki au. Yi einapen hirak God kerek kakiwep epei au, hirak kakwir himin ki kakno si tatikneni.

<sup>29q</sup>“Yi mit han ki yi eiwir pewek kiutip yi eiyit hore wiketeri. Hire hore peiyap ap te wawi waunatin wawaai ti, te Haai kaiu ap kerteiyek au. Hirak kertei ye! <sup>30</sup>God epei kertei paan marmenum miwapin paan hesnu

<sup>f</sup> 10:17 Mt 24:9   <sup>g</sup> 10:18 Ap 25:23, 27:24   <sup>h</sup> 10:19 Lu 12:11-12   <sup>i</sup> 10:20 Jo 14:26; 1Ko

2:4   <sup>j</sup> 10:21 Mai 7:6; Mt 10:35   <sup>k</sup> 10:22 Mt 24:9, 13; Jo 15:18-21   <sup>l</sup> 10:23 Mt 16:28

<sup>m</sup> 10:24 Lu 6:40; Jo 13:16, 15:20   <sup>n</sup> 10:25 Mt 9:34, 12:24; Mk 3:22; Lu 11:15   <sup>o</sup> 10:26 Mk 4:22; Lu 8:17   <sup>p</sup> 10:28 Je 4:12

ki. <sup>31</sup>Te yi ap einapen menmen au. Yi yinin hore yapirwe, te God Haai kaiu hirak naanempri werek werek.

**Him me mit newepyapir hir nises him me Jisas**  
(Lu 12:8-9)

<sup>32</sup>“Mit miyapir kerek nerp ninaan me mit han nanwepyapir hir nises him mai, te maain hir nanirp ninaan me Haai kaiu, hi etpor hir yaain nises him mai, hir mit nai. <sup>33</sup>Neimin au, te hi au.

**Jisas kan kakinke mit**  
(Lu 12:51-53, 14:26-27)

<sup>34</sup>“Yi ap han kitet hi han enip mit te hir enkiyan enu enit. Au, hi han ehinkeri. <sup>35</sup>“Hi han enip nikan ketike haai hirakit enukit tepan, o niki wetike miye pire, o yani wetike miye pire hir enun nepan. <sup>36</sup>Mit miyapir ne weiwik me mitik hak hir netikerek nanir ke mit enun nepan.

<sup>37</sup>“Mit miyapir kerek hir ninin hanhan miye haai o nikerek nir te hir ap hanhan werek neriuwa au, hir ap yaain te nanisisa nanimtau him mai au. <sup>38</sup>“Mit miyapir kerek hir ninapen menmen enum mamnen mamnip nanintar hir nises him mai, hir ap yaain te hir nanisisa au. <sup>39</sup>Mit miyapir kerek neweikin sip newet him mai nanintar mit naninip, maain hir ap te nanu nantike God au. Neimin mit hir naninip nanintar hir nisisa, maain hir nantike God nanu nanit.

**Mitik kakriak menmen yaaim, maain God kakwetiwek menmen yaaim**  
(Mk 9:41)

<sup>40</sup>“Mit miyapir kerek hir nantihis naanmamprai hiram mamir ke hir nantauhish naanmamprau. Hir kerek nantauhish naanmamprau, hiram mamir ke hir naanmampre hirak God kerek keriuweta hi han in. <sup>41</sup>Mit miyapir kerek naanmipre mitik profet nanintar hirak profet kerekek, maain God kakwetir menmen yaaim miutip nantike mitik profet. Neimin naanmampre mitik yaaik kises him me God nanintar hirak mitik yaaik kerekek, maain God kakwetir menmen yaaim miutip nantike mitik yaaik. <sup>42</sup>“Mit miyapir kerek hir nankaap mit miyapir weinin kerek nisisa nanrekyor menmen kike yaaim miutip, maain God kakwetir menmen yaaim.”

**Jon Baptais keriuwet mit disaipel han nen nir Jisas**  
(Lu 7:18-35)

**11** <sup>1</sup>Jisas katip mit nirak disaipel nar hiswiyen wik (12) epei au, hir ninaiwirek nen nerer wit wit. Hir ninaiwirek te Jisas kinaaiwir

---

<sup>q</sup> 10:31 Mt 6:26, 12:12    <sup>r</sup> 10:32 Rev 3:5    <sup>s</sup> 10:33 Mk 8:38; Lu 9:26; 2Ti 2:12    <sup>t</sup> 10:35 Mai 7:6    <sup>u</sup> 10:37 Diu 33:9    <sup>v</sup> 10:38 Mt 16:24-25; Mk 8:34-35; Lu 9:23-24, 17:33; Jo 12:25  
<sup>w</sup> 10:40 Mk 9:37; Lu 10:16; Jo 13:20; Ga 4:14    <sup>x</sup> 10:42 Mt 25:40

wit kerek hirak kewi, hirak ken katip mit kerek nau nirapit wit kirak ik hirak ketpor him mirak. <sup>2</sup>Me wi im Jon Baptais kepu kekre winak enuk. Hirak kau kekrerek, hirak kemtau menmen Jisas kiriakem, te hirak keriuwet mit disaipel nirak nen nir Jisas. <sup>3</sup>Hir nen nepitir niun Jisas hir nitiwekhi nar ik: “Ti hirekes mitik kerek Jon katip ti enen o haisu mamimerir mitik keiyak?” <sup>4</sup>Jisas kewenhi ketpor, “Menmen yi epei yan yirem, o yi yemtewem, yi eino eitip Jon em. <sup>5</sup>Mit miyapir nanamir enum toto, hi enipi hir pike nir ein ein. Mit miyapir his hit enum, hir nire yaain nen ein nen ein. Mit miyapir hir lepro mewi, hir yink kir yaaik. Mit miyapir hir nikip toto, hir nire yaain nemtau menmen werek werek. Mit miyapir epei naa, hi hikian hir pike nekrit nau. Hi atip mit miyapir kerek netenen menmen au, hi hetpor menmen im hiram menmen God katip mitik hirak kaknen kakriakem. <sup>6</sup>Mit han kerek hir han kiteta hi mitik kerek God keriuweta hi han, maain hir han yaaik nanu.”

<sup>7</sup>Hirak ketpor epei au, mit ne Jon pike nen. Hir epei nanino, Jisas katip mit menmen me Jon. Hirak ketpor, “Nipaa yi yen yir Jon yi han kitet yi yayir mitik kire mekak? Hirak mitik keweikin han yapirwe kire niyen (o tupne) nime metitiwem hiram miririr a? Taauye! <sup>8</sup>Te yi yen yayir mekam? Yi yir mitik keriuwet klos yaaim a? Au, mit kerek neriuwet klos yaaim hir nau winak ke mit iuwe gavman. <sup>9</sup>Im em au, te yi yen yayir mekam? Yi yen yir mitik profet a! Hiram werek, te hi hetpi, yi yir mitik hirak kinin profet. <sup>10</sup>Hirak mitik kerek nipaa tiwei me God mitik kewisim matip hirak kaknen. Him matip mar im:

‘Hi ariuwet mitik kai kakinin kaknen kaktip him mai. Hirak kakimani han ke mit yapirwe te hir nanimtau him mit.’ <sup>11</sup>Hi hetpi werek. Jon Baptais hirak kinin mit miyapir yapirwe kerek nipaa ere in miyerer nir ninen. Te neimin hir mit weinin hir nanises him me God maain hir nanu nantike God nanit en te hir naninin Jon kerek wi hirak kau ti ik e.

<sup>12</sup>Nipaa wi Jon kinin kewepyapir hirekes katip mit menmen, nipaa ein ere in God kewepyapir hirak kakinin naanmampre mit miyapir. Te mit kerek nenehan nenapan niriakan enum hir neweikin sip newet menmen enum hir nises him im. <sup>13</sup>Menmen im epei man mentar him nipaa Moses kewisim mau tiwei metike him mit profet newisim mau tiwei hiram matip me Jon kaknen kaktip mit him im. <sup>14</sup>Te yi han kitet hi hatip werek, hi etpi Jon hirak mitik ik Ilaija nipaa yi yekinaak kau tiwei hirak epei kaknen. <sup>15</sup>Neimin hir nemtau him mai hir han ekitetim werek

<sup>y</sup> 11:2 Mt 14:3    <sup>z</sup> 11:3 Mal 3:1; Mt 3:11; Jo 1:15    <sup>a</sup> 11:5 Ais 35:5-6, 61:1    <sup>b</sup> 11:6 Mt 13:57, 26:31    <sup>c</sup> 11:7 Mt 3:5    <sup>d</sup> 11:10 Mal 3:1; Mk 1:2; Jo 3:28    <sup>e</sup> 11:12 Lu 16:16    <sup>f</sup> 11:14 Mal 4:5; Mt 17:10-13; Mk 9:11-13

werek. <sup>16</sup>Hi ewis mit miyapir nau ti in ek hir nire mekam? Hir nire nikerek neninehan neit maket nemitetpin hir natip,

<sup>17</sup>'Haiu miriak tukin menep wekinp, te yi ap yirire au.

Haiu menep tukin mitik hirak kaa te yi ap yan yikitek au.' <sup>18</sup>Hi hatip menmen im hentar Jon kewepyapir hirekes wi ham hirak ninpi maak, hirak ap kaam tipar si enum au. Mit iuwe nirek te hir natip, 'Herwe kersisek hirak han enuk.' Hir ap han yaaik neriuwerek nisesik au. <sup>19</sup>Hi Mitik ke wit ke God hi han hewepyapir hirekes hi etike mit haiu maam menmen maam tipar. Mit iuwe nira hir natip, 'Eiyirek! Hirak kaam menmen iuwe yeunim, hirak kaam tipar si enum ere ketaritari. Hirak ketike mit enun nari pewek me takis netike mit han enun hir neryeyan nen.' Menmen God ketpawir hi etike Jon hawir wisesim te yi ap han yaaik yeriuwawir yisesawir au. Menmen hawir wiriakem hiram meteikin mit God kertei menmen werek werek."

**Jisas han tewenin mit ne wit ham hir ap nises him mirak**

*(Lu 10:13-15)*

<sup>20</sup>Hirak ketpor epei au, te Jisas kene mit nau nerer wit wit kerek hirak nipaa kiriak menmen yapirwe kikaap mit keriuwerem. Hirak keneri kentar hir ap neweikin sip newet menmen enum hir nises him mirak au. <sup>21</sup>Hirak katip kar ik: "Yi mit miyapir yau wit Korasin yetike mit miyapir ne wit Betsaida! Maain God kakriwaank! Menmen yi yira hi hiriakem heit wit ki, nipaa mit profet niriakem neit wit Taia ketike wit Saidon, te hir waswas nanweikin sip nanwet menmen enum nanwen toni mamintar yink kir nanteikin God hir yink enuk. Te yi mit yi ap yiriakem au. <sup>22</sup>Hi hetpi werek. Maain wi kerek God skelim mit, hirak kaknep mit ne Taia netike mit ne Saidon kaknip kike, te yi mit au hirak kakiwep iuwe. <sup>23</sup>Yi mit ne wit Kapaneam. Yi han kitet God kaktip yi yaain a? Au, God kaktip yi mit enun kakwiri yi eino si. Hi hiriak menmen yaaim heit wit Sodom kerek nipaa hirak kepu kar ke hi epei hiriakem heit wit ki, te hir neweikin sip newet menmen enum te God ap kanip kaknepi wit weinik au. Hir wen nepu. <sup>24</sup>Hi hetpi werek. Maain wi kerek God skelim mit, hirak kaknep mit ne Sodom kaknip kike, te yi mit miyapir au, hirak kakiwep iuwe."

**Mit kerek nises him me Jisas hir nanu werek**

*(Lu 10:21-22)*

<sup>25</sup>Me wi im Jisas katip kar ik: "Haai ti kerek Mitik Iuwe ke nepni metike ti, hi han yaaik heriuwit hentar ti hisawin menmen mit yaaim te mit iuwe nepitariyem. Ti epei ewepyapirem heteikin mit weinin em. <sup>26</sup>Hi han yaaik

<sup>8</sup> 11:18 Mt 3:4 <sup>h</sup> 11:19 Mt 9:14; Lu 15:1-2 <sup>i</sup> 11:21 Jna 3:6 <sup>j</sup> 11:22 Ais 23; Esi 26:1-28:26; Joe 3:4-8; Emo 1:9-10; Sek 9:2-4 <sup>k</sup> 11:23 Jen 19:24-28; Ais 14:13-15; Ju 7 <sup>l</sup> 11:24 Mt 10:15; Lu 10:12 <sup>m</sup> 11:25 1Ko 1:26-29

heriuwit hentar ti hanhan hises han kit te ti hiriakem mar im. <sup>27</sup>Haai kai ti epei eweto menmen mit yapirwe te hi naanmiprewem. Mit ap nertei han ke hi Nikan kit. Ti Haai kai kerek. Mit ap nertei han kit au. Hi Nikan kit hetike mit kerek hi ewep yapir han kit eteiknokrek.

<sup>28</sup>“Yi mit miyapir kerek yi yiriak menmen iuwe yises God, te yi han ki enuk yentar yi yisesik werek werek au. Yi einen eiyises him mai te hi akepi yi eiyisesik werek werek. <sup>29</sup>Yi einen eiyises him mai te hi eteikni menmen. Yi eiyisisa eiyintar hi ap hire mitik atip him tokik au. Hi ewenin han kai atip mit him yaaim. Yi eiyisisa te yi han yaaik, yi yayu werek werek. <sup>30</sup>Menmen hi ahitih i eiyisesim eiriakem, hiram yaaim. Te yi ap han enuk yayisesim au. Yi han yaaik eiyu.”

**Mit ne Farisi nitehi Jisas me menmen mit nirak niriakem me wi Sabat**  
(Mk 2:23-28; Lu 6:1-5)

**12** <sup>1</sup>Maain wi ham Sabat Jisas ketike mit nirak disaipel neremir (o nitet nimin ke) ni kerek wit yehes miram mewim. Mit nirak hir ninpi maan te hir nerpesis yehes miram newenwohisem naam. <sup>2</sup>Mit han ne Farisi niri niriak menmen im te hir natip Jisas, “Ei ti emtewem! Mit nit disaipel hir niriak menmen me wi Sabat kerek him me Moses meriuwesisem.” <sup>3</sup>Jisas ketpor kar ik: “Yenmak te yi ap yertei menmen werek werek nipaa Devit kiriakem me wi hirak ketike mit nirak hir ninpi maan. <sup>4</sup>Hirak ken kekrek winak kerek mit newepwar God menmen, hirak keit bret mitik hetpris kewetiwekem. Mit epei newet God em te hirak ketike mit nirak hir naam. Him me God Moses kewisim mau tiwei matip mit pris keriyen hir nanim. Mit han au. <sup>5</sup>Te yi yenmak te yi ap yertei menmen werek werek mekre him me Moses yi yekinaam a? Wi Sabat yapirwe miutip miutip mit pris hir niriak wok nenep samiyak nesiyem newet God em. Hir ap nau yain yain nar ke him me Moses matip mit enisesim te God katip mit pris hir yaain. Menmen im me God minin him me Moses me wi Sabat. <sup>6</sup>Hi hetpi werek. Menmen kau in hirak kinin winak iuwe ke God. <sup>7</sup>Yi yertei him werek werek God kewisim mau tiwei, te yi ap yatip enum yene mit kerek niriak menmen enum au. Him me God matip mar im: ‘Hi hanhan te yi hanhan yeriuwe mit. Menmen im minin samiyak yi yamip yesiyem yewetewem.’ <sup>8</sup>Hi hetpi hi Mitik ke wit ke God hi luwe naanmipre menmen mit ne wi Sabat hir niriakem.”

**Me wi Sabat Jisas kikaap mitik his enum hirak kire yaaik**  
(Mk 3:1-6; Lu 6:6-11)

<sup>9</sup>Jisas ketpor epei au, hirak kinaaiwir wit ik, hirak ken winak hak kir kerek hir nererik nekine him me Moses metike him me mit profet

<sup>n</sup> 11:27 Mt 28:18; Jo 1:18, 3:35, 10:15, 17:2; Fl 2:9    <sup>o</sup> 11:28 Jer 31:25    <sup>p</sup> 11:29 Jer 6:16  
<sup>q</sup> 11:30 1Jo 5:3    <sup>r</sup> 12:1 Diu 23:25    <sup>s</sup> 12:2 Eks 20:10    <sup>t</sup> 12:3 1Sm 21:1-6    <sup>u</sup> 12:4 Lev 24:5-9    <sup>v</sup> 12:5 Nam 28:9-10    <sup>w</sup> 12:6 Mt 12:41-42; Lu 11:31-32    <sup>x</sup> 12:7 Hos 6:6; Mt 9:13

newiyen. Hirak ken en, <sup>10</sup>ymitik kiutip kau winak ek hirak his mirak miutip enum maa. Mit han en hir hanhan nesiuwe Jisas me menmen him me Moses metpim, te hir nitiwekhi nar ik: “Him me Moses haiu misesim me wi Sabat meriuwesis mitik kakikaap mitik kinap o au?” <sup>11</sup>Te Jisas ketpor, “Me wi Sabat mitik keyyak ke yi mit hirak sipsip kirak kiutipen kerekek kakinke kakikre hei, hirak kakno kakikinik kakwisik kakit wit eik a? <sup>12</sup>“Haiu mit minin sipsip hiram au menmen weinim. Te haiu me wi Sabat mamkaap mit te hir nanire yaain.” <sup>13</sup>Hirak katip epei au, hirak katip mitik his enum, “Ti esiuwe his mit.” Hirak kesiuwe his miutip mirak te his mire yaaim mar ke his mirak pinam. <sup>14</sup><sup>b</sup>Hirak kiriakem, te mit en ne Farisi hir nen witeik hir nisawin natipan nimenipinek narkeik te hir naninep Jisas kaki.

**Jisas kiriak menmen me God kises menmen mau  
tiwei kerek nipaa mit profet netpim**

<sup>15</sup><sup>c</sup>Jisas kertei menmen hir hanhan nanrekiwekem te hirak kinaaiwir wit eik e. Mit yapirwe hir ninap hir nisesik te hirak kekepi hir nire yaain. <sup>16</sup><sup>d</sup>Te hirak ketpor him iuwe hir ap entip mit han menmen hirak kerekyorem au emit. <sup>17</sup>Hirak ketporem te menmen nipaa mitik profet Aisaia ketpim kewisim mau tiwei mamnen. Him im hiram matip,

<sup>18</sup><sup>e</sup><sup>f</sup>“Mitik ik hi hehimitanek hirak kiriak menmen mai. Hi hanhan heriuwerek, hirak kenipa hi han yaaik. Hi tewen ariuwet Himin kai Yaaik kaku kakikre han kirak te hirak kakikepik kakno kaktip mit nerer wit wit menmen yaaim hi arekyorem ahisak menmen enum mir.

<sup>19</sup>Hirak kaktike mit han ap nanitpepan, hirak ap te kaknip him iuwe o kakirp yayiwe kaktip mit him mirak au.

<sup>20</sup>Hirak ap kakiwaank mit miyapir hir nises God yaaik kike nire niyen me mani hiram maa nime miniu mamweninem. Mit miyapir hir nire si metnen kike maain hiram mami, hirak kakikepi hir nanu werek. Hirak kakikepi ere wi hirak kakinin menmen enum te him hirak kaktip mit em, hiram mamnen.

<sup>21</sup>Te mit miyapir nerer wit wit ap ne weiwik me Isrel, hir enises him mirak nanu naninkikwek ere maain hirak kakne kaktorhis.”

**Mit natip Bielsebul kikaap Jisas kepir herwe enum  
(Mk 3:20-30; Lu 11:14-23; 12:10)**

<sup>22</sup><sup>g</sup>Maain hir mit han neit mitik enuk herwe kenipek nanamir toto, hirak kemesisiwek him ap katip au. Hir neiyik nan Jisas te hirak kepir herwe enuk

<sup>y</sup> 12:10 Lu 14:3    <sup>z</sup> 12:11 Lu 14:5    <sup>a</sup> 12:12 Mt 10:31    <sup>b</sup> 12:14 Jo 5:16    <sup>c</sup> 12:15 Mk 3:7-10

<sup>d</sup> 12:16 Mt 8:4; Mk 3:12    <sup>e</sup> 12:18 Mt 3:17    <sup>f</sup> 12:18 Ais 42:1-4    <sup>g</sup> 12:22 Mt 9:32-33

ken, hirak kire yaaik kir ein ein, katip werek werek. <sup>23</sup>Mit miyapir yapirwe hir nirek, hir han kekrit natip nar ik: “Yi han kitet mitik ik hirak Kraais ik Nepenyek ke Devit kerek nipaa God katip hirak kakriuwetek kaknen?” <sup>24</sup><sup>h</sup>Te mit han ne Farisi hir nemtau mit natip menmen mar im hir nemnorem natip nar ik: “Hirak ap Nepenyek ke Devit au. Hirak kepir herwe enum kentar mitik iuwe ke herwe hirak Bielsebul hirak kekepik kepirem.”

<sup>25</sup>Jisas kertei menmen hir han kitetim te hirak ketpor kar ik: “Mit nau wit iuwe hir newep nau ke nimin nentar menmen, te mit in ap nepu werek werek au. Mit ne weiwik miutip o nikerek ne mitik kiutip hir newep nau ke nimin nentar menmen te hir ap nepu werek werek naanmpire wit kir au. Hir naninke hasini naniwaank hiras. <sup>26</sup>Seten hirak kekepa hi epir herwe mirak te hirak kewep kau nimin. Karkeik te hirak kaku werek werek a? Taau! <sup>27</sup>Yi yatip hi hepir herwe hentar Bielsebul kekepa. Hirak kekepa hi hepir herwe te mit han ne yi mit, neimin nekepi te hir nepir herwe mekre han ke mit? Seten a? Au! Hir ap nepir herwe nentar Seten kekepi au. God kerekek. Te menmen hir niriakem meteikin yi yetpo enum me Seten kekepa. Au, God kerekek kekepa. <sup>28</sup><sup>i</sup>God Himin Yaaik kerekek kekepa hi hepir herwe mamnopin mamkeipin. Menmen im meteikni God epei kan kau menep kakinini naanmampri.

<sup>29</sup><sup>j</sup>“Hi wen etpi him ham. Mitik hak kakno kakikintip menmen me mitik iuwe hirak kakinin kakriak mekam? Hirak kakinin kaksenkek his hit me mitik iuwe. Hirak kaksenkikwek his hit mirak, hirak kakikintip menmen mirak keiyim kakno. <sup>30</sup><sup>k</sup>Neimin hir ap nisisa hir nar ke mit enun nepan nai. Neimin hir ap nekepa haiu mamri han ke mit nanises God hir nar ke mit enun nepir mit nanises menmen enum heriyai heriyai.

<sup>31</sup><sup>l</sup>“Te hi hetpi, menmen yapirwe mit niriakem o menmen enum hir netpim hir newepyapirem neweikin sip newetiwem maain God kakisakem. Te mit miyapir kerek hir natip enum me God Himin Yaaik, God ap te kakisak menmen im au. <sup>32</sup>Mit miyapir kerek hir natip enum me hi kerek Mitik Iuwe keriuweta hi han, maain God kakisak menmen enum hir netpim. Te neimin hir natip enum me God Himin Yaaik, God ap kakisak menmen enum hir natip in o maain. Hir nanit wit kirak yaaik au.

### Him me nu enum mari mine nikim miram enum

(Lu 6:43-45)

<sup>33</sup><sup>m</sup>“Nu mei hiram yaaim te hiram mamri mamine nikim miram yaaim. Nu mei enum te hiram mamri mamine nikim miram enum. Mit nir nu nikim miram hir natip, ‘Nu im hiram yaaim’, o au en, hir natip, ‘Nu im hiram enum mesine’. <sup>34</sup><sup>n</sup>Yi mit enun nikerek ne manpen Seten. Yi ap eitip him ham yaaim

<sup>h</sup> 12:24 Mt 9:34, 10:25    <sup>i</sup> 12:28 Ap 10:38; 1Jo 3:8    <sup>j</sup> 12:29 Ais 49:24; 1Jo 4:4

<sup>k</sup> 12:30 Mk 9:40; Lu 9:50    <sup>l</sup> 12:31 1Ti 1:13; Hi 6:4-6, 10:26    <sup>m</sup> 12:33 Mt 7:16-20

<sup>n</sup> 12:34 Mt 3:7, 15:18, 23:33; Lu 3:7



eyintar yi mit enun. Mit natip him nises menmen mekre han kir. <sup>35</sup>Mitik yaaik katip menmen yaaim kentar han kirak yaaik. Mitik enuk katip menmen enum kentar han kirak enuk. <sup>36</sup>Hi hetpi menmen im hentar maain wi kerek God skelim yi mit, hirak kakitih me menmen enum miutip miutip nipaa yi yetpim. <sup>37</sup>Maain God kakitih me menmen miutip miutip yi nipaa yetpim. Te him mi hiremes maain mamteikin God yi yire mit yaain o au enun.”

**Mit han nitiwekhi hirak kiriak menmen kakteiknor God keriuwetek  
kan kekepik kiriak menmen yaaim nipaa mit nirem au**  
(Mk 8:11-12; Lu 11:29-32)

<sup>38</sup>Hirak katip epei au, mit han ne Skraip, kerek ninin nertei him me Moses natip mit em, hir netike mit ne Farisi, kerek han kitet hir ninin mit han nises him me Moses, hir natip nar ik: “Mitik luwe, haiu hanhan ti hirekes eriak menmen yaaim nipaa mit ap niriakem au.”

<sup>39</sup>P<sup>r</sup>Te Jisas ketpor kar ik: “Yi mit miyapir kerek yitauhi hi ariak menmen yaaim nipaa mit ap niriakem, yi mit miyapir enun ap yises God au. Hi ap ateikni menmen yi yitauhiyem au. Hi ateikni menmen hiram mei me mitik profet Jona nipaa kau ti keremem. <sup>40</sup>Nipaa saauk wisenuk ke wan eik kekes Jona hirak kekere tu kirak ere wi wikak. Te hi Mitik kerek Mitik luwe keriuweta hi han in, hi hahu akre hei ehit nimin ere wi wikak. <sup>41</sup>Maain wi God skelim yi mit, mit nipaa nau neit Nineva nanirp nantike mit nau ti in. Hir nanirp nantike mit in hir nantip, ‘Yi mit enun.’ Hir nantip nanir ik nanintar nipaa Jona katip mit en him me God te hir neweikin sip newet menmen enum nises him me God. Mitik luwe kinin Jona hirak kau in te yi ap yeweikin sip yewet menmen enum au. <sup>42</sup>Maain wi God skelim yi mit, mite iuwe kwin hire nipaa naanmipre mit nau wit Siba, hire wawirp wautike mit miyapir nau ti in. Hire wawirp wautike mit miyapir nau ti in ek hire wautip, ‘Yi mit miyapir enun.’ Hire wautip menmen im wawintar nipaa hire winaaiwir wit kire wen hit nokim (o yanimin) te wemtau him yaaim mitik iuwe King Solomon ketpim. Mitik luwe kinin King Solomon hirak kau in te yi ap yeweikin sip yewet menmen enum yemtau him mirak au.

**Him me herwe enuk nipaa kinaaiwir mitik hirak pike kan**  
(Lu 11:24-26)

<sup>43</sup>“Wi kerek herwe enuk kenke kinaaiwir mitik, hirak kepno ein ein kerekir wit tipar aurek, hirak kinkatin wit hak te hirak kakwi. Hirak kinketniwek kinketniwek hirak ap kinapinek au. <sup>44</sup>Te hirak han kitet kar ik: ‘Hi ap hinapin wit yaaik au, te hi pike eno wit kai kerek nipaa hi

° 12:38 Mt 16:1; Lu 11:16; Jo 6:30; 1Ko 1:22    P 12:39 Mt 16:4    ¶ 12:40 Jna 1:17

\* 12:41 Jna 3:5    \* 12:42 1Kin 10:1-10; Mt 12:6

hewik.' Hirak pike kepno wit kirak, hirak kir winak herwe keiyak kewik au. Hirak yaaik kire mitik keripep waniu yaaim. <sup>45</sup>'Hirak kirek epei au, hirak ken kinkatin herwe enum mar hispinak wik (7) mininek. Epei au, hirak ketikeri nanino winak eik e nanu nanit. Nipaa mitik hirak herwe kewik han enuk kike, te in ek hiram herwe mamiwaank han kirak enuk. Menmen mamir im mamnen mamnep mit nau ti im."

**Jisas miye pirak wetike kikrek nirak nanino nanirek**

*(Mk 3:31-35; Lu 2:19-21)*

<sup>46</sup>"Jisas wen katip mit menmen mirak, te miye pirak wetike kikrek nirak nan nanirek. Hir nerp witeik hanhan netpiwek menmen. <sup>47</sup>Hir nerp en, mit han nerp en netpiwek nar ik: "Emtewek. Miye wetike kikrek nit nan nanrit nanitput menmen." <sup>48</sup>Jisas keweniwekhi katip, "Peimin hire miye pai. Neimin hir nire kikrek nai?" <sup>49</sup>Hirak kesiuwe mit nirak disaipel his hirak katip, "Eiyiri. Mit miyapir in hir nire miyerer nai netike kikrek nai. <sup>50</sup>"Neimin hir nises menmen Haai kai keit wit kirak hirak hanhan hir nanisesim, hir nire kikrek nai, yenterer nai o miye pai."

**Him me mitik kamir nikim mekre ni**

*(Mk 4:1-9; Lu 8:4-8)*

**13** <sup>1</sup>Me wi im keremem, Jisas kinaaiwir winak ketpaan ken wit eik ken kau menep wan eik. <sup>2</sup>"Hirak kau en, mit miyapir yapirwe nererik menep menep nersis Jisas. Te hirak kiniu ken kekere bot kau en, hir mit miyapir nerp tenhaan nau pin eik. <sup>3</sup>Jisas ketpor menmen yapirwe me tok piksa mar im. Hirak katip: "Mitik hak ken kamir nu nikim mekre ni mirak. <sup>4</sup>Te mitik kewirem mau ni, nikim ham menke miwaai yayiwe kerek wit yaain te hore man maam. <sup>5</sup>Yehes ham menke mentar nan kerek ap ti mei iuwe menterim em, te hiram mewo wasenum mentar ti kike kentar nan. <sup>6</sup>Wepni kan kir kenterim te hiram ap mewir nekenik men ti eik au. Hiram me weiwei te maa meit. <sup>7</sup>Nikim ham menke miwaai waai kerek tiktik mewim em, te waai keremem tiktik mewim em miniu miwapin em. Te hiram mewo werek werek ap mari au. <sup>8</sup>Nikim ham menke miwaai ti yaaik nipaa mitik kewenek te hiram mewo mari yaaim. Ham mari 100, ham mari 60, ham mari 30. <sup>9</sup>Mit miyapir kerek nemtau him mai hir han ekitetim werek werek!"

**Jisas kewepyapir kenmak te hirak katip mit miyapir menmen keriuwe tok piksa**

*(Mk 4:10-12; Lu 8:9-10)*

<sup>10</sup>Hirak ketpor epei au, mit disaipel nan nitehi Jisas, "Ti henmak ti hetpor him tok piksa?" <sup>11</sup><sup>x</sup>Jisas ketpor, "God epei keteikni menmen hirak kakriakem

<sup>t</sup> 12:45 2Pi 2:20    <sup>u</sup> 12:46 Mt 13:55    <sup>v</sup> 12:50 Jo 15:14; Ro 8:29    <sup>w</sup> 13:2 Lu 5:1-3

<sup>x</sup> 13:11 1Ko 4:1

te kakinin naanmipre yi mit. Hirak keteikni yarkeik te yi eire nikerek nirak yi eyisesik. Te mit in en au. <sup>12</sup>Mit han kerek netenen menmen ham me God, hirak kakwetir meiyam yapirwe te hir nantiwem yapirwe. Te mit han kerek ap netenen menmen iuwe ninapen him mirak, menmen kike hir epei netenenim mamiwaank mamit. <sup>13</sup>Hi hetpor menmen meriuwe tok piksa hentar hir nir menmen te hir ap nertei menmen. Hir nikip memtau, te hir ap nertei menmen hi hetpim werek werek au. <sup>14</sup>Him ham nipaa mitik profet Aisaia ketpim hirak kewisim mau tiwei hiram epei man mentar menmen mit miyapir in hir niriakem. Hiram matip:

‘Yi yayimtau him yeteipim yeteipim te yi yayirtei menmen werek werek au. Yi yayir menmen yaiteipim yaiteipim te yi yayir menmen werek werek au.

<sup>15</sup> Hir nanirem werek werek au nentar han ke mit miyapir in en epei au ketaritari, hir nemesis nikip mir epei au ninapen nanimtau him. Te hir ninapipi nanamir kir ap nir menmen hi hiriakem. Hir ap niriak menmen im te hir nanir menmen hi hiriakem nemtau menmen mai werek werek, han kir enisisa te hi akepi hir enire yaain.’

<sup>16</sup> <sup>b</sup>“Te yi han yaaik eiyu. Nanamir ki epei kir menmen werek werek. Nikip mi epei memtau menmen werek werek. <sup>17</sup>Hi hetpi menmen werek werek. Mit profet yapirwe netike mit yaain nipaa hanhan nanir menmen yi epei yira hi hiriakem, te hir ap nirem au. Hir hanhan nanimtau menmen yi epei yemtau hi hetpim te hir ap nemtewem. Au, hir epei naa.

### **Jisas kewepyapir him mirak me mitik kamir rais nikim**

*(Mk 4:13-20; Lu 8:11-15)*

<sup>18</sup>“Yi eyimtau hir o as me tok piksa me mitik kewir rais nikim miram mau ni. <sup>19</sup>Mit yapirwe nemtau him me God kakinin naanmipre mit te hir ap nerteiyem werek werek au, hir nire nikim miwaai yayiwe. Maain Seten kaknen kakikre han kir kakkpir him kerek epei God kewisim mekretek. <sup>20</sup>Nikim ham minatin miwaai ti kike mentar nan, im em hiram mire mit han wasenum nemtewem han yaaik neriuwerem. <sup>21</sup>Te hir nire nikim keremem ap mine nekenik men ti eik au te mamu kike. Maain hiram pike mami. Mar im em te mit neiyen nemtau him me God nisesim. Maain kike mit han neneri nerekyor enum nentar hir nisesim, te hir wasenum neweikin sip newetiwe. <sup>22</sup>“Nikim ham menke mekre waai kerek enum tiktik mewim em, hiram mire mit nemtau him im te menmen enum me ti ik ek metike pewek hir hanhanem hiram minin him me God. Mit nar ik ek ap te nanriak menmen yaaim nanises God werek werek au. <sup>23</sup>Nikim menke mekre ti yaaik hiram mar ke mit nertei him me God nemi mekre

<sup>†</sup> 13:12 Mt 25:29; Mk 4:25; Lu 8:18, 19:29    <sup>‡</sup> 13:13 Diu 29:4    <sup>§</sup> 13:14 Ais 6:9-10; Jo 12:40; Ap 28:26-27    <sup>¶</sup> 13:16 Lu 10:23-24    <sup>•</sup> 13:22 Mt 6:19-34; Lu 12:16-21; 1Ti 6:9-10, 17

han kir. Te hiram mine wit mari yehes yapirwe, ham mar 100, ham mar 60, ham mar 30, te hir niriak menmen yaaim yapirwe.”

**Jisas katip him tok piksa me yenkis enum mente mau ni**

<sup>24</sup>Jisas ketpor him tok piksa ham. Hirak katip: “Menmen God kirkakem hiram mire mitik hak kewir wit niki mitet ni mirak. <sup>25</sup>Maain witaan mit miyapir niwaai, mitik enuk kirak kepan kan kewir yenkis yehes miram enum mitet ni kerek hirak epei kewir wit niki mewu en, te hirak ken. <sup>26</sup>Maain wit kerek hir epei newirem em mau ni eim mire iuwe mamine niki, te hir nir yenkis enum keremem metikerem. <sup>27</sup>Mit niriak menmen me mitik iuwe hir nen netpikew nar ik: ‘Mitik iuwe ti nepei hamir wit yehes mekre ni mit im e. Ti hamir menmen yaaim te menmen im enum meke nein man te hiram mewu in?’

<sup>28</sup>Hirak kewenhi ketpor, ‘Mitik hak enuk kepan kan kamir menmen enum mekre nimen me menmen yaaim.’ Hir nitiwekhi, ‘Ti hanhan haiu emno emketetim?’ <sup>29</sup>Te hirak keweni ketpor, ‘Hi hinaain yi eiketetim emnopin. Yi yaiket menmen yaaim mamtikerem. Au emit! <sup>30</sup>Yi eiwisim emu ere maain hiram emi. Te hi etip mit kerek nanremir nanir ik: ‘Yi eiwinin eiremire menmen enum eisenkekim emriuwe waai. Maain haiu mamisiyem. Yi eiremire menmen enum epei au, te yi eino eiremire niki yaaim eiwisim emikre winak kai.’ ”

**Jisas katip him me nu mastet niki miram metike yis**

*(Mk 4:30-32; Lu 13:18-21)*

<sup>31</sup>Jisas ketpor him tok piksa hirak katip, “Menmen God kirkakem hiram mire nu mastet niki miram. Mitik hak ketiwem kamir mau ni mirak. <sup>32</sup>Nu mastet niki hiram ap iuwe mar ke niki me menmen ham em. Au, hiram kike enum. Te maain hiram mau ni mamniu mamre iuwe maminin menmen kerek mau ni em, hiram mamre nu te hore mamnen mamwis yaank mamu heneik miram. Mar im mit in kerek nises him mai hir nire niutip niutip. Te maain hir nanire yapirwe.”

<sup>33</sup>Jisas pike ketpor him ham. Hirak katip, “Menmen God kirkakem hiram mire yis mite weiyim wen wenipem metike flaua weweiknenim mekre sar mau him ere hiram nap minanem miniu wisenum.”

**Jisas katip mit keriuwe him tok piksa keremem**

*(Mk 4:33-34)*

<sup>34</sup>Jisas katip mit miyapir menmen yapirwe keriuwe him mire tok piksa. Hirak ap ketpor him meiyam au. Hirak ketpor tok piksa keremem.

<sup>d</sup> 13:30 Mt 3:12

35<sup>e</sup>Hirak katip kar ik te menmen nipaa mitik profet ketpim kewisim mau tiwei, hiram mamnen mamir ke nipaa hirak ketpim. Him im hiram matip, “Hi awep him atip mit tok piksa. Hi atip menmen nipaa hi God hiriak ti ere in mit ap nerteyem au.”

**Jisas kewepyapir tok piksa me yenkis enum katip mit disaipel nirak em**

36 Jisas katip mit miyapir menmen epei au, hirak kinaaiwir mit miyapir hirak kinik ken winak. Hirak kinik ken winak, mit nirak disaipel nan nitiwekhi, “Ti etpei werek menmen me yehes enum mekre ni.”

37 Jisas kewenhi ketpor, “Mitik kerek kamir yehes yaaim mekre ni hirak hi kerekek. Mitik Iuwe God keriuweta hi han ti ik. 38<sup>f</sup>Ni eim hiram ti ik ek. Yehes yaaim hiram mire mit miyapir nises him me God. Yehes enum hiram mire mit miyapir nises him me Seten. 39 Mitik enuk kepan kerek kamir yehes enum hirak Seten. Wi mit hir nan newen yehes hiram mire wi God skelim mit. Mit kerek nen newen yehes hir ensel. 40<sup>g</sup>Mamir ke mit neit yehes enum nesenkekim neiyim nan newirem mekre si, te maain wi menmen mamnen mamir im God skelim yi mit. 41<sup>h</sup>Te hi Mitik ke wit ke Mitik Iuwe hi asiuwe mit ensel nai nanino nanrer wit wit me ti kerek hi naanmampre mit miyapir hir naninke menmen enum mari han ke mit en. Hir naninke menmen enum metike mit han kerek niriak menmen enum. Te hi enkerem emnopin emkeipin wit kerek Mitik Iuwe naanmiprewem. 42<sup>i</sup>Te hir nanwir mit miyapir enun nanino nanikre si kerek hir naninepip nanineknem yehes mir. 43<sup>j</sup>Me wi im mit miyapir kerek yaain en nanu wit yaaik God kakwetir menmen mirak iuwe kakikepi te hir nanir nanre wepni nanit wit kirak. Mit neimin nemtau him mai hir han ekitetim!

**Him tok piksa me mitik kinkatin bokis pewek mekrerem misawin mekre ti**

44<sup>k</sup>“Menmen me God hiram yaaim mire okis pewek mekrerem mit nipaa hir mit nisawinem mekre ni ham. Maain mitik hak kiutip kinapinem, hirak pike kisawinem mekre hei, hirak han yaaik, te hirak ken keit menmen mirak yapirwe keyim ken kesiuwerem men mit, hirak keit nan mererim, hirak keyim ken kewirem keyim katin ni keremem.

**Him tok piksa me mitik kir pewek winak yaaik**

45 “Menmen me God hiram yaaim mire mitik hak kerek kinkatin pewek winak hirak kinkatin kerek yaaim yaaim em, keyim ken kesiuwerem men mit te kakit moni mamrerim. 46 Hirak kir pewek winak kerek yaaik ek, te

<sup>e</sup> 13:35 Sam 78:2   <sup>f</sup> 13:38 1Ko 3:9; 1Jo 3:10   <sup>g</sup> 13:40 Mt 7:19; Jo 15:6   <sup>h</sup> 13:41 Mt 24:31, 25:31-46; Mk 13:27   <sup>i</sup> 13:42 Mt 8:12   <sup>j</sup> 13:43 Dan 12:3   <sup>k</sup> 13:44 Mt 19:29; Lu 14:33; Fl 3:7

hirak ken kesiuwe menmen mirak keyim ken kesiwerem men mit, hirak keit moni mererim, hirak keyim ken kewirem keit winak yaaik kerekek.

### Him tok piksa me hepin

<sup>47</sup>“Menmen God kirkakem hiram mire hepin mit hir newirem mekre wan neiyim nanri saauk metike menmen ham yapirwe. <sup>48</sup>Hepin kenempet keriuwerem, te hir neriyaam man miwaa pin eik. Te hir nau nekorirem newis saauk yaaim em mekre tikenup ham, enum em hir newirem men. <sup>49</sup>Me wi kerek maain God skelim mit ne ti ik ek, hiram mampar ik. Mit ensel ne God naninen naninke mit enun kerek nises menmen enum me nimen me mit yaain nises menmen yaaim. <sup>50</sup>“Te hir nanwiri nanino nanikre si iuwe. Me si im em hir naninepip nankit nanineknen yehes mir naneitaiyen.”

### Him me mitik keit menmen yaaim wen petep, metike menmen enum tokim.

<sup>51</sup>Te Jisas kitorhi, “Yi yertei him yapirwe hi epei hetpiyem?” Hir newenhi natip Jisas, “Kai luwe, haiu merteiyem.” <sup>52</sup>Te Jisas ketpor, “Mar keremem te mit skraip kerek nertei him me Moses natip mit em, hir epei nertei him hi hewepyapirem, hir nire mitik haai ke winak iuwe. Hirak ken kinik winak kirak kekin menmen yaaim petep metike menmen enum tokim keyim kan kikaap mit kewetirem. Hir newepyapir him me God nipaa hirak katip mit profet em metike him mai yaaim.”

### Hir mit ne Nasaret neweikin sip newet Jisas (Mk 6:1-6; Lu 4:16-30)

<sup>53</sup>Jisas katip him tok piksa im epei au, hirak kinaaiwir wit ik ken. <sup>54</sup>Hirak pike ken wit kirak eik ken katip mit him me God kekrek winak kerek hir nererik nekine him me Moses neitai en. Hirak ketpor werek te hir nekrit nehinhin natip, “Keimin ketpiwek him yaaim hirak ketpeiyem? Keimin kekepik te hirak kirkak menmen yaaim kikaap mit keriuwerem kepip herwe kirkak mit kerek ninap hir nire yaain? Hirak mitik weinik kar ke haiu mit in. <sup>55</sup>“Mitik ik ek nikan ke mitik kerek kime winak kerekek. Maria hire miye pirak kerep. Jems ketike Josep, Saimon Judas hir kikrek nirak keriyen. <sup>56</sup>Yenterer nirak hir nau netikewai. Menmen yapirwe im em hirak ketiwem meke nein man?” <sup>57</sup>Hir natip narik te han kir enuk neriuwerek hir neweikin sip newetiwek nentar hir ap nertei karkeik te hirak kirkak menmen im yaaim. (Hir han kitet hirak mitik kerekek. Mitik luwe au.) Te Jisas ketpor, “Mit profet niuk mir iuwe mau merer wit wit, te mit neit wit kirak

<sup>1</sup> 13:47 Mt 22:9-10    <sup>m</sup> 13:50 Mt 13:42; Lu 13:28    <sup>n</sup> 13:53 Mt 7:28    <sup>o</sup> 13:54 Jo 7:15  
<sup>p</sup> 13:55 Lu 3:23; Jo 6:42    <sup>q</sup> 13:57 Jo 4:44

netike mit ne weiwik mirak, hir ap han kitet hirak iuwe au.”<sup>58</sup> Hirak ap kiriak menmen yapirwe kikaap mit his hit enum metike menmen ham keit wit eik ek kentar hir ap han kitet hirak mitik kerek God keriuwetek kan au.

**Jon kerek kikir mit neriuwe tipar epei kaa**

*(Mk 6:14-29; Lu 3:19-20, 9:7-9)*

**14** <sup>1</sup>Me wi im, mitik iuwe gavman Herot ke provins Galili kemtau menmen Jisas kiriakem. <sup>2</sup>Te mitik Herot katip mit kerek niriak menmen mirak, “Hi han kitet ik hirak mitik Jon kerek kikir mit neriuwe tipar em. Hirak kaa te in ek hirak pike kekrit te menmen wisenum manpenum mau his mirak, te hirak kiriak menmen yaaim im. <sup>3-4</sup><sup>r</sup> <sup>s</sup>Nipaa Jon katip Herot, “Ti heit mite ip ep. Menmen im e hiram ap yaaim au.” Te Herot han enuk ketenen Jon kesenkekik keriuwe sen ain kewisik kekre winak enuk kentar Herot epei keit Herodias, mite pe Filip, Herot nikik kirak. <sup>5</sup>Herot hanhan kaknep Jon kaki, te hirak kinaain mit miyapir. Hir han kitet Jon hirak mitik profet ke God.

<sup>6</sup>Maain wi ham miutip, mit han nen nau netike Herot han kitet wi kerek nipaa miye winaak ek. Me wi im niki pe Herodias wirire wen werp nimin ke hir mit. Te herot hanhanep wisenum. <sup>7</sup>Hirak hanhanep wisenum te hirak katip mite kerepep kar ik: “Hi hetput werek. Menmen ti hanhan ehitauiyem, hi ewetitem.” <sup>8</sup>Miye pe niki ip ep watip niki pire weriuwe him, te hire watip, “Ti erekir teruk ke Jon kerek kikir mit en ewisik ekikre tikenupepi eyik enen ewetewek in ek, te hi hertei hirak kaa.”

<sup>9</sup>Hire watip war ik, te mitik iuwe eik ek hirak han enuk. Hirak kinapen kakrekuyiwekem te hirak yink enuk kentar mit nau naam menmen netikerek nemtau menmen hirak ketpiwerem. Te hirak katip mit nirak enwetiwe menmen im emnen. <sup>10</sup>Herot keriuwet mitik ken winak enuk te hir mit en nerekir teruk ke Jon neit ein te timir kewen keket. <sup>11</sup>Epei au, hir neit paan kirak kekre tikenupepi neiyik nan newet niki ep ek. Hire wetiwek epei au, hire weiyik wen wewet miye pire rek. <sup>12</sup>Mit disaipel ne Jon nerteiyek, hir nan neit herwe yink kirak neiyik nen newisik kekre hei. Hir newisik epei au, hir nen natip Jisas menmen enum mit niriak Jon em.

**Jisas kewet mit nar 5,000 menmen hir naam**

*(Mk 6:30-44; Lu 9:10-17; Jo 6:1-13)*

<sup>13</sup>Jisas kemtau him me mir hir nenep Jon keremem, hirak kehın kinu ken kekre bot kerekir wan ken wit weinik kerek mit ap newi au. Te mit yapirwe nemtau Jisas ken, hir neke ti ninaaiwir wit kir nisesik nen.

<sup>14</sup>Jisas epei kau bot keiyik ken ere epei kiun wit kerek hirak hanhan

<sup>r</sup> 14:3 Mt 11:2   <sup>s</sup> 14:4 Lev 18:16, 20:21   <sup>t</sup> 14:5 Mt 21:26   <sup>u</sup> 14:10 Mt 17:12   <sup>v</sup> 14:14 Mt 9:36

kakno. Hirak kinaaiwir bot kenke ken ti, hirak kir mit miyapir yapirwe nisesik nan. Te hirak han tewenini kikaap mit han kerek ninap, his hit enum em.

<sup>15</sup>Hinkewi epei man, te mit disaipel nirak nan natip Jisas, “Wit ik ek enuk weinik ap mit newik. Te wi epei men witaan kaknen. Ti eriuwet mit miyapir yapirwe nanino enrer wit wit kerek menep ek te hir hiras enwir pewek enit menmen mir nanim.” <sup>16</sup>Jisas ketpor, “Haiu ap te mamriuweti enino au emit. Yi eiwetir menmen enim me yi hiras.” <sup>17</sup>Hir neweniwekhi netpiwek, “Haiu ap metenen menmen mei yapirwe au. Haiu meit bret hispinak (5), saauk wiketerem im em keremem.” <sup>18</sup>Jisas katip, “Eikininim eiyim einen in.”

<sup>19</sup>Hirak katip mit miyapir yapirwe nau yenkis nau ti. Epei au, hirak kekin bret hispinak (5) keremem metike saauk wiketerem hirak kikiam naan men niu nepni eim, hirak kitehi God katip hirak han yaaik keriuwe menmen im. Epei au, hirak kewep bret keremem hirak kewet mit disaipel nirak em, te hir neweiknim newet mit miyapir yapirwe rem. <sup>20</sup>Hir naam nen nen ere tu iuwe. Te hir disaipel neit yinam kerek epei naam em nemi mekre wapnake ere wapnake hiswiyen wik (12) menempetit meriuwerem. <sup>21</sup>Hir mit kerek naam menmen hir yapirwe nar 5,000 mit. Hir ap newenhis miyapir netike nikerek nau netikeri au.

### Jisas kitet wan keke niu ken

(Mk 6:45-52; Jo 6:15-21)

<sup>22</sup>Jisas kewtir menmen epei au, hirak katip mit nirak disaipel nehin ninui nen nekre bot naninin nanino wan pinak ein te hirak kaku kakriuwet mit miyapir yapirwe nanino. Epei au, hirak kakisesi. <sup>23</sup>Jisas keriuweti nen te hirak hirekes kiniu miniu (o neyip) ken kakitehi God menmen. Nepei hinkewi kakre witaan hirak kiutip kerekek kepu. <sup>24</sup>Bot hirak epei ken wan niminiuwe eik, te nime miniu meke bot paan kirak te wan sir miniu mamuwer bot. <sup>25</sup>Epei menep wanewik hiram wen toto, Jisas keriuwe hit mirak keke niu kitet wan ken kakir mit nirak disaipel. <sup>26</sup>Hir nirek keriuwe hit mirak keke niu kitet wan te hir neperper, hir natip, “Hirak herwe.” Te hir nenepip nenine him iuwe. <sup>27</sup>Wasenum Jisas kenine ketpor, “Yi ap einapen. Yi einakin tokim. Hi kerekek han. Hi ap herwe auye!”

<sup>28</sup>Pita kewenhi ketpiwek kar ik: “Kaiu luwe, ti hirekes te ti etpo hi eriuwe hit mai eitet wan anen arit.” <sup>29</sup>Jisas katip, “Ti enen.” Te Pita kinaaiwir bot keriuwe hit mirak kitet wan ken kakir Jisas. <sup>30</sup>Pita kir nime miniu te hirak kinapen, hirak kaknatin kakno kakim tipar kakikre wan. Te hirak kenine, “Kaiu luwe ekepa!” <sup>31</sup>Wasenum Jisas kewis his

<sup>w</sup> 14:19 Mt 15:35-39; Mk 8:6-10    <sup>x</sup> 14:20 2Kin 4:44    <sup>y</sup> 14:23 Lu 6:12, 9:28    <sup>z</sup> 14:26 Lu 24:37    <sup>a</sup> 14:29 Jo 21:7    <sup>b</sup> 14:31 Mt 8:26



ketenen Pita, hirak ketpiwek, “Ti ap han kiteta hi Iuwe au? Ti henmak te ti heit han wik wik?” <sup>32</sup> Nepei au, hirakit wiketeret tiniu tau bot te nime maa meit. <sup>33</sup> Hir mit kerek nau bot en nir menmen im, hir newenipi Jisas natip, “Haiu mertei werek ti Nikan ke God.”

**Jisas kikaap mit miyapir ninap neit Genesaret**  
(Mk 6:53-56)

<sup>34</sup>Hir epei nerekir wan nen pinak ein niun ti ke Genesaret. <sup>35</sup>Hir mit ne wit ik ek hir nertei hirak Jisas te hir nesiuwe him men merer wit wit kerek menep menep ek, hir neithis mit kerek ninap ek neri nan. <sup>36</sup>Hir neri nen epei au, hir ninap natip him iuwe nitiwekhi hirak ekwisi hir hiras enwis his entenen yink kirak o laplap hir mirak. Hir mit miyapir kerek newis his netenen laplap hir miram netike mit netenen yink kirak, hir yapirwe nire yaain.

**Him lo me God hiram minin him me maamrer**  
(Mk 7:1-13)

**15** <sup>1</sup>Hirak Jisas wen kepu wit Genesaret, mit han ne farisi netike mit skraip kerek ninin nertei him me Moses natip mit em, hir ninaaiwir Jerusalem nan nir Jisas nitiwekhi menmen. <sup>2</sup>Hir natip, “Nenmak te hir mit disaipel nit niriak menmen ap nises menmen kerek nipaa maamrer nau niriakem? Hir nanim menmen hir ninin nekemyet his. Te mit disaipel nit au.”

<sup>3</sup>Jisas kewenhi ketpor, “Yenmak te yi ap yises menmen me God te yi yises him nipaa mit kerek yi yisesi hir newetiyem netpiyem a? <sup>4</sup>Nipaa God katip, ‘Yi eiyimtau him me miye haai ni te maain yi naanmampri. Mitik kerek katip enum ke menmen miye haai nirak, yi mit eikip kaki.’ <sup>5</sup>Te yi yises him im au. Yi yatip, ‘Mitik keiyak ketenen pewek o menmen kakikaap miye haai nirak, te hirak katip miye haai, “Hi epei hehimitan im em te hi ewet God em. Hi ap naanempri eriuwerem au.” <sup>6</sup>Yi yatip hiram werek hirak ap ekikaap miye haai nirak neriuwerem au.’ Me menmen mar im yi yerekir him me God yeriuwe him ham me maamrer ni yi yisesim. <sup>7</sup>Yi mit enun yemipin. Mitik profet Aisaia nipaa kehimiteni werek me wi hirak katip him me God kar ik. Hirak katip,

<sup>8</sup> <sup>h</sup>“Mit in en hir hanhan newenipi niuk mai neriuwe him mir, te han kir au nisisa werek werek au.

<sup>9</sup> Menmen hir netpim newenipi niuk mai neriuwerem hiram au enum menmen weinim. Menmen hir natip mit hir enisesim hiram ap him mai au. Him mir weinim.’ ”

<sup>c</sup> 14:32 Mk 4:39    <sup>d</sup> 14:33 Mt 27:54; Jo 1:49    <sup>e</sup> 14:36 Mt 9:20-21; Mk 5:27-28; Lu 8:44  
<sup>f</sup> 15:2 Lu 11:38    <sup>g</sup> 15:4 Eks 20:12, 21:17; Diu 5:16    <sup>h</sup> 15:8 Ais 29:13

**Menmen enum miriak han ke mitik enuk**

*(Mk 7:14-23)*

<sup>10</sup>Jisas ketpor epei au, hirak kenine mit miyapir nan nirek, hirak ketpor, “Yi eiyrteiyem han ekitetim werek werek! <sup>11</sup>Menmen kerek mit hir nanim menip God katip hir mit enun au. Menmen mit netpim hiram menip God katip hir mit enun.”

<sup>12</sup>Hirak ketpor nepei au, mit nirak disaipel nan natip Jisas, “Ti hertei mit ne Farisi nemtau him ti hetpim em te hir han enuk neperper?”

<sup>13</sup>Jisas kewenhi katip, “Haai kai kau wit kirak Heven hirak menmen mirak mau ni. Menmen kerek hirak ap kamir au, hiram mewo weinim, maain hirak kakiketim mamriuwe nekenik miram mamno. <sup>14</sup>Yi eiwisi enu en. Hir nire mit nanamir enuk toto, te hir nanteikin mit han kerek nanamir toto en yayiwe hir enisesim te hir nanir God. Te nanamir toto kakteikin mitik hak nanamir toto yayiwe, hirakit wiketeret tatinkewin tatikre wi.”

<sup>15</sup>Pita kewenhi katip Jisas, “Ti ewepyapir him me tok piksa, te haiu emimtwem.” <sup>16-17</sup>Jisas katip, “Yi ap han kewi au a? Yi yire mit han en a? Yi ap yertei menmen kerek mitik hirak kewisim mekre him hiram men mekre ninpi tiwaak te maain hirak kakno kaknerem mamikre hei? <sup>18</sup>Te menmen mekre han ke mit, maain hir netpim, im hiram menip God katip mit hir enun. <sup>19</sup>Menmen kerek metpaan meke han ke mitik hiram mar im: han kitet menmen enum, kenep mit naa, kari miyapir his kewenem, kekintip menmen, kewenin him, katip kenip mitik hak yink enuk. <sup>20</sup>Menmen im em hiram menip God katip mitik ik hirak enuk. Mitik ap kekemyet his wen au, te hirak kakim menmen, hiram ap te mamnip God kaktip mitik kar ik hirak enuk au.”

**Mite pe Kenan hire wisas him me Jisas werek werek**

*(Mk 7:24-30)*

<sup>21</sup>Jisas kinaaiwir wit Genesaret te hirak ken ti ke wit Taia ketike Saidon. <sup>22</sup>Mite hap pe Kenan kerek wau wit eik kerekek, hire wan weniniwek him iuwe wetpiwek, “Mitik Iuwe ti Nepenyek ke Devit, ti han etwenina. Herwe enum mewaank niki pai.” <sup>23</sup>Te Jisas ap kewenhi ketpiwe menmei au. Hir mit disaipel nan nirek netpiwek, “Mite ip ep hire wenine wenine wisasai wan. Ti ekepiye te hire wauno.”

<sup>24</sup>Jisas ketpor, “Au, God keriuweta te hi han hikaap mit kerek ne weiwik miutip me Isrel, hir nire sipsip nisawin neit yaank. Mit han au.”

<sup>25</sup>Hirak katip epei au, mite kerepep wan wewen ninip werp hit me Jisas

---

<sup>i</sup> 15:11 Mt 12:34    <sup>j</sup> 15:13 Jo 15:2    <sup>k</sup> 15:14 Mt 23:16, 24; Lu 6:39; Ro 2:19    <sup>l</sup> 15:18 Mt 12:34    <sup>m</sup> 15:19 Jen 8:21; Ga 5:19-21    <sup>n</sup> 15:24 Mt 10:6

watip, “Kai Iuwe, ti ekepa.” <sup>26</sup>Jisas ketpiwe tok piksa kar ik: “Hiram enum te haiu mamkin menmen me nikerek mamwirem mamno mamwet nepere rem, hiram mamim.” <sup>27</sup>Mite watip, “Kai Iuwe, ti hatip werek. Haiu enun mire nepere. Te nepere hiram mekorir menmen kerek miye haai nir naam hiram minatn miwaai yeno kerek hir naam menmen menterim.” <sup>28</sup>Hire watip war ik te Jisas ketpiwe, “Mite ti eises him me God werek werek. Menmen ti hanhan em hiram mamnen.” Hirak katip epei au, waswas mite niki pire hire wire yaaip.

### **Jisas kikaap mit yapirwe nire yaain**

<sup>29</sup><sup>P</sup>In ek Jisas kinaaiwir Taia ketike Saidon te hirak ken kitet menep wan ke Galili. Hirak ken kiniu miniu (o neiyip) ken kau nu ein. <sup>30</sup>Mit miyapir yapirwe nan nererik nirek, hir neithis mit kerek hit enum o han kir enuk, hemik meweikin, han auri netike menmen ham yapirwe hir neri nan nirek. Hir newisi niwaai menep hit me Jisas te hirak kerekoyorem hir nire yaain. <sup>31</sup>Hir mit miyapir nir menmen im te hir han kekrit hir han kitetim nentar hir nir mit kerek han auri en natip, hemik min em mire yaaim. Mit nanamir toto en hir nir ein ein werek werek. Mit kerek hit enum hir nitet ein ein. Hir nir menmen im te hir newenipi God ke mit ne Isrel neriuwerem.

### **Jisas kewet mit 4,000 menmen hir naam**

*(Mk 8:1-10)*

<sup>32</sup><sup>r</sup>Jisas kekepi epei au, hirak kenine mit disaipel nirak nan, hirak katip, “Hi hanhan heriuwe hir mit miyapir ein en. Wi wikak epei men hir nau netikewa te hir menmen me nanim em au. Hi hinapen esiuweri ninpi mamim nanino te hir nani nanitin yayiwe.” <sup>33</sup>Te hir mit disaipel natip Jisas, “In en ap mit nei newi. Te haiu mamit menmen mamoke nein te mamwet mit yapirwe rem te hir nanim?” <sup>34</sup>Jisas kitorhi, “Yi yetenen bret marmenum?” Hir natip, “Haiu metenen bret hispinak wik (7), saauk kike kiutip kiutip.” <sup>35</sup>Hir netpiwek epei au, Jisas katip mit miyapir hir nanu ti.

<sup>36</sup>Jisas kekin saauk metike bret hispinak wik (7), hirak kitehi God em kewepim kewet mit nirak disaipel em, hir newet mit yapirwe rem. <sup>37</sup>Hir yapirwe naam ere tu iuwe, te hir neit yinam kerek mit ap naam te hir nemi mekre wapnake mar hispinak wik (7). <sup>38</sup>Hir mit naam menmen hir nar 4,000, te hir ap newenhis nikerek miyapir nau netikeri au. <sup>39</sup>Jisas keriuwet mit miyapir nen. Hirak keriuweti nen, hirak kehin kiniu kekreb ketike mit nirak disaipel, hir nerekir wan nen ti ke mit nau neit Magadan.

---

° 15:28 Mt 8:10, 13    P 15:29 Mk 7:31    ° 15:31 Mk 7:37    r 15:32 Mt 14:14-15

**Mit nitehi Jisas kiriak menmen keteiknor God keriuwetek kan**  
(Mk 8:11-13; Lu 12:54-56)

**16** <sup>1</sup>Hir mit ne Farisi netike mit ne Sadyusi kerek han kitet mit epei naa ap pike nanikrit nanu au, hir nan nir Jisas. Hir nanmitiwepin nanri han kirak me ekriak menmen yaaim ekikaap mit ekriuwerem te hir nertei God keriuwetek kan. <sup>2</sup>Te Jisas ketpor, “Hinkewi epei man yi yatip nepni mire ninim te teipmen hiram wepni yaaik. <sup>3</sup>Yi yekrit yatip, ‘Napi mire nipiak wepni kire ninik, hauwi kaknen.’ Yi yir menmen mau nepni te yi yertei werek werek mekam mamnen. Te yi ap yertei werek werek han kitet menmen God kiriakem me wi im a? <sup>4</sup>Yi mit miyapir yapirwe enun, yi ap yises God werek werek au! Yi yitauhi hi hiriak menmen yaaim te yi eiyrtei God keriuweta hi han te hi ap ariak menmen te yi yayirem au. Hi eteikni menmen me Jona kerek nipaa kaa kekre sauk tu mirak. Wi wikak epei au, hirak pike kekrit kau.” Hirak keptor epei au, hirak kinaiwiri ken.

**Him tok piksa me yis me Farisi netike Sadyusi**  
(Mk 8:14-21)

<sup>5</sup>Hir mit disaipel nau bot nerekir wan nanino, te hir han kaa ap neit niu metikeri neiyim nen. <sup>6</sup>Jisas ketpor tok piksa kar ik: “Yi naanempre hiras yi einopin yis me Sadyusi netike mit ne Farisi.” <sup>7</sup>Te hir hiras han kitet natipan nar ik: “Hirak ketpim kentar haiu ap meit bret mei meiyim man metikewai.” <sup>8</sup>Jisas kertei menmen hir netpim te hirak katip, “Yi mit in en ap han kiteta hi luwe naanempri au. Yenmak te yi yatip haiu ap meit bret mei au? <sup>9</sup>Yi ap yertei menmen werek wen au a? Te yi ap han ekitet bret mar hispinak (5) mit nar 5,000 hir naam, te wapnake mar hiswiyen wik (12) yi yemi mekrerem? <sup>10</sup>Te yi ap han ekitet bret hispinak wik (7) kerek mit nar 4,000 hir naam, te wapnake mar hispinak wik (7) yi yemi mekrerem a? <sup>11</sup>Yenmak te yi ap yertei hi ap hetpi menmen me bret. Yi naanmamre hiras me him me mit ne Farisi netike mit ne Sadyusi.” <sup>12</sup>Hirak ketpor epei au, hir nertei hirak ap ketpor naanmpre hiras me yis me bret au. Hirak ketpor hir naanmpre hiras hir ap nises him me Farisi netike him me mit ne Sadyusi, kerek hir natip mit enisesim.

**Pita kewepyapir Jisas hirak Mitik God keriuwetek hirak Kraiss**  
(Mk 8:27-30; Lu 9:18-21)

<sup>13</sup>Maain me wi Jisas ken ti menep wit Sisaria Filipai hirak kitehi mit disaipel nirak, “Hir mit miyapir hir natip hi Mitik ke wit ke Mitik luwe, hi keimin?” <sup>14</sup>Hir natip, “Mit han natip ti Jon kerek kikir mit neriuwe tipar. Mit han natip

<sup>s</sup> 16:1 Mt 12:38; Lu 11:16; Jo 6:30    <sup>t</sup> 16:4 Mt 12:39; Lu 11:29    <sup>u</sup> 16:6 Lu 12:1    <sup>v</sup> 16:9 Mt 14:17-21    <sup>w</sup> 16:10 Mt 15:34-38    <sup>x</sup> 16:14 Mt 14:1-2; Mk 6:14-15; Lu 9:7-8

ti profet Ilaija kerek nipaa kau ti. Mit han natip ti Jeremaia o mitik profet hak nipaa nepu ti.” <sup>15</sup>Te Jisas ketpor, “Yi han kitet hi keimin?”

<sup>16</sup>Saimon niuk mirak ham Pita hirak kewenhi ketpiwek, “Ti Nikan ke God kerek kaku kakit tipmain tipmain enum eik. Ti Mitik Kraiss kerek hirak keriuwetit ti anen ti ekaap haiu mit etaihis.”

<sup>17</sup>Jisas ketpiwek, “Saimon nikan ke Jona, God han yaaik keriuwit. Ap mitik kei ke ti ik ek keteiknut him im em au. Haai kai God kau wit kirak hirak keteiknut menmen im. <sup>18</sup>Hi hetput, ti Pita ti hire teinik. Ti ekaap mit miyapir yapirwe nanises him mai. Te menmen ham meke Seten mamnen hiram ap te maminini au. <sup>19</sup>Te maain hi ewisit ti ekrehir kai. Ti atip menmen mit miyapir kerek nanises him mai hir nanriakem. Menmen ti hetpor hiram werek hir nisesim. God keit wit kirak kaktip hiram yaaim. Menmen ti hetpor hiram enum hir ap te nanisesim nanu ti im, God kakit wit kirak kaktip, ti hetpor werek werek.” <sup>20</sup>Jisas katip mit disaipel kewirnak kekteni ap te enwepyapirek entip mit han hirak Kraiss, Mitik kerek God keriuwetek kan kikaap mit ne ti.

### Jisas katip hirekes kaki te pike kakikrit

(Mk 8:31–9:1; Lu 9:22–27)

<sup>21</sup>Me wi im ere maain Jisas katip mit disaipel nirak hirak kakno wit Jerusalem, te mit iuwe ninin naanmipre mit netike mit iuwe ne pris, mit nertei him me Moses nanrekyiwek enum yink kirak kakikek hir nankip kaki. Hirak kaki kakwaai ere wi wikak, te hirak pike kakikrit.

<sup>22</sup>Hirak ketpor epei au, Pita keithis Jisas keyiyik ken pin eik te hirak kenerek kentar hirak katip hirak kaki. Hirak ketpiwek, “Ti kiau iuwe kerekek taau. Menmen ti hetpim hi hanhan God ap te kakwisim mamnen taau.” <sup>23</sup>Jisas keweikin katip Pita, “Seten ti eno sip kai enopin. Ti hanhan hari han kai enuk. Ti ap han kitet menmen mar ke God han kitetim au. Ti han kitet menmen mar kerek mit keriyen han kitetim.”

<sup>24</sup>Hirak ketpiwek epei au, Jisas katip mit disaipel nirak, “Mit kerek hanhan nisisa, hir enwenin han kir me menmen hir hanhanem, te hir ap ninapen te nani nanir maain hi hahi entar nu tentarakit. <sup>25</sup>Mit kerek hanhan nani au, nanu werek, maain mit in himin kir kakiwaank. Te mit kerek nisisa ap ninaain mit naninip nani naninterik, te maain himin kir kaku werek. <sup>26</sup>Mitik hak ketenen menmen yapirwe kerek aku ti ik ek te hirak ap kises God au, maain hirak kaki te himin kirak kakiwaank. Te menmen yapirwe kerek nipaa hirak ketenenim mau ti ik mamkepik te God kaktip hirak yaaik mamirkeik a? Taau! Te hirak

<sup>y</sup> 16:16 Jo 6:69    <sup>z</sup> 16:17 Mt 17:5; Ga 1:15–16    <sup>a</sup> 16:18 Jo 1:42; Ef 2:20    <sup>b</sup> 16:19 Mt 18:18; Jo 20:23    <sup>c</sup> 16:20 Mt 17:9; Mk 9:9    <sup>d</sup> 16:24 Mt 10:38; Lu 14:27    <sup>e</sup> 16:25 Mt 10:39; Lu 17:33; Jo 12:25    <sup>f</sup> 16:26 Mt 4:8–9

kakit mekam keiyim kakikaap himin kirak kaku werek kakit wit ke God a? Taauye! <sup>27</sup>Maain hi Mitik Iuwe ke wit ke Mitik Iuwe, hi pike anen ariuwe menmen iuwe me Haai kai merhihe mire si. Te mit ensel nirak naninen nantikewa me wi hi pike anen. Me wi im hi ariak mit miyapir ne ti ik ek menmen yaaim o menmen enum mampar kerek nipaa nau ti ik ek hir niriakem. <sup>28</sup>Hi hetpi werek. Mit han kerek neperp in en ap epei naa te hir ninin nanir hi Mitik ke wit ke Mitik Iuwe, hi anen ariuwe menmen mai luwe te hi ehinin naanmamre mit.”

**Yink ke Jisas keweikinhis kire menmen keit wit ke God**

(Mk 9:2-13; Lu 9:28-36)

**17** <sup>1</sup>Wi hispinak kiutip (6) epei men, Jisas keithis Pita ketike mitikit wik Jems ketike nikik kirak Jon. Hirak keryei keru ken miniu (o neyip) hak enuk kau niu ein. Hirakit keriyen tepu. <sup>2</sup>Hirakit tepu en, yink ke Jisas keweikinhis kire hak, hirakit tirek teriuwe nanamir. Te ninaan mirak mir mire wepni kir, laplap mirak mir mire si merhihe. <sup>3</sup>Moses ketike Ilaija wiketeret tinaaiwir wit ke God tan te hirakit disaipel wikak tir mitikit wiketeret tatip tetike Jisas. <sup>4</sup>Pita kir menmen im te hirak katip Jisas, “Haiu mau in hiram yaaim. Te ti hanhana, hi aime weisaak mei mamriri mamwaai in. Ham hiram mit, ham me Moses, ham me Ilaija.”

<sup>5</sup>Hirak wen ketpim, napi kire hike kewen kan kiwapini. Te mitik hak katip kekere napi kewen kan katip kar ik: “Mitik ik hirak Nikan kai yaaik. Hi hanhan heriuwerek. Yi eiyimtau him mirak eiyisesim!”

<sup>6</sup>Te hirakit mitikit disaipel temtau him im keremem, hirakit tewen ninip tewis ninaan miwaai ti, te hirakit tepirpir wisenum. <sup>7</sup>Jisas kan menep kiret ketenenikit ketpiwekit, “Yi eiyikrit. Yi ap einapen!” <sup>8</sup>Te hirakit tekrit terenaan ap tir mitik keiyak. Au, hirakit tir Jisas kerekek. <sup>9</sup>Hir ninaaiwir miniu (o neyip) te hir wen nekiuwe nepno, Jisas ketpiwekit him manp, “Menmen im yi epei yirem ap te yi pike eitip mit han em. Hiram mamkre (o mamriau) han ki ere maain hi Mitik ke wit ke Mitik Iuwe hi hahi, hi pike ekrit ahu.” <sup>10</sup>Hirak ketpiwekit epei au, hirakit mitikit disaipel tirak titiwekhi, “Nenmak te mit nertei him me Moses natip Ilaija kakinin kaknen, te maain mitik kerek God keriuwetek kakikaap haiu mit kaktaihis hirak kakisesik?” <sup>11</sup>Jisas ketpiwekit, “O, hiram werek. Ilaija hirak kakinin kaknen kakriak menmen yapirwe mamre yaaim. <sup>12</sup>Te hi hetpi, Ilaija epei kan, te hir mit ap nerteiyek au. Hir nises han kir te hir nerekyiwek enum. Mar im te hir nanrekya hi

<sup>8</sup> 16:27 Sam 62:12; Pro 24:12; Mt 25:31; Ro 2:6; Rev 22:12    <sup>h</sup> 17:2 2Pi 1:16-18    <sup>i</sup> 17:5 Diu 18:15; Sam 2:7; Ais 42:1; Mt 3:17; Mk 1:11; Lu 3:22    <sup>j</sup> 17:9 Mt 16:20    <sup>k</sup> 17:10 Mal 4:5  
<sup>l</sup> 17:12 Mt 11:14, 14:10

Mitik ke wit ke Mitik luwe, hir nanrekyau menmen enum nanrewaank.”  
 13<sup>m</sup>Jisas katip kar ik, te hirakit mitikit disaipel tertei hirak katip ke Jon kerek kikir mit nekre tipar keremem.

**Jisas kikaap nikan hak herwe enum mekreerek hirak kire yaaik**  
*(Mk 9:14-29; Lu 9:37-42)*

14<sup>Hir</sup> nen ere niun mit miyapir yapirwe en, mitik hak ken kir Jisas kewen ninip kerp hit mirak. 15<sup>Hirak</sup> katip, “Mitik luwe, ti hanhan heriuwe nikan kai. Hirak enuk ketaritari te yink kirak au enuk. Wi yapirwe hirak kaa kenke kekre si, kekre tipar. 16<sup>Hi</sup> epei etiwekhis heiyik han mit disaipel nit, te hir ap niriakek kire yaaik.”

17<sup>n</sup>Jisas katpor, “Yi mit miyapir yau ti in en ap yises him me God werek werek au. Te han ki ap yaaik. Wi marmenum te hi ehu ektikewi te yi yises God werek werek? Yi etiwek his eiyik einen in.” Hir neiyik nan newisik keit Jisas. 18<sup>Epei</sup> au, Jisas kene herwe enum keremem, te hiram minaaiwir nikan kerekek men, te wasenum hirak kire yaaik.

19<sup>o</sup>Maain mit disaipel nirak neit winak hir nitehi Jisas netpiwek, “Haiu menmak te haiu ap mamkaap nikan kike kerekek mamipir herwe enum mamno?”

20<sup>p</sup>Jisas ketpor, “Yi ap yises God werek werek au, te yi ap yepir herwe ik au. Hi hetpi werek, yi yises him me God werek im e mire nu mastet nikim mirak, te yi eitip miniu (o neyip) ik ek, ‘Ekrit eno pinak ein en,’ te hirak kakikrit kakno. Yi yises God werek te menmen yi yiriakem hiram mampar keremem mamnen.” 21 [Te ap menmeyam me yeyim yaiyipir herwe im em taau. Yi ninpi miwei eiyu eiyit me yi eiyitehi God menmen, te yi eiyipir herwe im keremem.”]

**Jisas pike katip keteipim me hirak kaki te maain kakikrit**  
*(Mk 9:30-32; Lu 9:43-45)*

22<sup>Maain</sup> Hir nariyan nitet Galili te Jisas katip mit disaipel nirak: “Maain hir mit nanriuweta hi Mitik ke wit ke Mitik luwe hi ano his me mit enun. 23<sup>q</sup>Te hir naniyep hahi. Me wi wikak hirak God pike kakikoya hi pike ahikrit ahu are mitik.” Hir nemtau menmen hirak kepiwekitem, te hir han enuk.

**Mit nitehi Pita pewek me takis**

24<sup>r</sup>Jisas ketike mit nirak disaipel epei nen niun wit Kapaneam. Mit kerek neit pewek me takis me winak ke God hir nan nitehi Pita, “Mitik luwe kit hirak kewir pewek me takis me winak ke God a?” 25<sup>Pita</sup> hirak

---

<sup>m</sup> 17:13 Lu 1:17    <sup>n</sup> 17:17 Diu 32:5, 20; Jo 14:9    <sup>o</sup> 17:19 Mt 10:1    <sup>p</sup> 17:20 Mt 21:21; Mk 11:23; Lu 17:6; 1Ko 13:2    <sup>q</sup> 17:23 Mt 16:21    <sup>r</sup> 17:24 Eks 30:13, 38:26

ketpor, “O hirak Mitik Iuwe kaiu kepwirem.” Hirak katip epei au, hir nen ninik winak eik ek te Jisas kitehi Pita, “Pita ti han kitet mekam? Mit iuwe naanmipre mit ne ti hir nari pewek me takis me nikerek nir o me mit han? <sup>26</sup>Pita ketpiwek, “Mit nirak au. Mit han keriyen.” Jisas ketpiwek, “Te mit ne mitik Iuwe ap nanwir pewek a? Te hi ap te hewir pewek a! Haiu nikerek ne God te haiu ap mamwir pewek naanmampre winak kirak au. <sup>27</sup>Hiram yaaim te hi ap hewir pewek hiriak mit han enuk neriuwerem. Te ti eno wan ewir strin huk mewik ere ti eri saauk eknen tenhaan ik. Te saauk hak kerek epei ti heriyaak kinin kan tenhaan ik ek, te ti etenenik ewep him kirak te ti ehir pewek mau mekreerek. Ti eiyim eno ewirem ewet mit pewek me takis mawir.”

**Mit miyapir kerek God katip hir iuwe nimin ke mit miyapir  
han kerek hir nisesik  
(Mk 9:33-37; Lu 9:46-48)**

**18** <sup>1</sup>Me wi im mit disaipel nan nir Jisas netpiwek, “Keimin hirak kinin mit han te hirak kire iuwe ke mit miyapir kerek nises him me God?”

<sup>2</sup>Hir netpiwek, te Jisas kenine nikan hak kan te hirak kewisik kerp nimin ke mit yapirwe. <sup>3</sup>Epei au, hirak katip, “Hi hetpi him werek. Yi ap eiweikin sip eiwet menmen yi yisesim yi eiyises God eiyir ke nikerek kike hanhan nises him me miye haai nir, te yi ap eiyu eiyir ke mit ne weiwik me God. Taau! <sup>4</sup>Mitik kerek kewenin han kirak ke menmen yapirwe hirak hanhanem, te hirak kises menmen miutip kar nikan ik ek kisesim, hirak kinin mit han ne weiwik miutip me God, hirak kakises God werek werek. <sup>5</sup>Te mit kerek naanempre mitik kiutip kire nikan ik nentar hir nises him mai, hiram mar ke hir nekepa.

**Menmen enum mit niriakem nari han ke mit neriuwerem  
(Mk 9:42-48; Lu 17:1-2)**

<sup>6</sup>“Te mitik hak kiutip kakri han ke mit weinin hir nire nikerek kike in te hir nises menmen enum ap nises him mai au, hiram yaaim te hir mit han enwenkek nan iuwe kiutip eku timir kirak te hir enwired ekno ekikre wan nimin iuwe ein kaki te maain God ap kakikip kakiwaankek wisenuk ke menmen im. <sup>7</sup>Menmen enum mamwiwaan mit miyapir nau ti nanri han kir te hir nanises menmen enum. Hekrit hekrit menmen enum mari han ke mit miyapir yapirwe, te maain God kakiwaan mit o miyapir kerek niriakem nari han ke mit miyapir han neriuwerem.

<sup>s</sup> 18:1 Lu 22:24    <sup>t</sup> 18:3 Mt 19:14; Mk 10:15; Lu 18:17    <sup>u</sup> 18:4 Mk 10:43-44    <sup>v</sup> 18:5 Mt 10:40; Lu 10:16; Jo 13:20



<sup>8</sup> w“Yi yiriak menmen enum eiriuwe his o hit mi, yi eiremir eiwirem emno. Hiram yaaim yi his hit miutip te yi eitike God eiyu werek. Hiram enum te his hit wik mamu te hir nanri yi eino eikre si enum kerek mamu mamit tipmain tipmain enum eik ap te mami au. <sup>9</sup>Nanamir ki kir menmen kakri han ki me menmen enum, te yi eiketiek eiwirek ekno. Hiram yaaim yi nanamir kiutip kaku te yi eiyu werek eitike God. Hiram enum yi nanamir wik te hir nanwiri yi eino eikre si enum me hel, wit kerek God kakiwaank mit keriuwerem.

**Him tok piksa me sipsip kirir kisawin keit yaank**

(Lu 15:3-7)

<sup>10</sup> x“Yi naanempre hiras werek werek te yi ap han ekitet mitik kei weinik kerek kises him mai. Hi hetpi werek. Mit ensel kerek naanmipre mit miyapir nisisa hir nanino nanir Haai kai God kakit wit kirak, hir naniswi him me menmen enum yi yiriakem. <sup>11</sup> y[<sup>11</sup>Yi ap yerekyor enum yentar hi Mitik ke wit ke Mitik luwe hi han hinhatin akepi ahithis mit miyapir nises menmen enum te hir nanises him mai.]

<sup>12</sup> “Yi han kitet mekam? Mitik hak kewis 100 sipsip te sipsip hak kiutip kirir kisawin keit yaank, te hirak ap te kakinkakitniwek pike kaknanek o au? Hirak kakwis 99 sipsip mamirp miniu eik hirak kakno kakinkaktin hak kiutip epei keit nein eik. <sup>13</sup> Hi hetpi werek. Maain hirak kinapinek epei au, hirak han yaaik wisenuk kenterik, te hirak han yaaik kike keriuwe 99 sipsip ap meit nein ek kentar hiram mepu werek. <sup>14</sup> Mar im Haai ki God kau wit kirak Heven kinapen mitik keyiak kiutip ke yi nikerek kike nirak kakweikin sip kakwetiwek kakiwaank hirekes.

**Yi mit eikaap mitik hak kerek keweikin sip**

**kewet him yaaim kises menmen enum.**

<sup>15</sup> z“Te mitik kit hirekes kerekjut menmen enum ti eno ehirek te ti eteikniwek menmen enum hirak kiriakem. Hirak kemtau him mit kisesim keweikin sip kewetiwek, te ti epei hetiwiek his kinaaipis menmen enum. <sup>16</sup> aTe hirak ap kemtau him mit, ti ehit his mitik keyiak kiutip o wiketeret, te yi eiriyakit eino. Mar im te yi wikak eiwepyapir menmen hirak kiriakem kesiuwek him. <sup>17</sup> bTe hirak ap kemtau him mi, te yi eitip mit han ne weiwik me God. Te hirak ap kemtau him mir te yi einerek mitik enuk hanhan kises menmen enum. Yi eiypirek ap eitikerek yiriak menmen ham au.”

w **18:8** Mt 5:29-30    x **18:10** Hi 1:14    y **18:11** Lu 19:10    z **18:15** Lev 19:17; Lu 17:3; Ga 6:1

a **18:16** Diu 19:15; Jo 8:17    b **18:17** 1Ko 5:13

<sup>18</sup> <sup>c</sup>Jisas katip, “Hi hetpi werek menmen yapirwe enum yi ap yesakem meit ti ik ek, keremem te God ap kakisakem kakit wit kirak. Menmen yi yesakem yayit ti ik ek, te God kakisakem kakit wit kirak.

<sup>19</sup> <sup>d</sup>“Te hi hetpi werek. Mitikit wiketeret te ti ik yi han kipirakit me menmen miutip te yi yitehi God em, Haai kai God kau wit kirak kakrekuyiem. <sup>20</sup> <sup>e</sup>Hirak kakrekuyiem yi eitiwem eiyintar yi mitikit wik o wikak yi yererik yentar yi yisisa yi eiyirtei God te hi ahu atikewi ekre nimin hi akepi.”

**Him tok piksa me mitik hirak ap hanhan keriuwe  
mitik hak nipaa kari menmen mirak**

<sup>21</sup> Jisas katip epei au, Pita kan kir Jisas ketpiwek, “Mitik Iuwe, kai yinak hirak kakrekuyo menmen enum te hi akepik anke menmen enum mirak emno emkeipniwek mamirmenum? Ti arekyewem mar ke hispinak wik (7) hiram werek?” <sup>22</sup> <sup>f</sup>Jisas ketpiwek, “Hi ap hetput are mamir hispinak wik (7) au. Hi hatip ti ekepek enke menmen enum kerek hirak kiriakemem ere yapirwe mar ke 490. <sup>23</sup> Menmen haiu mit kerek mises God haiu miriakem hiram mire menmen mitik iuwe ke gavman hirak kiriakem. Hirak katip hirak kakit pewek yapirwe nipaa mit kerek niriak menmen mirak hir netiwem weinim te hir ap pike newetiwekem mererim wen au. <sup>24</sup> Hirak kiriak menmen me mit netiwem weinim ap epei newetiwek pewek mererim wen au, hir neithis mitik hak neiyik nan. Nipaa hirak ketenen pewek me mitik ik mar 10 milion kina te hirak ap kewetiwekem mererim wen au. <sup>25</sup> Te hirak ap ketenen pewek iuwe mar im te kakwetiwekem mererim au. Te mitik iuwe katip hir anithis mitik ketike mit nikerek netike menmen mir ham yapirwe hir nesiuwerem nanit nan mamrerim me menmen nipaa hirak ketiwem weinim me mitik iuwe ik. <sup>26</sup> Hirak katip epei au, te mitik kerek kiriak menmen me mitik iuwe kewen ninip kitehi katip mitik iuwe kar ik: “Ti hanhan heriuwa, wen ewisa pewek hi hewetut menmen yapirwe mit nipaa hi heriyaam.” <sup>27</sup> Te mitik iuwe hanhan keriuwerek kerek nipaa hirak ketiwem weinim em meit, hirak ketpiwek hiram menmen weinim te hirak kinaiwirek ken.

<sup>28</sup> “Maain mitik kerek kiriak menmen me mitik iuwe ketpaan ken wit eik, te hirak kir mitik wariyakit kirak kerek nipaa hirak kewetiwek pewek mar 100 kina, te hirak kewetiwekem mererim au. Te hirak ketenenik kir enum kau teruk kirak ketpiwek, ‘Ti eweto pewek emrer mai kerek nipaa ti hetiwem.’ <sup>29</sup> Hirak ketpim nepei au, te wariyakit kirak kewen ninip kau kitiwekhi ketpiwek him iuwe kar ik: ‘Ti hanhan heriuwa te ti hewisa ere maain te hi pike ewetitem.’ <sup>30</sup> Te hirak kinapen.

<sup>c</sup> 18:18 Mt 16:19; Jo 20:23    <sup>d</sup> 18:19 Mk 11:24; Jo 15:7; Je 1:5    <sup>e</sup> 18:20 Mt 28:20; Jo 14:23  
<sup>f</sup> 18:22 Lu 17:4

Hirak ken kewirek kekere winak enuk kaku kakit ere maain hirak kakrer pewek nipaa hirak ketiwem.

<sup>31</sup>“Te hir mit wariyan nirak nir menmen hirak kerekiwewekem hir han enuk neriuwerek. Te hir nen newepyapir menmen enum hirak kiriakem natip mitik iuwe kir em. <sup>32</sup>Hir netpiwek epei au, te mitik iuwe kenine mitik kerek nipaa kiriak menmen en ketpiwek kar ik: ‘Ti mitik hiriak menmen mai, ti enuk! Nipaa ti hikit hetpo te hi han teweninit me menmen nipaa ti hetiwem em. <sup>33</sup>Hi nipaa han teweninit. Henmak te ti ap han tewenin wariyakit kit a?’ <sup>34</sup>Te mitik iuwe kirak han enuk keriuwerek te hirak kesiuwerek ken mit kerek niriakem menmen enum naniwaankek te hirak kaku kakit ere mamrer menmen kerek nipaa hirak ketiwem. <sup>35</sup>Te han ki, yi eikaap ni yinan me menmen enum hir nepei niriakem. Te Haai kai kau wit kirak Heven kakriakem mampar keremem me yi. Haai kai kau wit kirak Heven kakrekki menmen mamir im. Te yi eikaap ni yinan me menmen enum hir nerekiyiem yi eyitpor hiram menmen weinim. Yi han kitet menmen werek werek!”

**Jisas katip him me mitik mite epei neitan hir ninaaiwiran**

*(Mk 10:1-12; Lu 16:18)*

**19** <sup>1</sup>Jisas katip him me menmen epei au, hirak kinaaiwir Galili ken ti ke provins Judia keit pinak ke mani Jodan ein. <sup>2</sup>Hirak ken en, mit miyapir yapirwe nisesik. Te hirak kikaap mit miyapir kerek ninap hir nire yaain.

<sup>3</sup>Hirak keit ein, hir mit ne Farisi nan nanmitiwekpin nanri han kirak natip, “Him me Moses haiu misesim matip hiram yaaim te mitik akipir mite pirak hire wauno waunaiwirek me menmen miutip o yapirwe hire wiriakem hirak kineinim o au?”

<sup>4</sup>Te hirak kewenhi ketpor, “Yi yenmak te nipaa yi ap yertei werek him im em mau tiwei yi yirem a? Hiram matip God nipaa kiriak menmen yapirwe, nipaa enum eik hirak kime mitik ketike mite. <sup>5</sup>God kiriak mite keriuwe hirepit ke mitik te hirak katip, ‘Mitik kaknaaiwir miye hai nirak hirak kaku kaktike mite pirak, te hir wik nankiyan nanu nanit.’ <sup>6</sup>Te hir ap pike nire hire o hirak wik wik au. Hir nire yink kiutip kerekek. Menmen kerek God epei kehimitanem miutip, yi mit ap te yayinkerem.”

<sup>7</sup>Te hir mit ne Farisi netpiwek, “Te kenmak Moses kewis him hiram matip, “Mitik kakwis tiwei kaktip kakinmak te hirak kakinke mite hirak kakwetiwerek te kakinkerep wauno?”

<sup>8</sup>Jisas ketpor, “Moses kewisi yi yayipir miyapir ni kentar yi han ki enuk ap yises him me God werek werek au. Nipaa enum eik God ap

<sup>g</sup> 18:34 Mt 5:25-26 <sup>h</sup> 18:35 Mt 6:15; Mk 11:25; Ef 4:32; Kl 3:13 <sup>i</sup> 19:3 Mt 16:1

<sup>j</sup> 19:4 Jen 1:27, 5:2 <sup>k</sup> 19:5 Jen 2:24; Ef 5:31 <sup>l</sup> 19:7 Diu 24:1-4; Mt 5:31

hanhan keriuwe mit hir nises miyapir nir ninaaiwiri nanino au. <sup>9</sup>Hi hetpi him mar im em. Mite pe mitik hak ap nipaa wiriak menmen enum wiwaai wetike mit han, te hirak kakipirep wauno kakit mite hap, mitik kar ik hirak kewaank hirekes kire mitik enuk kari miyapir his kewenem.”

<sup>10</sup>“Te hir mit disaipel nirak hir netpiwek, “Menmen nimin ke mitik ketike mite pirak hiram mar im, te mitik kakit mite au emit. Hirak eku weinik kerekek.”

<sup>11</sup>Te Jisas ketpor kar ik: “Ap te mit miyapir yapirwe nantenen him im em taau. Hir keriyen kerek God kakikepi hir nantenenim hanhan nanisesim. <sup>12</sup>Mit han ap te nanit miyapir nentar miyerer nir nipaa ninen te hir ap yaain te hir nanwaai nantike miyapir. Nepir kerekek mit han nipaa nekin menmen me mit han te hir ap te nanit miyapir nanwaai nantikeri au. Te han en han kitet nanises menmen me him me God nanriak menmen mirak keremem te hir ninapen nanit miyapir. Mit kerek hir han kitet him im hiram yaaim hir nanisesim.”

**Jisas han yaaik kewis his mentar nikerek kike**

*(Mk 10:13-16; Lu 18:15-17)*

<sup>13</sup>Hirak katip epei au, hir mit han neit his nikerek han kike neri nan, hir hanhan natip Jisas te hirak ekwis his eminteri te ekitehi God kakrekyor menmen yaaim. Te hir mit disaipel neneri. <sup>14</sup>Hir neneri, Jisas katip, “Yi eiwis nikerek kike en hir naninan in. Yi ap eiweni au emit! Mit miyapir kerek nises God hir han yaaik nanu nanir nikerek in e.” <sup>15</sup>Hirak kewis his menteri. Hirak kiriak menmen im epei au, hirak kinaaiwir wit ik ken wit hak.

**Him me mitik pipiak ketenen menmen yapirwe**

*(Mk 10:17-31; Lu 18:18-30)*

<sup>16</sup>Wi ham mitik hak yaaik kan kir Jisas ketpiwek kar ik: “Mitik Iuwe Yaaik hi ariak mekam yaaim eiysesim te hi hahit himin yaaik te hi hahu hahit tipmain tipmain enum eik?”

<sup>17</sup><sup>P</sup>Jisas ketpiwek, “Kenmak te ti hitauhi me menmen mekam yaaim? God kiutip kerekek hirak Yaaik. Te ti hanhan hahit himin yaaik ehu etike God, te ti ehises him kerek God kewet Moses em mit enisesim.”

<sup>18</sup><sup>Q</sup>Te mitik kitiwekhi, “Hi ehises him lo me Moses mekam?”

Jisas ketpiwek, “Ti ehises him mar im: ‘Ti ap enep mit hir nani. Ti ap hetike mite pe mitik hak yi eiriran au emit! Ti ap ekintip menmen me mit han. Ti ap ewen him etip mit han. <sup>19</sup>Ti emtau

---

<sup>m</sup> **19:9** Mt 5:32; 1Ko 7:10-11    <sup>n</sup> **19:10** 1Ko 7:1-2, 7-9    <sup>o</sup> **19:14** Mt 18:2-3    <sup>p</sup> **19:17** Lev 18:5; Lu 10:28    <sup>q</sup> **19:18** Eks 20:12-16; Lev 19:18; Diu 5:16-20; Ro 13:9

him me miye haai nit eisesim naanmamror me menmen, ti hanhan eriuwe mit miyapir han ehir ke ti hanhan hirekes.’ ”

<sup>20</sup>Te mitik pipiak ketpiwek, “Him im em hi epei hisesim. Te hi ehises mekam ham?”

<sup>21</sup>ʻJisas ketpiwek, “Ti hanhan are yaaik te ti eno esiuwe menmen mit yapirwe ehit pewek emrerim te ti ewet mit enun ap netenen menmen mei em. Ti eriak menmen im, ti hetenen menmen yapirwe hahu wit ke God. Ti hiriak menmen im epei au, ti enen ehisisa.”

<sup>22</sup>Mitik pipiak kemtau him im, hirak kinaaiwir Jisas han enuk ken kentar Jisas ketpiwek hirak kesiuwe menmen mirak mamno. Hirak ketenen menmen yapirwe.

<sup>23</sup>Hirak epei ken, Jisas katip mit disaipel nirak, “Hi hetpi werék. Menmen yapirwe mit netenenim hiram mewen (o mesenek) han kir te hir ap nises him me God waswas au.

<sup>24</sup>Hi pike hetpi heteipim. Kamel hiram ap te mamnik hei ke nil ke nekerwo laplap neriuwerek ek taau. Hiram hei kike. Mitik ketenen pewek yapirwe hirak ap te kakises God taau kire kamel ap te kakises hei. Hirak kiriak menmen au kentar pewek hirak ketenenim hirak han kirak kenke kenterim te kakisesik werék werék taau.”

<sup>25</sup>Mit disaipel nirak nemtau him im em hir nehinhin te hir han kekrit nitiwekhi, “God ap kakithis mitik kar ik au, te neimin ne haiu mit mamu mamtikerek? Taauye!”

<sup>26</sup>ʻHir natip epei au, Jisas kirapror ketpor, “Mit ap nankaap hiras nanu nantike God au. Menmen mit netenenim mamkepi au. God kerekek kakikepi.”

<sup>27</sup>Hirak katip epei au, Pita ketpiwek, “Haiu epei minaaiwir menmen mai yapirwe te haiu misesit. Maain haiu mamit mekam?”

<sup>28</sup>ʻJisas kewenhi ketpor, “Hi hetpi menmen im! Hi Mitik ke wit ke Mitik luwe maain hi hahu yeno mai iuwe naanmampre mit me wi yaaim maain mamnen, te yi mit kerek yisisa yi yayu yeno yaipar ke hi ik ek. Yi skelim mit ne weiwik yapirwe me Isrel. <sup>29</sup>ʻHir mit miyapir niutip niutip kerek ninaaiwir winak o menmen mir, kikrek nir, yenterer, miye haai o nikerek nir o ti kir, hir ninaaiwirem nentar hir nises menmen nipaa hir netenenim, maain hir nanit yapirwe mamir ke 100. Te hir nantike God nanu nanit tipmain tipmain enum eik. <sup>30</sup>ʻMit miyapir kerek in ek hir niuk mir iuwe, hir maain nanire mit weinin. Mit miyapir yapirwe in ek hir nire mit weinin, maain hir nanire mit iuwe.

---

ʻ 19:21 Mt 6:20; Lu 12:33; Ap 2:45, 4:34-37    \* 19:26 Jen 18:14; Jop 42:2    † 19:28 Dan 7:9-10; Mt 25:31; Lu 22:30; Rev 3:21    ¨ 19:29 Hi 10:34    ˇ 19:30 Mt 20:16; Lu 13:30

**Him me mit niriak menmen naanmipre ni me tipar wain.**

**20** <sup>1</sup>“Menmen God kiriakem me haiu mit hiram mar ke mitik ketenen ti iuwe. Hekrit enum eik hirak ken kakithis mit nanriak menmen naanmipre ni me waai wain mirak. <sup>2</sup>Hirak katip ketike mit han nanriak menmen naanmipre ni me tipar wain mirak. Te hirak han yaaik keriuwari te hir nanit pewek iuwe miutip me wi im em. Epei au, hirak keriuwari nen ni me waai wain mirak eim. <sup>3</sup>Maain wepni epei kehini kiniu kan, hirak ken kir mit han nerp weinin neit wit maket. <sup>4</sup>Hirak katip mit han in en, ‘Yi eino eiriak menmen eipeit ni wain eim, te hi eweti pewek iuwe miutip mampireri keriyen.’ <sup>5</sup>Te hir nen. Wepni kau nimin iuwe kewen ken, hirak ken kari mit han keprer kerekek nipaa hirak kiriakem.

<sup>6</sup>“Hinkewi hirak ken kir mit han au nerp neit ap niriak menmen. Te hirak ketpor, ‘Yenmak te yi yerp weinin petepin in ere hinkewi ik ek?’

<sup>7</sup>Hir netpewek, ‘Ap mitik kei kewetei menmen haiu mamriakem.’ Hirak ketpor, ‘Yi eino ni me tipar wain mai em eiriak menmen.’

<sup>8</sup>“Epei hinkewi, te haai ke ni wain katip mitik iuwe naanmirpe mit niriak menmen hirak ketpewek, ‘Ti enine mit niriak menmen naninen te ti ewetir pewek. Ti ewet mit kerek nan ne hinkewi pewek eninin. Maain ti ewet mit kerek nepei ninin nekriteik nan ek nikaru. Te ti ewetir pewek mipiram.’

<sup>9</sup>“Hir mit kerek nan niriak menmen neit ni wain em ne hinkewi hir neit pewek kiutip. <sup>10</sup>Epei au, mit kerek ninin niriak menmen meit ni wain em, hir nan te hir han kitet hir nanit pewek yapirwe maminini, te au, hir netiwem mipiram keremem. Pewek kiutip. <sup>11</sup>Hir netiwem, te hir nene mitik kerek ke ni keremem. <sup>12</sup>Hir natip nar ik: ‘Mit in en hir nan nikaru. Hir niriak menmen kike keremem, te ti ewetir pewek mipiram mepir ke haiu metiwem. Haiu epei miriak menmen iuwe me hekrit eik ere wepni kiman si kawai meriuwerem.’

<sup>13</sup>“Hir natip nar ik te hirak katip mitik hak kiutip ke hir mit en. Hirak katip, ‘Kai yinak hi ap herekyut enum. Nipaa ti ewenhi hiram werek te ti hiriak menmen ehit pewek kiutip a? <sup>14</sup>Ti ehit pewek kit kiutip te ti eno. Pewek kiutip hi epei ewetitem, mar keremem te hi hanhan ewet mit pewek kerek nikaru en em. <sup>15</sup>Mekam! Yi han kitet hi hiriak menmen hises han kai mamriuwe pewek mai im em o au a? Hi ehisesim ye! Hi hiriak menmen yaaim me menmen im em yi au han enuk yeriua a?’ Haai ke ni ik hirak katip kar ik. <sup>16</sup>Te hi Jisas hetpi. Hir mit kerek in ek hir mit weinin, maain hir iuwe. Mit kerek in ek hir iuwe, maain hir nanire mit weinin.”

<sup>w</sup> 20:1 Mt 21:33    <sup>x</sup> 20:8 Lev 19:13; Diu 24:15    <sup>y</sup> 20:16 Mt 19:30; Mk 10:31; Lu 13:30

**Jisas katip keteipim ere wikak me hirak kaki te pike kakikrit**  
(Mk 10:32-34; Lu 18:31-33)

<sup>17</sup>Jisas kakniu kakno Jerusalem, te hirak keit his mit disaipel nar hiswiyen wik (12) hir netikerek nen. Hir nitet yayiwe nen, te Jisas ketpor kar ik: <sup>18</sup>“Eiyimtau. In ek haiu mamno Jerusalem. Te hirak mitik kerek kakriuweta hi Mitik ke wit ke Mitik Iuwe hi eno his me mit iuwe pris netike mit ninin nertei him me Moses. Te hir nanmitetpin nantip hi enuk te hi ahi. <sup>19</sup>“Te hir nansiuwa hi ano his me mit ap ne weiwik me Isrel, hir nanitpo enum me nanrekyau yink enuk, hir nanwaai nipin menmen naniyep te nanwenkeka ehu nu tentarakit. Me wi wikak, hi pike ekrit hahu.”

**Jems ketike Jon miye pirakit witehi Jisas te hirakit tatre iuwe**  
(Mk 10:35-45)

<sup>20</sup>Me wi im Sebedi mite pirak weithis nikerek tire Jems ketike Jon hire weri wan Jisas. Hire wewen ninip witiwekhi hirak kakrekyiwe menmen yaa'im. <sup>21</sup><sup>b</sup>Jisas ketpiwe, “Ti hanhan mekam?” Hire watip, “Maain ti are Mitik Iuwe King naanmamprai haiu mit. Me wi im hi hanhan ti atip nikerek tawir wiketeret it tatu menep tatitikewit naanmampre mit tatkitewit. Hak kakno his henkik, hak kakno his yaa'im tatit wit kerek mit iuwe newi. Hiram werek o au?” <sup>22</sup>“Hire watip warik, te Jisas ketpiwe, “Auye! Yi ap yertei menmen werek werek yi yitauhiyem. Hiram werek te yi yayises menmen enum yayir ke hi ehisesim eiwis menmen enum mamnen mamiwep a?” Hirakit tatip, “Hawir te wawisesim.”

<sup>23</sup>Te Jisas ketpiwekit, “Hiram werek te yi wiketeret yayises menmen hi ehisesim te mamrewaank. Te keimin hirak kaku kakinke kakno his henkik mai, keimin kakno his yaa'im mai, him im em hirak ap him mai te hi etpiyem au. Yeno keremem hiram me mit han kerek Haai kai God kiriakem te mit han nanwim.”

<sup>24</sup>Hir mit disaipel han nar hiswiyen (10) nemtau menmen hirakit titehi Jisas em keremem, hir han enuk neneret. <sup>25</sup><sup>d</sup>Te Jisas keninor hir nan nanirek, te hirak katip, “Yi yertei hir mit iuwe ne weiwik ham hir natip mit hir weinin te hir iuwe ninini. Te hir mit iuwe keriyen natip him manp enuk te hir mit miyapir nises him kir me menmen hir netpim. <sup>26</sup><sup>e</sup>Te menmen enum mar im ap emirp nimin me yi mit au. Mitik keimin kakre iuwe nimin ke yi mit, te hirak ekpar mitik kiriak menmen yaa'im me kakikepi. <sup>27</sup>Mitik kerek hanhan kakre iuwe ke yi mit, te hirak ekpar mitik weinik kiriak menmen mi. <sup>28</sup><sup>f</sup>Hirak kiriak menmen ekpar hi Mitik ke wit ke Mitik Iuwe kerekek hi

<sup>a</sup> 20:18 Mt 16:21, 17:22-23    <sup>a</sup> 20:19 1Ko 15:4    <sup>b</sup> 20:21 Mt 19:28; Lu 22:30    <sup>c</sup> 20:22 Mt 26:39; Jo 18:11    <sup>d</sup> 20:25 Lu 22:25-26    <sup>e</sup> 20:26 Mt 23:11; Mk 9:35; Lu 9:48    <sup>f</sup> 20:28 Lu 22:27; Fl 2:7; 1Ti 2:6

ariakem. Hi ap han te mit nanrekyyo menmen mai nankepa au. Hi han ariak menmen me mamkaap mit, te hi enaaiwir yink kai hahi akaap mit miyapir yapirwe ahisak menmen enum hir niriakem.”

**Jisas kikaap mitikit wiketeret kerek nanamir toto**

*(Mk 10:46-52; Lu 18:35-43)*

<sup>29</sup>Hir natip epei au, hir ninaaiwir wit Jeriko nen, te mit miyapir yapirwe nises Jisas. <sup>30</sup>Hir nepno te mitikit wiketeret kerek nanamir toto tau yayiwe. Hirakit temtau him mit natip me Jisas kitet yayiwe kakno, te hirakit tinap tatip tenine him iuwe, “Mitik luwe ti Nepenyek ke Devit kerek God kewetit menmen mirak iuwe. Ti han etweninawir.” <sup>31</sup>Mit miyapir hir natip him iuwe te hirakit tekintip wire wire. Au, hirakit tinap tatip iuwe tar ik: “Mitik luwe ti Nepenyek ke Devit, ti han etweninawir.”

<sup>32</sup>Jisas kerp keninewekit katip, “Yi wiketeret yi hanhan hi arekyi mekam?”

<sup>33</sup>Te hirakit tatip Jisas, “Mitik kai luwe hawir hanhan ti erekyawir nanamir mawir mamre yaaim te hawir wawir ein ein.”

<sup>34</sup>Te Jisas han teweninet kewis his mau nanamir mirakit, te wasenum hirakit tir ein ein werek werek. Te hirakit tisesik ten.

**Jisas ken Jerusalem kire mitik iuwe king kinin naanmipre mit**

*(Mk 11:1-11; Lu 19:28-40; Jo 12:12-19)*

**21** <sup>1</sup>Hir epei nen menep wit Jerusalem, hir niun wit Betfasi kerek menep miniu (o neiyip) niuk mirak wit Oliv. Hir neit ein te Jisas kakriuwet mitikit disaipel wiketeret. <sup>2</sup>Te hirak ketpiwekit kinin: “Yi ein wit kike eik ek te yi yayir menep in en. Te wasenum yi yayir donki (hire wire hos) hir mit nesenkekiye weriuwe waai werp nu, nikan kire ketikerep. Yi eisiupani eiyiriyei eiyin einen eiweteri. <sup>3</sup><sup>h</sup>Te mitik hak kakitpi menmen me yi wiketeret, te yi eitip eiyir ik: ‘Mitik kawir iuwe kakriak menmen ham kakriuwere.’ Maain hirak kakriak menmen kakriuwere epei au, hirak kaksiuwerem pike mamnen.”

<sup>4</sup>Menmen im man te hiram mises menmen kerek nipaa profet netpim em. Hiram matip mar im:

<sup>5</sup><sup>i</sup>“Yi eitip mit miyapir nau wit Saion emir ik:

‘Eiyir mitik luwe ki kaknen kakri. Hirak ap mitik katip him tokim au.

Hirak kau donki keteikin mit hirak naanmipri werek werek. Hirak keiyik kan.

Hirak kau donki kike, nikan kerek miye pirak hire winaak.’ ”

<sup>6</sup>Te mitikit disaipel wiketeret ten tises menmen kerek Jisas epei ketpiwekit em. <sup>7</sup>Hirakit teithis donki miye wetike nikan kire, te hirakit

<sup>s</sup> 20:30 Mt 9:27, 15:22    <sup>h</sup> 21:3 Mt 26:18    <sup>i</sup> 21:5 Ais 62:11; Sek 9:9



tewis laplap saket mirakit menterik, te Jisas kau sip kirak. <sup>8j</sup>Te hir mit miyapir yapirwe newis laplap saket menmen miwaai yayiwe. Mit han neremir nu heneik newisim miwaai yayiwe nesisiwek neriuwerem. <sup>9k</sup>Te hir mit miyapir nininek, hirak ketike han nisesik hir nikaru nan ninap nenine, “Kai yaaik ik hirak Nepenyek ke Devit. Haiu hanhan God kakriak menmen yaaim ke mitik ik kan kakikrehir kirak. Hirak yaaik te haiu emwenipi niuk me God.”

<sup>10</sup>Jisas ken Jerusalem, te mit miyapir neit wit iuwe eik, hir nehinhin neriuwerek te hir natip, “Mitik ik ek hirak keimin?”

<sup>11l</sup>Te mit miyapir kerek nen ek natip, “Hirak profet Jisas, mitik ke Nasaret keit provins Galili.”

**Jisas kepir mit kerek nesiuwe menmen neiyim nanit pewek neit winak iuwe ke God natip him mirak newiyen**  
(Mk 11:15-19; Lu 19:45-48; Jo 2:13-22)

<sup>12</sup>Te Jisas kinik ken winak iuwe ke God tempel kerek mit natip mit han him me God nekrerek ek. Te hirak kepir mit kerek nesiuwe menmen nanit pewek mamriuwerem em. Hirak kewir yeno mir kerek hir newis pewek menterim metike yeno me mit kerek hir nesiuwe hore newet mit em hir newi. <sup>13m</sup>Hirak kirkakem epei au, hirak katip, “Tiwei me God matip mar ik: ‘Mit nanrer wit wit nankine winak kai nenewek winak kerek mit nanitehi God menmen nanikrerek.’ Te yi yiriakek kire winak ke mit enun nekintip menmen newik.”

<sup>14</sup>Jisas kepeit winak tempel kerek mit natip mit han him me God nekrerek, te mit han nanamir toto netike mit ninap enum nan nirek, te hirak kerekki yire yaain. <sup>15</sup>Te hir mit iuwe ne pris netike mit iuwe nertei him me Moses natip mit em, hir nir menmen yaaim Jisas kirkakem kikaap mit, te hir nemtau nikerek nenine neit ein natip nar ik: “Haiu emwenipi niuk me nepenyek ke Devit,” te hir han enuk. <sup>16n</sup>Hir han enuknetpiwek, “Ti hemtau him kerek hir netpim em a?”

Te Jisas ketpor, “O, hi hemtewem. Yenmak te yi ap han kitet menmen yi epei yekinaam me menmen im a? Hirak katip, “Ti God hewep han ke nikerek kike netike han kerek nau sinipau naam nim te hir natip newenipi niuk mit hiram iuwe.’” <sup>17</sup>Hirak katip nepei au, hirak kinaiwiri keit wit iuwe ik, hirak ken kau Betani me witaan ik ek.

**Jisas katip nu fik keweivei kaki**  
(Mk 11:12-14, 20-24)

<sup>18</sup>Hekrit enum eik, Jisas pike ken wit iuwe eik te hirak ninpi maak. <sup>19o</sup>Te hirak kir nu fik hak kiutip keit yayiwe, te hirak ken kirek. Te hirak ap kir nikim mei mewik au. Hirak keperp weinim. Te hirak katip

<sup>j</sup> 21:8 2Kin 9:13    <sup>k</sup> 21:9 Sam 118:25-26    <sup>l</sup> 21:11 Mt 21:46    <sup>m</sup> 21:13 Ais 56:7; Jer 7:11  
<sup>n</sup> 21:16 Sam 8:2    <sup>o</sup> 21:19 Lu 13:6

nu fik, “Ti ap hari eine nikim meiyam au.” Te wasenum nu fik keweivei kaa.

<sup>20</sup>Hir disaipel nirek te hir nehinhin. Hir natip, “Kenmak te nu fik keweivei kaa waswas?”

<sup>21</sup><sup>p</sup>Jisas ketpor, “Hi hetpi werék. Yi yises him me God werék werék, yi ap han kitet God kakikepi o au, te maain yi yairiak menmen mamir ke epei yi yira hi hiriakem me nu fik ik ek. Te menmen im keremem au. Yi yaitip miniu (o neiyip) ik, ‘Ti eket eno ekre wan’, te hirak kakises him kerek yi epei yetpiwek ek hirak kakno kakikre wan. <sup>22</sup><sup>q</sup>Yi yises God werék werék yi eyitiwekhi me menmen, maain hirak kakrekuyiem.”

**Mit iuwe nitehi Jisas keimin ketpiwek hirak katip mit him me God**  
(*Mk 11:27-33; Lu 20:1-8*)

<sup>23</sup><sup>r</sup>Jisas pike kan winak iuwe ke God katip mit him mirak. Hirak wen ketpim, mit iuwe pris netike mit iuwe kerek ninin naanmpire mit ne Isrel nan nitiwekhi narik: “Keimin kehimitanut te ti hatip mit him im?”

<sup>24</sup>Jisas ketpor, “Hi hitihi menmen miutip. Yi eyitpewem werék, te hi hetpi keimin kehimitena hi hatip mit him im. <sup>25</sup>Keimin kehimitan Jon hirak kikir mit neriuwe tipar? God kehimitanek o hirak kises han kirak?”

Hir hiras natipan nar ik: “Haiu emitpiwek mekam werék? Haiu mamitpiwek God kehimitanek hirak kiriakem, te hirak kakitpei, ‘Yenmak te yi ap yises him me Jon a?’ <sup>26</sup><sup>s</sup>Haiu matip Jon kises han kirak kiriakem, haiu minapen mit nanrekyei enum nanintar hir han kitet John hirak mitik iuwe profet. <sup>27</sup>Hir ninaain mit te hir ap natip Jon hirak mitik weinik. Te hir natip Jisas, “Haiu au mepitari keimin kehimitanek kiriakem.”

Hir natip epei au, Jisas ketpor, “Yi ap yetpo werék menmen me Jon, te hi ap etpi keimin kehimitena hi hiriak menmen im.”

**Him tok piksa me nikerek wiketeret te mitik hak**

<sup>28</sup><sup>t</sup>Jisas katip, “Yi han kitet mekam? Nipaa mitik hak kine nikerek hirakit wik. Hirakit epei tire iuwe, wi ham haai ken nikan iuwe mitik ketpiwek kar ik, ‘Petepin hi hanhan ti eno eriak menmen naanmpire ni me waai wain mai.’ <sup>29</sup>Hirak katip haai kirak kar ik: ‘Hi au hinapen.’ Maain hirak keweikin han kirak ken ni me haai kirak kiriak menmen. <sup>30</sup>Haai ken kitehi nikan kike ek, ‘Ti tewen eno ni mai eriak menmen naanemprewem.’ Nikan nikik ek kewenhi katip, ‘Hi eno’, te hirak ap ken ni eim au. <sup>31</sup>Yi han kitet keimin ke nikerek wiketeret kises him me haai?”

Hir netpiwek, “Nikan iuwe mitik kerekek.”

<sup>p</sup> 21:21 Mt 17:20; Lu 17:6; 1Ko 13:2; Jo 14:12    <sup>q</sup> 21:22 Mt 7:7-11; 18:19; Jo 14:13-14

<sup>r</sup> 21:23 Jo 2:18    <sup>s</sup> 21:26 Mt 14:5, 21:46    <sup>t</sup> 21:28 Lu 15:11

Jisas ketpor, “Hi hetpi werek. Mit enun newenin his mit hir ninin neweikin sip newet menmen enum nises him me God. Te yi mit iuwe au! <sup>32</sup> “Hir nenmak? Yi yises him me God werek werek au yentar Jon kan keteikni menmen yi yayisesim te yi ap yises him mirak au. Te mit enun neitit pewek me takis netike miyapir kewenek nari mit his newenem, hir keriyen nises him mirak. Yi epei yiri hir nises him mirak te yi ap yeweikin han yisesik. Au, yi yeweikin sip yewetiwek yau weinin.”

**Him tok piksa me mit kerek naanmire ni me waai wain me mitik hak**  
(Mk 12:1-12; Lu 20:9-19)

<sup>33</sup> “Jisas wen ketpor kar ik: “Yi eiyimtau him tok piksa ham im. Mitik iuwe ketenen ti mei kamir waai wain nikim mirak epei au. Hirak kime niwa keweikniwem kekin hei kewis yemti wisenuk kekrem te ketepen waai wain nikim tipar miram mekrerek. Epei au, hirak kime kinaan kau niu naanmipre ni mirak. Epei au, hirak kehimitan mit hir naanmirewem. Te hirak kinaaiwir wit ik ken wit hak keit yanimin. <sup>34</sup> Maain waai wain nikim epei maa, hirak keriuwet mit nirak kerek niriak menmen mirak em hir nen neit nikim pinam mirak neiyim naninen. <sup>35</sup> “Mit naanmipre ni em nerekyor enum. Hak ek hir nakip, hak ek hir nakip kaa, hak ek hir newir nan nakip hemkre maain mekiuwe yink kirak. <sup>36</sup> Maain kike, mitik iuwe kesiuwe mit han nirak yapirwe nan ninin kerek nipaa hirak keriuweti nan. Hirak keriuweti nan te mit kerek naanmipre ni nerekyor enum mar ke nipaa hir niriak mit han em. <sup>37</sup> Epei au, mitik iuwe kesiuwe nikan kirak kikaru kan hirak han kitet kar ik: ‘Hir nanimtau him me nikan kai.’ <sup>38</sup> “Mit kerek naanmipre ni me mitik iuwe, hir nir nikan kirak kan hir hiras netpepan natip nar ik: ‘Ik ek hirak nikan ke mitik iuwe. Haiu emkip te haiu emit ti kirak ik ek.’ <sup>39</sup> “Te hir natip epei werek, hir netiwekhish neiyik nen ninaaiwir ni nakip kaa. <sup>40</sup> Maain mitik iuwe ke ni im hirak kaknen kakrekyor mekam?”

<sup>41</sup> Hir newenhi netpiwek, “Hirak kaknen kaknep mit enun en epei au, hirak kakwis mit han naninen naanmamre ni mirak mit in hir yaain nanwetiwek menmen yinam mirak kerek hiram epei mekiute.”

<sup>42</sup> “Jisas ketpor, “Yi yemak te yi ap yertei werek werek him me God mau tiwei nipaa profet newisim? Hiram matip,

“Teinik yaaik kerek mit nime winak hir ninapen newisim miwaai,  
God kehimitanek hirak kinin teinik ham mit epei namir.

Mitik iuwe God kerekek kiriak menmen im haiu han kitet hiram  
yaaim.’ <sup>43</sup> Te hi hetpi menmen yaaim me God nipaa hirak  
kewetiyem yi ap yisesim werek werek, te hirak keriyaam

“ 21:32 Lu 3:12, 7:29-30    <sup>v</sup> 21:33 Ais 5:1-2; Mt 25:14    <sup>w</sup> 21:35 Mt 22:6    <sup>x</sup> 21:38 Mt 27:18  
<sup>y</sup> 21:39 Hi 13:12    <sup>z</sup> 21:42 Sam 118:22-23; Ap 4:11; Ro 9:33; 1Pi 2:6-8

mamnopin hirak kakwet mit han em hir yaain nanises menmen God hanhan hir niriakem neriuwerem. <sup>44</sup>“Neimin hir neweikin sip neweto hir naniwaank nanir ke min kaknatin kakintar teinik hiram merepir. Maain hi arekyor enum hir naniwaank nanit nanir ke teinik kaknatin kakintar menmen hirak kaksesi tikip tikip mamre niutip.”

<sup>45</sup>Hirak katip epei au, mit iuwe ne pris netike mit han ne Farisi nemtau him me Jisas hir nertei hirak katip him tok piksa im keneri keriuwerem. <sup>46</sup><sup>b</sup>Hir nerteiyem epei au, hir hanhan netiwek his naniriyaak neiyik nanino nanwisik kakikre winak enuk, te hir niriakem au. Hir ninaain mit yapirwe kerek nererik nemtau him me Jisas hir naninip nanintar hir han kitet Jisas hirak mitik iuwe profet.

**Jisas katip mit tok piksa me mitik ketike mite nanitan haai kemani menmen kakwet mit nanrerik em**

*(Lu 14:16-24)*

**22** <sup>1</sup>Jisas pike katip mit miyapir him keriuwe tok piksa. <sup>2</sup>Hirak ketpor, “Menmen God kiriakem kenine mit ne ti hir nanises him mirak hiram mar ke mitik iuwe kinin naanmipre mit hirak kemani menmen keiyim kinkik mit kakintar nikan kirak ketike mite nanitan. <sup>3</sup>Nipaa hirak kehimitan mit han naninen nanim menmen nantikerek. In ek hirak keriuwet mit nirak han hir nanino naninior nantip mit hir naninen nanim menmen nantikeri. Te hir ap ninapen. <sup>4</sup>Hir au ninapen, te hirak kenine mit nirak han ketpor, ‘Yi eitip mit kerek nipaa hi etpor naninen nanim menmen eiyitpor hi epei hemani menmen nepei au, te hir eninen enim. Hi epei enep bulmakau nenum yapirwe metike samiyak ham yaaam.’ <sup>5</sup>Mit en nen netpor menmen epei au, te hir neweikin sip newetirem nises menmen mir. Mitik hak ken ni mirak, mitik hak ken stua kirak. <sup>6</sup>Mit han en nepu hir netenen mit kerek mitik keriuweti nan, hir nerekyor enum nanip naa. <sup>7</sup>Hir nerekyor enum nanip naa, mitik iuwe han enuk wisenuk keriuweti te hirak keriuwet mit nirak ne ami hir nen nenep mit in enun kerek nenep mit nirak, hir nanip nenepi nesi wit kir. <sup>8</sup>Hir nanip nenepi epei au, mitik iuwe kenine mit niriak menmen mirak, hirak ketpor, ‘Hi epei hemani menmen epei au, te mit kerek hi nipaa hehimitenor hir naninen hir au enun. <sup>9</sup>Te yi eino eirer yayiwe yi eiyir mit yapirwe nan nitet yayiwe yi eiyitpor hir eninen enim menmen hi emaniyem.’ <sup>10</sup>Hirak ketpor epei au, mit nirak hir nen nerer yayiwe nari mit kerek hir niri nitet yayiwe en. Mit han yaain, mit han au enun, te hir neri nen winak kerek mitik ketike mite hir nanitan neitai en, ere hir nau neneises winak nenepik.

<sup>a</sup> 21:44 Dan 2:44-45   <sup>b</sup> 21:46 Mt 21:26   <sup>c</sup> 22:4 Mt 21:36   <sup>d</sup> 22:6 Mt 21:35

<sup>11</sup>“Hir nau neneises winak nenepik, mitik iuwe kan kakir mit kerek nau nererik nipaam menmen mirak. Hirak kan kiri, hirak kir mitik kiutip ap hanhan keriuwe mitik iuwe hirak keriuwet klos yaaim me mit hir nanitan au. Hirak kan ketpiwek, <sup>12</sup>‘Kai yinak. Harkeik te ti hitit naan mit nai naanmirau weipir te ti hinik han nimin in a?’ Mitik hirak ap ketpiwek menmen au. Hirak yink enuk kau en kenesnin paan. <sup>13</sup>Te mitik iuwe naanmipre mit hirak kenine mit niriak menmen mirak ketpor: ‘Yi eiyit mitik ik eisenkikiwek his hit eiwirek ekno wit eik toto enuk. Hirak kakikit kaknakin yehes mirak kakine han enuk kaku kakit.’” <sup>14</sup>Jisas ketpor him im epei au, hirak ketpor: “Hirak kikit kinakin yehes kentar God kenine mit yapirwe nanisesik, te hirak kehimitan mit niutip niutip keriyen hir naninen nanu nantikerek.”

**Mit hanhan nari han ke Jisas newisisik nitiwekhi me pewek me takis**  
(Mk 12:13-17; Lu 20:20-26)

<sup>15</sup>Jisas ketpor him epei au, wi im mit ne Farisi ninaiwirek hir nimenipinek newisiwekek neriuwe him ham. <sup>16</sup>Hir nimenipinek newisiwekek epei au, hir neriuwet mit hir han nises him mir, hir netike mit kerek nises him me Herot hir nan nanri han kirak nitiwekhi, “Mitik luwe tisa, haiu mertei ti mitik yaaik hatip menmen yaaim me God werek werek. Ti han kitet mit yapirwe hir nipiran te ti ap ewis kiutip kakri han kit me menmen. <sup>17</sup>Te haiu hanhan ti etpai han kit. Hiram yaaim te haiu mamwir pewek me takis mamwet mitik iuwe ke Rom naanmiprai mamwetiwekem o au?”

<sup>18</sup>Te Jisas kertei han kir enuk te hirak ketpor, “Yi mit enun yewisisik. Yi yenmak te yi hanhan yewisisewek a? <sup>19</sup>Yi eiyit pewek yi yewirem yewet mit ne gavman em me takis eiyim einen.” Hirak ketpor, te hir nen neit pewek miutip neiyim nan neteikniwekem. <sup>20</sup>Hir neiyim nan neteikniwekem, te hirak kitorhi ketpor, “Ninaan me keimin metike niuk mirak mewik?”

<sup>21</sup>Hir natip, “Me mitik iuwe Sisa keremem.”

Te hirak ketpor, “Te yi eiwet mitik iuwe Sisa menmen mirak, yi eiwet God menmen mirak.”

<sup>22</sup>Hirak ketpor epei au, hir han kekrit neriuwe menmen hirak epei ketpor nentar hir ap te nanwisesik au. Te hir ninaiwirek hir nen.

**Mit nitehi Jisas me mit hir naa hir pike nanikrit**  
(Mk 12:18-27; Lu 20:27-40)

<sup>23</sup>Me wi im keremem, mit han ne Sadyusi hir nan nir Jisas. Mit in hir ap han kitet mit epei naa hir pike nanikrit taau. <sup>24</sup>Hir nan nitiwekhi nar

<sup>e</sup> 22:13 Mt 8:12, 25:30; Lu 13:28    <sup>f</sup> 22:15 Mk 3:6    <sup>g</sup> 22:21 Ro 13:7    <sup>h</sup> 22:23 Ap 23:8

<sup>i</sup> 22:24 Diu 25:5

ik: “Mitik Iuwe Tisa, him nipaa Moses kewisim mau tiwei matip, ‘Mitik kaki kaknaaipis mite pirak, te hire ap wine nikerek nei au, maain nikik kirak kaktiwe te hire wawine nikerek nei nanikrehir ke haai kir.’<sup>25</sup> Nipaa mit ne haai kiutip hir nar hispinak wik (7), hir nepu in. Nikan iuwe mitik keit mite te hirak kaa ap kine nikerek wen au. Hirak nikik kirak niminek hirak ketiwe.<sup>26</sup> Hirak ketiwe hirak kaa, te hirak ap kine nikerek au. Hir nepir kerekere ere hirakit tipaa ap tine nikerek nei au.<sup>27</sup> Hirakit tipaa ere tepnepik, mite pirakit wipaa wipkaru.<sup>28</sup> Maain wi kerek mit pike nanikrit nanu, hire waure mite pe keimin? Hire nipaa wau wetike mikan tire tar hispinak wik (7).”

<sup>29</sup>Hir natip epei au, Jisas ketpor kar ik: “Yi mit yatip enum yentar yi yepitari him me God, yi ap yertei God hirak manp enuk wisenuk te hirak kakises han kirak kiriak menmen yapirwe.<sup>30</sup> Me wi God kakikian mit hir nanu, hir ap nanit miyapir au. Hir nanu weinin nanir ke mit ensel neit wit ke God.

<sup>31</sup>“Te menmen yi nepei yetpim me mit pike nanikrit yentar yi ap han kitet hir pike nanikrit. Hi hetpi menmen im. Yi yenmak te yi ap yertei menmen yi yekinaam mau tiwei me Moses God ketpiyem a?<sup>32</sup> Hirak katip, ‘Hi God ke Ebrahim, Aisak ketike Jekop.’ Hirak God ke mit hir himin kir kepu keriyen.”<sup>33</sup> Mit yapirwe nerp menep nemtau menmen hirak ketporem, hir han kekrit hir han yaaik neriuwe him mirak.

**Jisas katip mit ne Farisi him lo me God hiram iuwe minin**  
(*Mk 12:28-31; Lu 10:25-28*)

<sup>34</sup>Maain kike, mit ne Farisi nemtau Jisas katip werek kinin him kerek mit ne Sadyusi nitiwekhiyem, teir yink enuk, hir nekintip ninaiwirek. Te hir nan nekiyan nau niutip nimenipinan natip.<sup>35</sup> Epei au, mitik kiutip kekere nimin ke hir mit, hirak ke mit ne Skraip, hirak kan katip Jisas kininek ketpiwek,<sup>36</sup> “Mitik Iuwe Tisa, him mekam hiram minin him ham nipaa Moses ketike profet newisaiyem mau tiwei matip?”

<sup>37</sup><sup>k</sup>Jisas keweniwekhi ketpiwek, “Yi hanhan Mitik Iuwe ki God yeriuwe han ki ketike me menmen yapirwe mekre yink ki.<sup>38</sup> Him im hiram iuwe minin him ham mau tiwei nipaa Moses ketike Profet newisaiyem.<sup>39</sup> Him ham iuwe misesim hiram mepir ke him minin em, hiram mipiram. Hiram matip, ‘Yi hanhan mit han o ni yinan yar ke yi hanhan yeriuwe hiras.’<sup>40</sup> Mit nanises menmen wik im te hiram mamkepi hir nanises him yapirwe werek werek nipaa Moses ketike mit profet hir newisim mau tiwei.”

<sup>j</sup> 22:32 Eks 3:6; Mt 8:11    <sup>k</sup> 22:37 Diu 6:5    <sup>l</sup> 22:39 Lev 19:18; Mt 7:12; Ro 13:9-10; Ga 5:14

**Jisas kitehi mit ne Farisi him me Mitik Kraiss kerek  
God kakriuwetek kaknen  
(Mk 12:35-37; Lu 20:41-44)**

<sup>41</sup>Mit ne Farisi wen nekiyan nau niutip, Jisas kitorhi kar ik. <sup>42</sup><sup>m</sup>Hirak katip, “Yi han kitet mekam me Mitik Kraiss kerek God kakriuwetek kaknen kakikaap mit ne ti? Hirak Nepenyek ke keimin?”

Hir netpiwek, “Hirak kakre Nepenyek ke Devit.”

<sup>43</sup>Jisas kitorhi keteipim, “Hirak kakre nepenyek ke Devit kerekek, kenmak te God Himin Yaaik kikiak han ke Devit kene Kraiss hirak Mitik Iuwe kirak? Devit ketpim kewisim mau tiwei mar im:

<sup>44</sup> <sup>n</sup>“Mitik Iuwe God katip Mitik Iuwe kai Kraiss kar ik: “Ti ehu yeno im menep his yaaim kerek mit iuwe newi. Ti ehu in ere hi anep mit enun nepan ni anip anepi.’ ” <sup>45</sup>Devit kene Kraiss hirak Mitik Iuwe kirak, karkeik te hirak kenewek nepenyek kirak kerekek? Taau. Hirak Nepenyek ke Devit te hirak kenewek hirak Nikan ke God!”

<sup>46</sup>Hirak katip epei au, mitik hak kekre nimin ke hir mit yapirwe ap te newenhi au. Me wi im ere maain hirak mitik hak kekre nimin ke hir mit hirak kaknen kakitiwekhi him meiyam kike au. Hir yink enuk ninapen.

**Jisas katip mit hir ap enises menmen mit ne Skraip netike mit  
ne Farisi hir niriakem  
(Mk 12:38-39; Lu 11:43, 46, 20:45-46)**

**23** <sup>1</sup>Maain Jisas katip mit miyapir kerek nererik nau netike mit nirak disaipel hirak ketpor kar ik: <sup>2</sup>Mit ne Skraip kerek ninin nertei him me Moses natip mit em, hir netike mit ne Farisi, mit iuwe hir nehimiteni hir natip mit him me Moses ir enisesim. <sup>3</sup><sup>o</sup>Te yi eimtau menmen hir netpiyem yi eiysesim. Te yi ap eiyses menmen hir niriakem au emit! Hir natip him ham te hir ap nisesim au. Hir nises him ham. <sup>4</sup>Hir neriuwe him mir kerek hir netpiyem yi eiysesim hiram mar ke hir neit menmen nimenum neneipetitem newisim mau yapir ki yi yeremime. Te hir ap nankepi nanit menmen nimenum yi yerermime au. Hir ap te nanises him enum nipaa hir netpiyem yi eisesim taau. <sup>5</sup><sup>p</sup>Hir niriak menmen yapirwe te mit kerek nirem hir nantip hir mit yaain. Hir nime ni newis him me prea mekre tanik miram mau maat metike his mir, te mit nirem hir natip hir yaain. Hir nime ni nokim newisim neselaplap kerek hir newisim mau yink mir me wi hir nitehi God menmen, te mit nirem hir natip hir yaain. <sup>6</sup><sup>q</sup>Hir hanhan nanu

<sup>m</sup> 22:42 Jo 7:42    <sup>n</sup> 22:44 Sam 110:1; Mt 26:64; Ap 2:34-35    <sup>o</sup> 23:3 Mal 2:7-8    <sup>p</sup> 23:5 Eks 13:9; Nam 15:38-39; Diu 6:8; Mt 6:1    <sup>q</sup> 23:6 Mt 6:5; Lu 14:7

yeno mit nehimitanem me mit iuwe nanwim neit winak kerek mit nererik nekine him me Moses neitai en nekre winak ke mit me wi hir nererik naam menmen. <sup>7</sup>Hir hanhan mit miyapir hir niri neit maket, hir nanwenipi niuk mir natip hir mit iuwe, hir nenewor, 'Mit naitu iuwe tisa.'

<sup>8</sup>Yi ap eiwis mit hir nenewi yi mit iuwe Tisa au emit! Yi yapirwe yire ni yinan keriyen, mitik kiutip hirak Mitik Iuwe God hirak Tisa ki. <sup>9</sup>Yi ap eine mitik hak kiutip kau ti ik enewek 'Mitik Haai Iuwe' au ekit! Yi ap enewek Mitik Haai Iuwe ki ei yintar Mitik Haai Iuwe kiutip kerekek kepu. Hirak God kekrek kerek kepu wit kirak Heven. <sup>10</sup>Yi ap eiwis mit hir nenewi yi Mit Iuwe au emit ei yintar Mitik Iuwe kiutip ki hi Mitik kerek God kehimitena hi han akepi yi mit atihis. <sup>11</sup>'Keimin hanhan niuk mirak iuwe kekrek nimin ke yi mit hirak kakwenin han kirak kakisesi kakikepi kakriak menmen. <sup>12</sup>'Mit kerek han kitet hir yaain ninin mit han, maain God kakiwaank niuk mir hiram menmen weinim. Mit kerek hir newenin han kir han kitet hir weinin, maain God kaknip niuk mir hiram iuwe.

**Jisas kene mit Farisi netike mit ne Skraip hir newisesik**

*(Mk 12:40; Lu 11:39-42, 44, 52, 20:47)*

<sup>13</sup>"Yi mit ne Farisi yetike yi mit kerek yinin yertei him lo me Moses yatip mit em. Maain God kakiwep kakriwaank kakintar yi enun yewisesik. Yi yar ke mit enun neiyepet weipir ke mit hir nanino nimin. Yi ap hanhan yises him me God werek werek au, te yi yewen mit miyapir kerek hanhan nanises God werek werek. <sup>14</sup>[Yi mit ne Farisi yetike yi mit kerek yatip mit him me Moses. Maain God kakiwep kakriwaank kakintar yi enun yewisesik. Yi yemitetpin miyapir kerek mit epei naa, yi yemitorpin yeit menmen mir mekre winak kir te maain yi yitehi God yerp ninaan me mit, yi yisawin menmen enun yi yiriakem yeriuwe prea im te yi yenip mit hir han kitet yi yaain.]

<sup>15</sup>"Yi mit ne Farisi yetike yi mit kerek yi yinin yertei him lo me Moses yatip mit em. Maain God kakiwep kakriwaank kakintar yi mit enun yewisesik. Yi yiriak menmen ham yapirwe te yi yari han ke mitik kiutip kakises him mi. Maain hirak kises him mi, yi yenipek hirak kakre nikan ke Seten kakno si tatiknenik, kinin yi mit enun hirak ap kises God kakir ke yi mit.

<sup>16</sup>"Maain God kakiwep kakriwaank yi mit enun yar ke mit nanamir toto ei yintar yi ap yeteikin mit han yayiwe kirak werek werek au. Yi yemitorpin. Yi yatip, 'Mitik hak kerek katip, "Hi tewen ariak menmen. Hi ap te ewisiyek au hi atip werek. Hi ekine winak iuwe ke God kakihimitenau him mai.'" Yi yatip, 'Hirak kaktip kakir ik, hirak ap te

<sup>7</sup> 23:11 Mt 20:26; Mk 9:35; Lu 22:26    <sup>8</sup> 23:12 Jop 22:29; Pro 29:23; Esi 21:26; Lu 14:11, 18:14    <sup>9</sup> 23:16 Mt 15:14



kakises him mirak au menmen weinim.' Yi yatip, 'Mitik hak katip, "Hi tewen ariak menmen. Hi ap te ewisesik au. Hi atip werek. Hi ekine gol mekre winak iuwe ke God te hi hatip werek.'" Yi yatip, 'Hirak katip him im, hirak ekises menmen hirak ketpim em.' <sup>17</sup>Yi mit enun han auri. Mekam hiram iuwe minin? Mekam au hiram kike mikaru? Gol miwaai mekre winak ke God o winak ke God kerek kiriak gol hiram yaaim me God. Winak ke God kerekek kinin! <sup>18</sup>Yi wen yatip, 'Mitik kerek kekine kinaan keit winak ke God hiram mehimitan him mirak hirak katip hirak kakisesim. Maain hirak ap kakisesim te hiram menmen weinim. Te mitik kerek kekine menmen mit hir newisim mentar kinaan, hir natip 'Tru antap', hiram mamihimitan menmen hirak ketpim hirak kakisesim, te hirak kakisesim, o au en, hirak mitik enuk.' <sup>19</sup>Yi mit nanamir toto! Mekam hiram iuwe minin a? Menmen mit newisim miwaai mentar kinaan newepwarem newet God, o kinaan hirekes kerek kiriak menmen im mit newet God em hiram yaaim? Kinaan keremem hiram minin. <sup>20</sup>Mitik kerek kekine kinaan hiram mehimitan menmen hirak ketpim, hirak kekine kinaan metike menmen mewim hiram mehimitan him mirak. <sup>21</sup>Mitik kerek kekine winak iuwe ke God kakihimitan menmen hirak ketpim hirak kakisesim, hirak kekine winak ketike God kerek Himin kirak kewik hirakit tehimitan him hirak ketpim. <sup>22</sup>"Mitik kerek kekine wit ke God kakihimitan menmen hirak ketpim, hirak kekine wit ke God kerekek au. Hirak kekine God kerek kau wit kirak hirak kakihimitan menmen hirak katip hirak kakisesim.

<sup>23</sup>"<sup>w</sup>Yi mit ne Farisi yetike yi mit kerek yinin yertei him lo me Moses yatip mit em. Maain God kakriwaank kakintar yi mit enun yewisik. Yi yewep menmen mi yapirwe mar hiswiyen (10) te maain yi yewet God menmen mi miutip me menmen hiswiyen (10). Yi yises menmen kike im te yi yeweikin sip yewet him iuwe me God ham im. Yi ap yises menmen yaaim, yi ap hanhan mit miyapir han au, yi ap yises menmen yi yetpim au. Yi yiriak menmen iuwe im metike menmen kike me yewet God menmen te yi yaain. Te au, yi yinapen! <sup>24</sup>Yi mit enun yire mit nanamir toto yeteikin mit han yayiwe ke God. Yi hanhan yayises menmen kike me him me God te yi han kaa yayises menmen mirak iuwe.

<sup>25</sup>"<sup>w</sup>Yi mit ne Farisi yetike yi mit kerek yinin yertei him lo me Moses yatip mit em. Maain God kakriwaank kakintar yi mit enun yewisesik. Han ki hirak kire wenkepye metike kap kerek mit nekemyetit neke wit te hiram menmen enum mewim meke nimin hir ap nekemyetit au. Han ki enuk keit nimin kentar menmen yi yisesim yi yetiwem yeriuwe menmen enum yi yiriakem yeriyaam yises han ki. <sup>26</sup>Yi mit ne Farisi yi han auri. Yi yar ke mit enun nanamir toto. Yi eiyinin eiyses menmen yaaim mekre

<sup>u</sup> 23:22 Ais 66:1; Mt 5:34; Ap 7:49    <sup>v</sup> 23:23 Lev 27:30; Mai 6:8    <sup>w</sup> 23:25 Mk 7:4

han ki te maain menmen yi yairiakem hiram mamre yaaim. Menmen im hiram mamre mit nekemyet wenkepwe metike kap neke nimin, neke wit.

<sup>27x</sup>“Yi mit ne Farisi yetike yi mit yatip mit han him me Moses. Maain God kakriwaank kakintar yi mit enun yewisesik. Yi han ki yar ke hei herwe maa mit newisim mekretek. Hir namir timen meweikniwek te mit naninen nanirem hir han kitet hei hirak yaaik. Te menmen enum mire herwe hemik paan minin mekretek. <sup>28y</sup>Mar im mit miyapir niri hir han kitet yi mit yaain yises him yaaim. Te yi mit enun. Menmen enum misawin mekre han ki. Menmen me yi yewisesik ek, metike menmen ham enun enun.

**Jisas katip God kakiwaank mit ne Farisi netike mit  
natip mit han him me Moses**

(Lu 11:47-51)

<sup>29</sup>“Yi mit ne Farisi yetike yi mit kerek yi yinin yertei him lo me Moses yatip mit em. Maain God kakriwaank kakintar yi mit enun yewisesik. Yi yeses hei kerek mit profet nipaa nau ti hir naa hemik mir miwaai mekretek. Hiram metike hei mei me mit yaain nipaa naa hemik mir miwaai mekretek. <sup>30</sup>Yi yatip yar ik: ‘Nipaa haiu mepu ti wi mit profet hir nepu netike maamrer nau, haiu ap te manip mar ke maamrer nau niriakem taau.’ <sup>31z</sup>Te yi yeriuwe him im yi yetpim yewepyapir yi nepenyerer ne mit kerek nipaa nenep mit profet hir naa. <sup>32</sup>Hi hetpi. Yi yayises menmen enun nipaa maamrer ni hir niriakem ere yi enun yayir ke hir enun. <sup>33a</sup>Yi mit enun yar ke manpen (o yenmik). Yi mit enun nepenyerer ne mit enun nire manpen. Yi yarkeik yi han kitet yi ap eino si tatikneni a? Taauye!

<sup>34b</sup>“Te hi hetpi. Maain hi ariuwet mit profet nantike mit nertei him me God werek werek netike mit nanwepyapir him mai yaaim. Mit han ne mit in yi yainip yeiwenkeki nanu nu tentarakit. Mit han yi yainip yairiwe nipin yayit winak kerek yi yekine him me Moses yekrerem. Yi yaipiri naninaaiwir wit ik yi yayinyei hir nanrir nanino nanrer wit wit. <sup>35c</sup>Yi eiriak menmen im te God kakrekiki enun kakiwep kakrer paan ki. Hirak kakiwep kakintar kakrer paan ki me mit yapirwe yaain naa, me wi hemkre me mitik yaaik Ebel mewen ere me mitik profet Sekaraia, nikan ke Berekaia, kerek maamrer ni hir nakip kaa kekere nimin ke kinaan metike winak iuwe ke God. <sup>36</sup>Hi hetpi werek. Menmen im enun yapirwe mamnen yi mit miyapir kerek yi en ek yau ti yayintar menmen hi nepei hetpiyem yi yairiakem.

<sup>x</sup> 23:27 Ap 23:3    <sup>y</sup> 23:28 Lu 16:15    <sup>z</sup> 23:31 Ap 7:52    <sup>a</sup> 23:33 Mt 3:7, 12:34; Lu 3:7

<sup>b</sup> 23:34 Ap 7:52; 1Te 2:15; Mt 10:23    <sup>c</sup> 23:35 Jen 4:8; 2Kro 24:20-21; Hi 11:4

**Jisas kikit mit miyapir ne wit Jerusalem**  
(Lu 13:34-35)

<sup>37d</sup>“Yi mit miyapir ne Jerusalem, wit kerek mit newi hir nenep mit profet. Hir nenep mit kerek God keriuweti nan niri. Wi yapirwe hi hanhan naanmipri me menmen enum har ke suware naanmipre nikum mire minik yapir mire. Te yi au yinapen. <sup>38</sup>“Yi eiymtewem. Maain wit ki hirak kaku weinik mit miyapir ap nanwi au. <sup>39f</sup>In ere maain yi mit miyapir ne Jerusalem ap pike nanira meiyam au ere yi eitip,

‘God naanmamre kakikaap Mitik ik Krais kerek kekrehir kirak hirak keriuwetek kan in.’”

**Jisas katip mit nanwep winak iuwe ke God nanwirek**  
(Mk 13:1-2; Lu 21:5-6)

**24** <sup>1</sup>Jisas kinaaiwir winak iuwe ke God ken witeik, mit nirak disaipel newenyipirek te hir nanteikniwek winak yaaim yapirwe me winak iuwe ke God. <sup>2</sup>Hir neteikniwekem, te hirak ketpor, “Hi hetpi werek. Yi yir menmen yapirwe im a? Maain wi mamnen te nan kerek mit nime winak meriuwerem, hirak ap te mamwaai mamintereram au. Mit naninen nanwepim te hiram yapirwe maminke mamwaai ti.”

**Jisas katip menmen enum mamnen**  
(Mk 13:3-13; Lu 21:7-19)

<sup>3</sup>Jisas wen kau miniu (o neiyip) mit nenewek wit Oliv, mit nirak disaipel keriyen nan nitiwekhi natip, “Ti etpai wi kerek menmen im enum mamnen, metike mekam mamnen mamteiknei wi im epei man te ti enen ewepyapir hirekes te menmen God kakriakem hiram epei au.” <sup>4</sup>Jisas kewenhi ketpor, “Yi naanmamre hiras ap eiwis mit han hir nanwisesiyek. <sup>5h</sup>Ap eiwis mit han hir nanwisesiyek nanintar hir yapirwe naninen nanmitipin nanikrehir kai nantip, ‘Hi kerekek hi Krais kerek God kehimitena hi anen akaap mit.’ Hir nanwis mit miyapir yapirwe nanriuwe him mir. <sup>6</sup>Maain yi eiymtau mit neit menep hir nenepan, yi eiymtau him me mit hir neit yanimin hir nenepan, te yi ap einapen au emit! Menmen im hiram emnen te wi hi anen awepyapir hirekes nepei man wen au. <sup>7i</sup>Mit ne weiwik miutip hir netike mit ne weiwik ham hir naninepan. Mit kerek nau ti menep in nantike mit neit yanimin hir naninepan. Mit nerer wit wit ninpi mamn nanintar hir menmen mau

---

<sup>d</sup> 23:37 Ap 7:59; 1Te 2:15    <sup>e</sup> 23:38 1Kin 9:7-8; Jer 12:7, 22:5    <sup>f</sup> 23:39 Sam 118:26; Mt 21:9  
<sup>g</sup> 24:2 Lu 19:44    <sup>h</sup> 24:5 Mt 24:23-24; Jo 5:43; Ap 5:36-37; 1Jo 2:18    <sup>i</sup> 24:7 2Kro 15:6; Ais 19:2

ni au. Ti mamrer wit wit mamtanik. <sup>8</sup>Menmen im kerek mamnen hiram mamre mite hire tu himir ketniniwe iuwe te hire wawine nikan. Mit miyapir nau ti menmen im mamnen mamikrit mamriwaank.

<sup>9j</sup>“Me wi im mit nantthis yi yaino winak enuk te mit naniwep yayi o yink ki hir naniwaankem. Mit nanrer wit wit han enuk nanriuwini nanineini nanintar yi yises him mai. <sup>10</sup>Wi im mamnen, mit yapirwe nanweikin sip nanwet him mai. Hir nanwepyapiran, han enuk naniriuwehan. <sup>11k</sup>Me wi im, mit profet enun newisesik hir yapirwe naninen nanri han ke mit miyapir yapirwe nanwisorek nanriuwe him mai. <sup>12</sup>Me wi im mit miyapir nanises han kir nanriak menmen enum yapirwe te mit miyapir yapirwe hir ap hanhan nanriuwehan wisenum au, kike keremem. <sup>13l</sup>Te mit miyapir kerek nanisisa werek werek ere hir nani, maain hi atorhis hir nanu nantikewa. <sup>14m</sup>Mit miyapir hir nanwepyapir him yaaim me God kakinin naanmamre mit, hir nanitpim nanrer wit wit te mit nanirtei menmen yaaim God kiriakem. Hir nanwepyapirem epei au, maain wi mamnen te hi anen awepyapir hirekes te menmen God kakriakem hiram epei au.

**Maain menmen enum mamnen ti ik**

*(Mk 13:14-23; Lu 21:20-24)*

<sup>15n</sup>“Maain yi yayir menmen enum mamiwaank winak iuwe ke God mamirp mamikre nimin kerek hiram ap te mamno nimin au kerek nipaa profet Daniel katip hiram mamnen (yi mit kerek yekine menmen im, yi han kitetim werek werek). <sup>16</sup>Te yi mit yapirwe kerek yi yepu provins Judia, yi yairir yaino miniu o neiyip eisawin eyit ein. <sup>17o</sup>Mit miyapir kerek nau wepni neit witeik, hir ap pike nanino nimin winak nanit menmen mir mekrerek au emit! Hir nanrir waswas nanino. <sup>18</sup>Mit miyapir kerek neit ni mir, hir ap pike nanino witeik nanit menmen klos au emit! Hir nanrir waswas nanino. <sup>19</sup>Maain wi menmen im mamnen, miyapir naninan nikerek kike wen nau sinipau hir naniwaank nanintar hir ap te nanrir waswas au. <sup>20</sup>Yi eyitehi God te yi ap eirir me hawi hitan o wi Sabat au emit eyintar yi ap te eirir waswas au. <sup>21p</sup>Me wi im menmen enum mamnen mamiwaank mit miyapir nau ti. Menmen mar im ap man nipaa God kinin kewis ti ere in. Maain menmen enum mar im ap pike mamnen taau. <sup>22</sup>God ap te kakremir wi menmen enum im mamu ti te mit miyapir yapirwe nani. Au, God han kitet mit miyapir kerek hirak kehimiteni hir nises him mirak te hirak kakremir wi menmen im mamu ti.

<sup>j</sup> 24:9 Mt 10:22; Jo 15:18, 16:2    <sup>k</sup> 24:11 Mt 24:5, 24; 1Jo 4:1    <sup>l</sup> 24:13 Mt 10:22

<sup>m</sup> 24:14 Mt 10:18, 28:19    <sup>n</sup> 24:15 Dan 9:27, 11:31, 12:11    <sup>o</sup> 24:17 Lu 17:31    <sup>p</sup> 24:21 Dan 12:1; Joe 2:2; Rev 7:14

23 <sup>q</sup>“Maain me wi im mitik hak kakitpi, ‘Yi eiyirek. Mitik Iuwe Kraiss hirak kepu in!’ O ‘Hirak kau keit pinak ein!’ Hirak kakitpi him mamir im yi ap yayisesim au emit! 24 <sup>r</sup>Hi hetpi. Maain mit enun newisesik nanino nantip hir Kraiss o hir mit profet hir nanwepyapir hiras. Hir nanriak menmen iuwe nipaa mit niriakem au, te hir nanri han ke mit miyapir kerek nises him me God. Te hir ap nanisesim taau. 25 <sup>s</sup>Yi eiyimtau. Hi hinin etpi menmen im. Maain menmen im mamnen yi eiyirteiyem.

26 <sup>t</sup>“Maain mit hir nanitpi nanir ik: ‘Yi einen eiyirek! Hirak kau wit weinik mit ap newi au!’ Te yi ap eino au emit! 27 <sup>u</sup>Yi yir nepni mewenin meke wepni kokai kan ere kewen ken. Kakir eik te maain yi eiyir hi mitik ke wit ke Mitik Iuwe hi pike anen. Mit miyapir yapirwe nanra.

28 <sup>v</sup>“Wit kerek mitik herwe kiwaairi, hore tepre mamnen mamkip mamkinenik mamik. [Marim im maain mit yapirwe nau ti hir enun enun, hi pike anen etike mit ensel hi skelim hir mit hi ahiwaanki.]

### **Maain Mitik Iuwe Kraiss kaknen**

*(Mk 13:24-27; Lu 21:25-28)*

29 <sup>w</sup>“Maain wi menmen enum epei man mau ti, wepni kakweikin kakre witaan, wenke ap te kakir au, hir mau nepni maminkike, menmen iuwe mau nepni hiram mamtanik. 30 <sup>x</sup>Menmen im epei au, te menmen mamu nepni mamteikin mit hi mitik ke wit ke Mitik Iuwe hi awepyapir hirekes, te mit miyapir ne weiwik yapirwe nerer wit wit nankit nanra hi hau hentir napi heriuwe menmen mai iuwe metike menmen mai yaaim merhihe hi anen. 31 <sup>y</sup>Hi anen, te God kaktenwo taur. Kaktenwo taur, hi heriuwet mit ensel nai hir nanino nanrer wit wit kerek mit miyapir hi behimiteni hir nises him mai hir nanwiyen, hir nanri naninen nantikewa mamu niutip.

### **Nu hinaan kikaap mit nanhimitan wi Kraiss pike kaknen**

*(Mk 13:28-31; Lu 21:29-33)*

32 <sup>z</sup>“Hi eteikni menmen heriuwe nu fik. Maain wi kerek heneik mirak hiram maminsiunen, te yi eiyirtei menep te wepni yaaik. 33 <sup>aa</sup>Mar im, maain yi eiyir menmen hi etpiyem hiram epei man, te yi eiyirtei hi menep te hi pike anen. 34 <sup>ab</sup>Hi hetpi werek. Mit miyapir kerek nepu ti in ek, hir ap te nani ere menmen yapirwe im mamnen. 35 <sup>ac</sup>Nepni mamtike ti

<sup>q</sup> 24:23 Mt 24:5, 11    <sup>r</sup> 24:24 Diu 13:1-3; 2Te 2:9; Rev 13:13-14    <sup>s</sup> 24:26 Lu 17:23-24  
<sup>t</sup> 24:27 Mt 24:37-39    <sup>u</sup> 24:28 Lu 17:37    <sup>v</sup> 24:29 Ais 13:10, 34:4; Esi 32:7; Joe 2:10, 31; 2Pi 3:10; Rev 6:12-13    <sup>w</sup> 24:30 Dan 7:13; Sek 12:10; Mt 26:64; Rev 1:7    <sup>x</sup> 24:31 Ais 27:13; 1Ko 15:52; 1Te 4:16    <sup>y</sup> 24:34 Mt 16:28    <sup>z</sup> 24:35 Mt 5:18

mamiwaank mamit te him mai ap te mamiwaank au emit! Hiram mamu mamit tipmain tipmain enum eik, te menmen hi nepei hetpim hiram mamnen.

**Mit ap nertei wi kerek Krai pike kaknen ti ik au**

*(Mk 13:32-37; Lu 17:26-30, 34-36)*

<sup>36</sup>“Mit miyapir nau ti o ensel neit wit ke God o hi mitik iuwe ke wit ke mitik iuwe, haiu yapirwe ap mertei wi kerek God kakriuweta hi pike anen ti. God kiutip kerek kertei. <sup>37</sup><sup>b</sup>Wi kerek hi Mitik ke wit ke Mitik luwe hi pike anen ti, hiram menmen mamnen mamir ke nipaa wi mitik Noa kau ti ik. <sup>38</sup>Me wi hawi ap epei man miwapin ti wen au, mit miyapir nises menmen mar ke nipaa hir niriakem. Hir naam menmen, neitan, nesiuwe yenterer nantike mit han hir nanitan ere wi Noa ken kau kekresip. <sup>39</sup><sup>c</sup>Hir mit miyapir hir ap nertei menmen enum mamnen ere tipar miniu manip meri men hir naa. Mar im maain hi Mitik ke wit ke Mitik luwe hi pike anen, te mit miyapir ap nanmeriyau hi anen au. <sup>40</sup>Maain wi hi pike enen, mitikit wiketeret tatu ni mirakit. Hi ehit his mitik kiutip kaknen, kiutip au hi ewisik kaku kakit ni eim. <sup>41</sup>Maain miyapir wik hir nenepip tiu, hi ehit his piutip, peiyap hi au ewisiye wawu wawit yaank eik. <sup>42</sup><sup>d</sup>Yi naanmipre hiras te yi yises God werek werek yayintar yi yepitari wi kerek hi Mitik luwe ki hi pike anen. <sup>43</sup><sup>e</sup>Yi han kitet menmen im. Mitik kerek kau winak kertei witaan kerek mitik enuk kekintip menmen kaknen, te hirak naanmamre winak kirak ap kakwis mitik enuk kaknen kekintip menmen mirak. Te hirak au kepitari. Mar im wi kerek mit nepitariyem, hi pike anen ti ik. <sup>44</sup>Te yi mit eiyises God werek werek eiyintar hi Mitik ke wit ke Mitik luwe hi pike anen me wi yi ap erteiyem.

**Jisas katip him tok piksa ke mitik yaaik ketike mitik enuk**

*(Lu 12:42-46)*

<sup>45</sup>“Yi mit keriyen yi yire mitik yaaik kertei menmen werek werek te mitik iuwe kirak kewisik hirak kire mitik iuwe naanmamre mit miyapir kerek niriak menmen me mitik iuwe, hirak kakwetir menmen me wi hirak kehimitanem hir nantiwem. <sup>46</sup>Maain mitik iuwe kirak nipaa kinaaiwir wit, hirak pike kaknen kakir ke mitik kiriak menmen nipaa hirak kehimiteniwekem, hirak han yaaik kakriuwerek te hirak wok mitik kirak kaku werek werek. <sup>47</sup><sup>f</sup>Hi hetpi werek werek. Maain hirak kaknen kakirek kises menmen yaaim, hirak kakahimitanek hirak naanmamre menmen mirak yapirwe. <sup>48</sup>Mitik ik au, hirak enuk kinapen

<sup>a</sup> 24:36 Ap 1:7; 1Te 5:1-2    <sup>b</sup> 24:37 Jen 6:5-8    <sup>c</sup> 24:39 Jen 6:13-7:24; 2Pi 3:6    <sup>d</sup> 24:42 Mt 25:13    <sup>e</sup> 24:43 Lu 12:39-40; Rev 3:3, 16:15    <sup>f</sup> 24:47 Mt 25:21, 23

kises menmen me mitik iuwe, hirak kaktip hirekes, ‘Mitik iuwe kai ken yanimin ap pike kaknen waswas au.’ <sup>49</sup>Hirak kaktip kakir ik, te hirak kaknenp mit miyapir kerek niriak menmen me mitik iuwe kirak, hirak kakno kaktike mit enun netaritari naam tipar si enum, hirak kaktikeri nanim. <sup>50</sup>Maain mitik iuwe kirak kaknen me wi hirak ap han kitet hirak kaknen, te hirak kemeriyiwek au. <sup>51</sup><sup>8</sup>Mitik iuwe kaknen hirak kaknep mitik ik wisenuk kakiwaankek kaksuwerak kakno wit kerek mit enun newisesik newi en. Mit neit in hir nine han enuk nikit ninakin yehes.

**Jisas katip him tok piksa me miyapar nihan nar hiswiyen**

**25** <sup>1</sup><sup>h</sup>Maain wi kerek hi mitik ke wit ke Mitik Iuwe pike anen, God kakwis mit miyapir nanino wit kirak kakir ke miyapir nihan nar hiswiyen (10) kerek neit lam mir nen nemerir mitik pipiak kaknen kakit his mite pirak. <sup>2</sup>Miyapir hispinak (5) hir nertei menmen werek werek miyapir hispinak (5) au hir netari netari menmen. <sup>3</sup>Miyapir netaritari hir neit lam neiyim nan te hir ap neit tipar mei te nanwenem mamikre lam au. <sup>4</sup>Miyapir hir nertei menmen werek werek te hir neit lam metike tipar mei te nanwenem mamikre lam mir. <sup>5</sup>Hir epei nan nemerir mitik ik kaknen te hirak ap kan waswas au. Hirak ap kan waswas au te hir nanamir menen hir niwaai.

<sup>6</sup>“Hir niwaai ninatin, wi ninin hir nemtau mitik hak kenine katip, ‘Mitik pipiak kaknen kakithis mite pirak, yi eino eiwenyipirek eiwisik yayiwe yi eitiwekhis eiyik einen.’ <sup>7</sup>Miyapir nemtau menmen im, te hir nekrit newen tipar mekre lam hir neweiknim merhihe mir te hir neiyim nen. <sup>8</sup>Te miyapir enun netaritari natip miyapir han yaain en nar ik: ‘Yi eiwetei tipar mei mi te haiu emwenem emikre lam maiu, te haiu emtikewi emno. Lam maiu tipar epei au mesi te hiram mami.’ <sup>9</sup>Te miyapir han en netpor, ‘Haiu ap metenen tipar yapirwe te haiu mamweti mei au emit! Au kike. Haiu mamweti tipar mei kike, te maain haiu lam maiu yapirwe mami. Yi eino eiyit mei eiyit winak kerek mit nansiuwerem nanwet mit em hir enweti mei.’ <sup>10</sup>Hir netpor epei au, miyapir netaritari nen nanit tipar mei. Hir neit ein, mitik pipiak kan kiun winak eik kan kiun winak eik, hir miyapir kerek nemeriyiwek hir netikerek nen ninin en, hir neiyepet weipir.

<sup>11</sup><sup>i</sup>Maain miyapir han en pike nan nenine natip, ‘Mitik iuwe, mitik iuwe, ti ekeisiuwai weipir.’ <sup>12</sup>Hir neninewek te hirak ketpor, ‘Hi hetpi werek. Hi ap hertei yi neimin. Yi ap nai yinan au.’ <sup>13</sup><sup>k</sup>Te Jisas ketpor kar ik: “Yi naanempre hiras te yi eiyises God werek werek eiyintar yi yepitari wi hi Mitik ke wit ke Mitik Iuwe hi anen.

<sup>8</sup> 24:51 Mt 8:12   <sup>h</sup> 25:1 Lu 12:35; Rev 19:7   <sup>i</sup> 25:11 Lu 13:25, 27   <sup>j</sup> 25:12 Mt 7:23

<sup>k</sup> 25:13 Mt 24:42; Lu 12:40

**Him tok piksa me mitikit wikak teit pewek me mitik iuwe kirakit**  
(Lu 19:11-27)

<sup>14</sup>“Maain menmen God kakriak mit miyapir em te hir nantikerek nanu nanit wit kirak hiram mamir ke mitik iuwe kakno yanimin. Hirak kakno yanimin te hirak kenine mitikit tirak wikak hirak kehimitanet hirakit naanmamre menmen mirak. <sup>15</sup>“Hirak han kitet tarkeik te hirakit tiriak menmen te hirak kewetiwekit menmen mar im. Mitik kiutip kertei werek, hirak kewetiwek 5,000 pewek. Mitik hak hirak kewetiwek 2,000 pewek. Mitik hak au kertei kike, hirak kewetiwek 1.000 pewek. Hirak kiriak menmen mar im epei au, hirak ken. <sup>16</sup>Hirak ken yanimin, mitik kerek ketenen 5,000 pewek ken waswas kewir pewek mirak te hirak keyim kari pewek 5,000 meiyam man metikerem (mire kas mani). <sup>17</sup>Hirak mitik hak kerek ketenen 2,000 pewek, hirak ken kewirem keyim kari pewek 2,000 ham man metikerem kar ke mitik hak epei kiriakem. <sup>18</sup>Mitik hak au. Hirak ken witeik kekin hei keit 1,000 pewek nipaa mitik iuwe kewetiwekem, hirak kisawinem mekrerek kiwapinem miwaai meit. <sup>19</sup>“Maain wenke yapirwe epei men, mitik iuwe pike kan kitiwekithi me pewek kerek hirak nipaa kewetiwekitem. <sup>20</sup>Mitik kerek nipaa keit 5,000 pewek, hirak kan kewetiwek pewek ham metikerem ketpiwek kar ik: ‘Mitik iuwe, ti nipaa eweto 5,000 pewek im, te hi hiriak menmen heriuwerem hi hari 5,000 pewek ham man metikerem.’ <sup>21</sup>“Mitik iuwe kewenhi ketpiwek, ‘Ti hiriak menmen yaaim, ti kai yaaik. Ti naanempre werek werek menmen kike im te hi ewetit menmen yapirwe te ti naanmamprewem. Ti enen ehu etikewa han yaaik.’ <sup>22</sup>Hirak ketpiwek epei au, mitik hak kerek ketenen 2,000 pewek hirak kises mitik kerek ketenen 5,000 pewek kinin kan kir mitik iuwe, hirak kisesik kan katip, ‘Mitik iuwe, nipaa ti eweto 2,000 pewek, te hi hiriak menmen heriuwerem, hi hari 2,000 pewek ham man metikerem.’ <sup>23</sup>Mitik iuwe kewenhi katip, ‘Ti hiriak menmen yaaim ti kai yaaik. Ti naanmpre werek werek menmen kike im te hi ewetit menmen yapirwe te ti naanmamprewem. Ti enen ehu etikewa han yaaik.’ <sup>24</sup>Hirak katip epei au, mitik kerek ketenen 1,000 pewek hirak kikaru kan katip kar ik: ‘Mitik iuwe, hi hertei ti mitik enuk hatip him tokim tokim. Ti atip mit hir namir ni mit, te maain ti ehit menmen yeunim. Ti atip mit hir newen rais hir newis haas miram miwaai han, hir newis nikim miwaai han. Ti au hetiwem yeunim ewisim meit winak kit. Hir au. <sup>25</sup>Hi hertei ti mitik enuk har ke hi hetpim te hi hinapen hewir pewek mit ewaankem. Hi hetiwem heiyim hen hewisim mekre hei. Ehirem. Hi epei heit menmen mit ewetitem im em.’ <sup>26</sup>Mitik iuwe ketpiwek kar ik: ‘Ti mitik enuk hau yain yain. Ti epei hertei hi

<sup>1</sup> 25:14 Mk 13:34    <sup>m</sup> 25:15 Ro 12:6    <sup>n</sup> 25:21 Mt 24:45-47; Lu 16:10



hatip mit hir namir ni mai te hi ahit menmen yeunim. Ti hertei hi hatip mit nanwen rais hir nanit nikim miram mamwaai, te hi atiweem yeunim ewisim emikre winak kai a? <sup>27</sup>Te henmak te ti ap hewis pewek mai mekre his me mit hir naanmipre benk te maain hi han hi pike ahit pewek mai mantike pewek meiyam kike mamtikerem? <sup>28</sup>Yi mit nai yerp menep, yi eiyit pewek me mitik ik, yi eiwet mitik kerek ketenen 5,000 pewek em. <sup>29</sup>Yi eiwetiwek pewek eiyintar mitik kerek kiriak menmen keriuwe menmen hirak ketenenim hirak kakit meiyam mamtikerem. Te hirak ketenen menmen yapirwe. Mitik kerek ap kiriak menmen keriuwe menmen kike hirak ketenenim, maain hi ariyaam etiwem hirak kaku weinim. <sup>30</sup>Yi eiyithis mitik enuk ik eiyik eiwirek ekno wit enuk toto kerek mit nau en hir han enuk nikit ninakin yehes.'

**Maain hi Mitik ke wit ke Mitik Iuwe skelim mit miyapir ne ti**

<sup>31</sup>“Maain wi hi Mitik ke wit ke Mitik Iuwe hi pike anen ariuwe menmen mai iuwe merhihe mantike mit ensel, hi ehui yeno mai yaaam me Mitik Iuwe. <sup>32</sup>‘Mit ensel ne God hir nanithis mit miyapir nanrer wit wit ne ti hir nanrerik nanu nantikewa menep ninaan mai. Hir nanu, te hi ahinkeri han nanino in, han nanino ein nanire mit hir nenke sipsip metike meme. <sup>33</sup>‘Hi awis mit miyapir yaain nire sipsip hir nanino his yaaam mai, hi awis mit miyapir enun nire meme hir nanino his henkik mai. <sup>34</sup>Epei au, hi Mitik Iuwe atip mit miyapir kerek nerp his yaaam mai etpor har ik: ‘Yi mit miyapir kerek Haai kai God hirak kerekyi yaaim, yi einen eiyit menmen yaaim mi kerek God nipaa kime ti metike nepni wen au, hirak kehimiteni yi eitiwem. <sup>35</sup>‘Hi ninpi meiyto te yi yeweto menmen mi hi haam. Hi him niu enuk (o mar kewen kikau him) te yi yeweto tipar hi haam. Hi hire mitik ke wit hak yi yeratayi yi epei yetauhis yerya yen winak ki. <sup>36</sup>Hi klos au te yi epei yewetewem. Hi hinap te yi naanmirau ere hi hire yaaik. Hi hen hekre winak enuk te yi yan yira yekepa yeriuwe menmen.’

<sup>37</sup>“Hi atip menmen im epei au, hir mit miyapir yaain hir nanitauhi, ‘Mitik Iuwe, nipaa haiu ap mirit ti ninpi mito, te haiu mewetiti menmen mei au. Nipaa haiu ap mirit ti him niu enuk (o mar kewen kikau him) te haiu mewetit tipar mei au. <sup>38</sup>Nipaa haiu ap mirit ti hire mitik ke wit hak au te haiu metuthis merit men nimir winak kiau au, o haiu ap mewetit klos mei au. <sup>39</sup>Nipaa haiu ap mirit ti hinap te haiu ap mekepit ere ti yaaik au, o ti hekre winak enuk haiu men mirit au.’

° 25:29 Mt 13:12; Mk 4:25; Lu 8:18    P 25:30 Mt 8:12    ¶ 25:31 Mt 16:27, 19:28; Rev 20:11-13    † 25:32 Esi 34:17; Ro 14:10    \* 25:33 Lu 12:32    † 25:35 Ais 58:7

<sup>40</sup>“Te hi Mitik Iuwe ewenhi etpor, ‘Hi hetpi werék. Wi kerek yi epei yikaap mit nai yinan in kerek nises him mai, hiram mar ke yi yerekyewem.’

<sup>41</sup>“Hi etpor epei au, hi eweikin atip mit miyapir nau his henkik mai etpor, ‘Yi mit miyapir enun kerek God kerekyi enum yi einopin eikeipno, yi eino si kerek ap te mami au. Hiram mamu mamit tipmain tipmain enum eik. God epei kemani si im me Seten ketike mit ensel nirak. <sup>42</sup>Yi eino si enum eiyintar nipaa hi ninpi meiyó yi ap yeweto menmen mei au. Hi him niu enuk (o mar kewen kikau him) te yi ap yeweto tipar mei hi hahim au. <sup>43</sup>Nipaa hi hire mitik ke wit hak te yi ap yekepa yerya yan winak ki au, o hi klos au te yi ap yeweto mei au. Hi hinap te yi ap yekepa hi hire yaaik au. Hi hen hekre winak enuk te yi ap yan yira yekepa yeriuwe menmen mi au.’

<sup>44</sup>“Hi etpor epei au, te hir nanitauhi nanitpo, ‘Nipaa haiu ap mirit ti ninpi mito o ti him niu enuk (o mar kewen kikut him), o ti hire mitik ke wit hak, o ti klos au, o ti hinap, o ti hen hekre winak enuk te haiu ap mekepit au.’

<sup>45</sup>“Te hi Mitik Iuwe etpor, ‘Hi hetpi werék. Nipaa yi ap yikaap mit nai yinan weinin kerek nises him mai, yi yar ke yi ap yekepa au.’

<sup>46</sup>“Hi etpor epei au, mit miyapir enun hi ariuweti hir nanino wit enuk kerek hir naniwaank nanit tipmain tipmain enum eik.”

**Mit iuwe ninin naanmipre mit nimenipinan naninep Jisas kaki**

*(Mk 14:1-2; Lu 22:1-2; Jo 11:45-53)*

**26** <sup>1</sup>Jisas katip ketike mit keriyen epei au, hirak katip mit disaipel nirak. <sup>2</sup>“Hirak katip, “Yi yertei wi wiketerem mepeit te wi me haiu mamim menmen me Pasova hiram mamnen. Te mitik hak kakwepayapir te mit enun nantauhis hi Mitik ke wit ke Mitik Iuwe nanwenkike ehu nu tentarakit.”

<sup>3</sup>Me wi im hir mit iuwe ne pris netike mit iuwe ne kausil nen nererik nau winak ke mitik iuwe Pris niuk mirak Kaiafas. <sup>4</sup>Te hir nimenipinan menmen newen him Jisas te hir nisawin nantenenik nanriak (naniriyaaik neiyik) nanino nansiuwe him enum te hir nankip kaki. <sup>5</sup>Te hir natip, “Haiu ap emriak im em wi kerek mit miyapir nererik naam menmen em, te hir han kekrit naninepip nansikeyaanmi nanintar hir han kitet Jisas hirak Mitik Iuwe profet, hir ninapen hirak kaki.”

**Mite niuk mire Maria wewen tipar sanda minin yaaim mire semi yeirep mentar paan ke Jisas**

*(Mk 14:3-9; Jo 12:1-8)*

<sup>6</sup>Jisas kau keit wit Betani keit winak ke mitik kerek nipaa his hit minwo niuk mirak Saimon. <sup>7</sup>Hirak kau winak ek, mite hap piutip wan

<sup>u</sup> 25:40 Pro 19:17; Mt 10:42, 18:5; Mk 9:41    <sup>v</sup> 25:41 Mt 7:23; Ju 7; Rev 20:10

<sup>w</sup> 25:46 Dan 12:2; Jo 5:29    <sup>x</sup> 26:2 Eks 12:1-27; Mt 20:18; Lu 24:7    <sup>y</sup> 26:7 Lu 7:37-38

wirek. Hire wetenen min tipar me nu nad nekenpi mirak minin yaaaim mekretek. Hire wewir pewek iuwe mererim. Te hire wan wewen tipar im minin yaaaim mentar paan ke Jisas kerek hirak wen kaam menmen kau yeno kerek mit naam menmen menterim. <sup>8</sup>Hir mit disaipel nir menmen im, te hir han enuk. Hir natipan, “Wenmak te mite ip wewen tipar minin yaaaim em mentar Jisas men weinim? <sup>9</sup>Te haiu emsiuwe tipar minin yaaaim im emno mit han enwir pewek emrim emtiwem te haiu emit pewek yapirwe emwet mit enun ap netenen menmen em.”

<sup>10</sup>Jisas kertei him hir netpim, te hirak ketpor, “Yi yenmak te yi yene mite ip einipiye yink enuk. Hire epei werekyo menmen yaaaim. <sup>11</sup>Wi yapirwe mit enun netenen menmen au hir nanu nantikewi te yi eikepi. Te hi au, hi ap ehu atikewi wi yapirwe. <sup>12</sup>Mite ip hire wewen tipar minin yaaaim em mentar yink kai, hire wiriak menmen im weses yink mai me hi eno ekre herwe hei. <sup>13</sup>Hi hetpi him werek. Nerer wit wit kerek mit nanwepyapir him mai nantip mitem, hir nantip menmen mite ip werekyewem te hir han kitetim han teweninep.”

**Judas kewenhi katip kaksiuwe Jisas kakno his me mit iuwe ne pris**  
(Mk 14:10-11; Lu 22:3-6)

<sup>14</sup>Me wi im keremem, mitik hak ke hir mit 12 disaipel niuk mirak Judas ke wit Iskeriot, hirak ken kir mit iuwe ne pris. <sup>15</sup>Te hirak katip, “Yi eiweto mekam te hi awepyapir Jisas asiuwerek aknen his mi?” Hirak ketpor epei au, hir newetiwek 30 kina. <sup>16</sup>Me wi im, hirak han kitet wi meiyam te hirak kakwepyapir Jisas kakno his mir.

**Jisas kaam menmen me wi Pasova ketike mit disaipel nirak**  
(Mk 14:12-21; Lu 22:7-14, 21-23; Jo 13:21-30)

<sup>17</sup>Me wi im mekrit minin te mit nererik nanim bret me wi Pasova me yis ap mekrerem au (mentar hir han tewenin nipaa God kenep mit ne Isip), hir mit disaipel nan nir Jisas netpiwek, “Ti hanhan neinan te haiu mamimani menmen te haiu mamim me Pasova?” <sup>18</sup>Jisas katip, “Yi einu wit iuwe Jerusalem te yi einu mitik hak kiutip te yi eiwitpiwek, ‘Mitik Iuwe kiau katip: Wi mai hi hahi epei man menep. Hi hahim menmen me pasova atike mit disaipel nai mamu winak kit.’” <sup>19</sup>Hirak katip epei au, mit disaipel niriakem nar ke Jisas epei ketpiwekitem, te hirakit temani menmen me Pasova.

<sup>20</sup>Hinkewi Jisas kan kau yeno ketike mit disaipel nirak nar hiswiyen wik (12). <sup>21</sup>Hir naam menmen nau, hirak katip, “Hi hetpi him werek, mitik hak kiutip ke yi mit in en, hirak kakwepyapir kakriuweta hi ano

<sup>z</sup> 26:11 Diu 15:11    <sup>a</sup> 26:14 Jo 11:57    <sup>b</sup> 26:15 Sek 11:12    <sup>c</sup> 26:17 Eks 12:14-20

<sup>d</sup> 26:18 Mt 21:3

his me mit enun.”<sup>22</sup> Hirak katip epei au, hir han enuk te mitik kiutip mitik kiutip hir nitiwekhi, “Kai luwe hi a?”<sup>23</sup> <sup>e</sup>Jisas katip, “Mitik ik ek kerek ketikewa waam menmen mekre tikenup im hirak kakwepayapir.<sup>24</sup> Hi mitik ke wit ke Mitik luwe, hi ano hahi apar ke nipaa tiwei me God epei matip ek. Te mitik ik kerek kakwepayapir hi mitik ke wit ke Mitik luwe hirak kakine han enuk kakiwaank. Te miye pirak ap winaak au, hirak yaaik. Te hirak ap kakiwaank hirekes kakriuwe menmen im.”<sup>25</sup> Hirak katip epei au, Judas mitik kerek kakwepayapirek, hirak kitehi Jisas, “Mitik luwe kai, hi a?” Jisas ketpiwek, “Ti hirekes kerek ek.”

**Jisas kewet mit disaipel nirak niu bret metike wain  
hir naam me han etweninek**

*(Mk 14:22-26; Lu 22:15-20; 1Ko 11:23-25)*

<sup>26</sup> <sup>f</sup>Hir wen naam menmen nanu en, Jisas kekin bret kitehi God katip hirak yaaik. Epei au, hirak kewepik kewet mit disaipel nirak em hir nanim, te hirak katip, “Yi yetiwem yayim hiram mamir ke yink kai.”<sup>27</sup> Hirak katip epei au, hirak kekin tipar wain mekre hesnu hak, te hirak kitehi God keriuwerem, te hirak kewetirem katip, “Yi yapirwe eiyim im em.<sup>28</sup> <sup>g</sup>Im em hiram hemkre mai mamwen te God kakises him mirak te kakisak menmen enum me mit miyapir yapirwe.<sup>29</sup> Hi hetpi werek. In ek ere maain hi ap te hahim tipar wain taau ere maain hi ektikewi mamim wain petep mamit wit ke Haai kai God.”

<sup>30</sup> <sup>h</sup>Hir naam menmen epei au, hir nine henye ham. Epei au, hir nen witeik nen ere niu niun miniu (o neiyip) niuk mirak wit Oliv.

**Jisas katip Pita hirak kakweikin sip kakwetiwek**

*(Mk 14:27-31; Lu 22:31-34, Jo 13:36-38)*

<sup>31</sup> <sup>i</sup>Hir nipiun miniu (o neiyip niuk mirak) wit Oliv, Jisas ketpor, “Yi kerek yises him mai yi yainaiwira me witaan im em. Tiwei me God matip, ‘Hi anep mitik kerek naanmipre sipsip em te hiram emrir eminke asin asin o heriyai heriyai.<sup>32</sup> Hi hahi, te maain hi pike akrit hi ahinini ano provins Galili.”<sup>33</sup> Pita ketpiwek, “Hir yapirwe naninaiwirit nanrir nanintar mit han nantuthis nanitep, te hi taauye! Hi ahu atikewit!”<sup>34</sup> <sup>k</sup>Jisas ketpiwek, “Hi hetput him im werek. Me witaan im em Suware ap matip wen au, ti eraupakin wikak etip mit ti epratari hises him mai au.”<sup>35</sup> <sup>l</sup>Pita ketpiwek, “Hi hahi atikewit, te hi ap aritpakin taau!” Hirak katip te mit disaipel yapirwe natip nepir kerekek.

---

<sup>e</sup> 26:23 Sam 41:9    <sup>f</sup> 26:26 Mt 14:19    <sup>g</sup> 26:28 Eks 24:8; Jer 31:31-34; Sek 9:11; 1Ko 10:16; Hi 9:20    <sup>h</sup> 26:30 Lu 22:39; Jo 18:1    <sup>i</sup> 26:31 Sek 13:7; Jo 16:32    <sup>j</sup> 26:32 Mt 28:7, 16  
<sup>k</sup> 26:34 Mt 26:69-75    <sup>l</sup> 26:35 Mt 26:56; Jo 11:16

**Jisas kitehi God menmen keit Getsemani**

*(Mk 14:32-42; Lu 22:39-46)*

<sup>36</sup> Hir natip epei au, Jisas ken ketikeri nen ti hak mit nenewek wit Getsemani. Hir niun en, hirak ketpor, “Yi eiyu in en, hi ano pinak ein ehitehi God menmen.” <sup>37</sup> Hirak keithis Pita ketike nikerek wiketeret te Sebedi, Jems ketike Jon tariyakit ten. In ek, hirak han kirak enuk kekrit kekrit. <sup>38</sup> Jisas ketpor, “Han kai enuk ere hi hahi. Yi eitikewa eiyu in han tewenina.” <sup>39</sup> Te hirak ken kike kenke kiwaa ti kitehi God, “Haai kai, hiram werek ti ehit menmen enum mamnen hiram emnopin emkeipno. Hi ap ehises han kai au, emit! Hi ehises han kit.”

<sup>40</sup> Hirak kitehi God epei au, Jisas kan kir mitikit disaipel. Hirak kiret tiwaa. Hirak kekotitit katip Pita, “Yenmak te yi ap yayu yeitikewa mei kike han tewenina a? <sup>41</sup> Yi naanmamre hiras eiyitehi God kakikepi te menmen enum me mamri han ki mamnen mamriwaank. Yi han ki hanhan kises menmen me God te yink ki au kinapen menmen enum.”

<sup>42</sup> Hirak ketpiwekit epei au, Jisas pike ken keteipim kitehi God menmen katip, “Haai kai, te menmen enum im ap te mamnopin mamkeipno te hi ehises menmen im. Te ti ehises han kit kerekek.” <sup>43</sup> Jisas pike kan kiret tiwaa teit. Hirakit nanamir mekses te hirakit tiwaa. <sup>44</sup> Jisas pike kinaiwired, hirak ken kitehi God wikak. Hirak kitehi God me menmen hirak epei kitiwekhiyem.

<sup>45</sup> Maain hirak pike kan kir mitikit disaipel tirak hirak kekotitet kitiwekithi, “Yi wen yiwaa a? Eiyimtau! Wi epei man te mitik kakweyapir hi Mitik ke wit ke Mitik Iuwe hi ano his me mit enun nises menmen enum. <sup>46</sup> Yi eiyikrit. Haiu emno. Yi eiyir mitik kerek kewepyapir epei kan.”

**Judas kewis Jisas ken his me mit enun nepan nirak**

*(Mk 14:43-50; Lu 22:47-53; Jo 18:3-12)*

<sup>47</sup> Jisas wen katip kerp, Judas mitik hak ke mit 12 disaipel nirak, hirak kan. Mit yapirwe netikerek nan netenen nu mir paap yoki metike hine me his. Hir mit iuwe ne pris netike mit iuwe ne kaunsil ne Isrel hir neriuweti nan. <sup>48</sup> Mitik Judas kerek kakweyapir ek nepei katip mit enun him im: “Yi yaira hi heiyewewik emiwek tekep mirak em, hirak kerekek mitik yi hanhan eitenenik. Yi eitiwekhis.” <sup>49</sup> Hirak kiun en, hirak kan Jisas wasenum katip, “Hi epei han Mitik Iuwe.” Te hirak kemiwek tekep. <sup>50</sup> Jisas ketpiwek, “Kai yinak, menmen ti erekyewem em, ti erekyewem wasenum.” Te hir nan menep hir newis his netenenik.

---

™ 26:36 Jo 18:1    ¢ 26:38 Jo 12:27    ° 26:39 Mt 6:10; Hi 5:7-8    P 26:41 Mt 6:13; Hi 2:14, 4:15    ¢ 26:44 2Ko 12:8    † 26:46 Jo 14:31

<sup>51</sup> Hir neteninek, te mitik hak kiutip kerp ketike Jisas hirak keiyim kari hine ke his kirak, keiyik kenep mitik kiriak menmen me mitik iuwe ke pris keremiruwek nikip mirak minatin. <sup>52</sup> Te Jisas ketpiwek, “Ti pike ewis hine ke his ekikre nirak keriyen ekit! Mit yapirwe nenepan neriuwe hine me his te mit han naninip nanriuwe hine me his mir hir nani. <sup>53</sup> Ti ap hertei hi te enine haai kai God, Te wasenum hirak kakweto mit ensel yapirwe naninin 70,000 mit ne ami a? <sup>54</sup> Te hi eriakem mamir im keremem, te him me God mamnen mamirkeim a? Taauye! Tiwei ke God katip menmen mamnen te hiram mamnen mampar keremem.”

<sup>55</sup> Hirak katip Pita epei au, Jisas katip mit yapirwe keriyen, “Yi yan yaitauhis, yi yetenen hine metike nu mar ke yi yaitenen mitik enuk kekintip menmen enum yaisenkekik a? Wi yapirwe hi hau hekre winak iuwe ke God hi hatip mit miyapir him me God te yi ap yetenina au. <sup>56</sup> Menmen im epei man te him me nipaa mit profet newisim mau tiwei, hiram mamnen.” Hirak katip epei au, te mit disaipel nirak ninaaiwir Jisas nirir nen.

#### Hir nenke Jisas kerp ninaan me mit ne kaunsil

(Mk 14:53-65; Lu 22:54-55, 63-71; Jo 18:13-14, 19-24)

<sup>57</sup> Hir mit netenen Jisas, te hir netiwek his neiyik nen winak ke mitik hak hetpris Kaiafas. Mit han ninin nertei him lo me Moses hir netike mit iuwe ne kausil hir nererik nau neit en. <sup>58</sup> Pita kisesik ken, te hirak au keit yanimin. Hirak epei ken kekere niwa keweikin ti ke mitik hetpris winak kirak kiwaairiyen. Hirak kinik ken kau ketike mit naanmpire wit. Hirak hanhan kakir menmen mei mamnen.

<sup>59</sup> Hir mit iuwe ne pris netike mit iuwe ne kaunsil ninatin mitik keiyak te kakmitopin Jisas me menmen enum hirak kiriakem te hir nankip kaki. <sup>60</sup> Mit yapirwe nan neweniwek him netpiwek enum. Te hir ap epei ninapin mekam enum hirak kiriakem te hir nankip kaki. Maain mitikit wiketeret tan, <sup>61</sup> te hirakit tatip, “Mitik ik nipaa katip hirak kakwep winak iuwe ke God te pike kakimaak me wi wikak keremem.”

<sup>62</sup> Mitik iuwe ke pris kerp katip Jisas, “Ti ap ewenhi hatip him mei au a? Tenmak te hirakit tewenut him me menmen enum a?” <sup>63</sup> Te Jisas ap katip him mei au. Te mitik iuwe hetpris ketpiwek, “Hi hituthi hekrehir ke Mitik Iuwe God kerek kaku kakit tipmain tipmain enum eik, ti etpeiyem. Ti Mitik Iuwe Krai Nikan ke God o au?”

<sup>64</sup> Jisas ketpiwek, “Ti hirekes kerekek epei hetpim. Te hi hetpi. In ek ere maain yi eiyr hi Mitik ke wit ke Mitik Iuwe hi ahu his yaaim me God Iuwe kerek mit iuwe newiyen. Maain hi ahu nepni pike anen in.”

\* 26:51 Jo 18:26 † 26:52 Jen 9:6; Rev 13:10 ‡ 26:55 Lu 19:47, 21:37 † 26:56 Mt 26:31; Jo 16:32 ‡ 26:61 Jo 2:19-21 † 26:63 Ais 53:7; Mt 27:12 † 26:64 Sam 110:1; Dan 7:13; Mt 24:30

<sup>65</sup> Jisas katip kar ik te mitik iuwe hetpris kewep laplap mirak keteikin mit God han enuk te hirak katip, “Hirak katip enum ketawin God kerekyiwek yink enuk. Haiu ap te emnine mit neiyen naninen nanwepyapir him ham nipaa hirak ketpim au emit! Hirak epei katip enum ketawin God. Yi epei yemtwem. <sup>66</sup> “Te yi han kitet mekam?” Hir newenhi netpiwek, “Hirak kiriak menmen enum te hirak eki.”

<sup>67</sup> Hir natip epei au hir nenikin timank men ninaan me Jisas hir nakip. Mit han newis laplap nisawin nanamir kirak nakip nesiuwek tekep, <sup>68</sup> hir nitiwekhi natip, “Ti Mitik luwe, ti atip him me profet in ek. Ti ewepyapir keimin kitep.”

**Pita kepakin Jisas kiune katip hi au hepitariyek**  
(Mk 14:66-72; Lu 22:56-62; Jo 18:15-18, 25-27)

<sup>69</sup> Pita kau wit eik kekere niwa ke winak. Te mite hap kerek wiriak menmen em wan wirek watip, “Ti ik ek nipaa hau hetike Jisas ke provinsi Galili.” <sup>70</sup> Te Pita kiune katip kerp menep ninaan me mit yapirwe en, “Ti henmak te ti etpo menmen im? Hi hepitariyek.” <sup>71</sup> Hirak ketpaan ken witeik kau winak hinp ek. Te mite hap wirek hire watip mit miyapir yapirwe en kerek nerp menep en war ik: “Mitik ik ek nipaa kau ketike Jisas ke Nasaret.” <sup>72</sup> Te Pita kiune katip him manp, “Hi hetpi hitehi God kehimitan him mai mitik ik ek hi au hepitariyek.” <sup>73</sup> Maain kike, mit han nerp en nan natip Pita, “Hire watip werek. Ti mitik kiutip ke mit kerek nises Jisas. Teruk kit keweputyapir merp yaain ti mitik ke Galili.” <sup>74</sup> Te in ek Pita katip him iuwe, “God kaknen kakiyep te hi ap hetpi werek. Hiram werek te hi ap hertei mitik ek ek au.” Hirak katip epei au, suware katip. <sup>75</sup> “Suware katip epei au, Pita han kitet him kerek nipaa Jisas ketpim em kar ik: “Suware ap katip wen au, te ti hatip wikak ti ap herteiya.” Te Pita ken witeik hirak kikit wisenum kentar hirak yink enuk hirak katip hirak kepitari Jisas.

**Hir neithis Jisas neiyik nen mitik iuwe ke gavman Pailat**  
(Mk 15:1; Lu 23:1-2; Jo 18:28-32)

**27** <sup>1</sup> Epei wanewik, mit iuwe ne pris netike mit iuwe ne kaunsil ne mit miyapir ne Isrel hir nimenipin natip te naninep Jisas kaki. <sup>2</sup> Te hir nesenkekik keriuwe waai neiyik nan nanwet mitik iuwe gavman ke Rom Pailat ek.

**Mitik Judas kikiap hirekes kaa**  
(Ap 1:18-19)

<sup>3</sup> Maain Judas kerek kewepyapirek, hirak kertei mit iuwe neiyik nen newet Gavman ek, hirak yink enuk keriuwe menmen hirak kiriakem te

<sup>z</sup> 26:65 Mt 9:3; Jo 10:33; Ap 14:14    <sup>a</sup> 26:66 Lev 24:16; Jo 19:7    <sup>b</sup> 26:67 Ais 50:6, 53:5  
<sup>c</sup> 26:75 Mt 26:34    <sup>d</sup> 27:3 Mt 26:14-15

hirak pike ken kewet mit iuwe pris netike mit iuwe ne kaunsil 30 pewek me silva im. <sup>4</sup>Hirak kewetirem, hirak katip, “Hi epei hises menmen enum hi hewepyapir mitik ap kiriak enum au yaaik, te hirak kaki.” Te hir natip, “Hiram ap menmen maiu au. Hiram menmen mit ti hiriakem.” <sup>5</sup>Te mitik Judas kewir 30 pewek silva im men miwaai winak iuwe ke God eik, te hirak kinaiwiri ken keit waai keiyik kikiaip hirekes kau teruk hirak kaa.

<sup>6</sup>Hir mit iuwe ne pris nekin pewek im keremem, hir natip, “Im em hiram pewek me mamnep mitik kaki. Haiu ap emwisim emtike pewek me winak iuwe ke God au emit!” <sup>7</sup>Te hir natip nitet han kiutip me pewek keremem. Hir neiyim natin ti ke mitik kerek kime min kewiyen. Hir neit ti keremem nehimitanek me hir nanwis herwe miwaairi en me mit ne yanimin kerek nan nanir Jerusalem. <sup>8</sup>Mar keremem te in hir newep niuk me ti kerek nenewek “Ti hemkre kerekek.” <sup>9</sup>“Mar im him ham nipaa God ketpim mitik profet Jeremaia kewisim mau tiwei epei man. Hiram matip, “Hir neit 30 pewek me silva, hir Isrel nipaa nehimitanem natip pewek me nanithis mitik ik ek. <sup>10</sup>Mit pris nesiuwe pewek me silva im hir neiyim natin ti ke mit newi nime min mar ke nipaa kai iuwe God ketpowem.”

**Hir newis Jisas kerp ninaan me mitik iuwe gavman  
ke Rom niuk mirak Pailat**

*(Mk 15:2-5; Lu 23:3-5; Jo 18:33-38)*

<sup>11</sup>Hir newis Jisas kerp ninaan me mitik iuwe gavman ke Rom. Te mitik iuwe gavman kitiwekhi, “Ti Mitik luwe King kir ke Isrel?” Te Jisas katip, “Ti hirekes hatip har kerekek.” <sup>12</sup>Hir mit iuwe ne pris netike mit iuwe ne kaunsil ne Isrel neweniwek him natip hirak kiriak menmen enum. Hirak ap kiriak menmen im enum au te hirak ap pike katip him mei kike au. Hirak kekintip wire wire kau keit. <sup>13</sup>Mar keremem te Pailat ketpiwek, “Ti ap hertei him yapirwe kerek hir netputem em a?” <sup>14</sup>Te Jisas ap kewenhi katip him mei miutip men pailat au. Mar keremem te mitik iuwe gavman ke Rom han kitetim.

**Pailat kewenhi katip mit nirak enwenkek Jisas eku nu tentarakit**

*(Mk 15:6-15; Lu 23:13-25; Jo 18:39-19:16)*

<sup>15</sup>Wi yapirwe me tito miutip miutip mitik iuwe gavman kesiupan mitik kekre winak enuk ken. Mitik kerekek kaksuwerek kakno witeik. <sup>16</sup>Me wi im mitik hak enuk kau en keit winak enuk niuk mirak Barabas. <sup>17</sup>Hir mit miyapir nererik nau in ek, te Pailat kitorhi ketpor, “Yi hanhan hi asiupan keimin ekno his mi? Hi esiwi Barabas o Jisas hir nenewek Krai a?” <sup>18</sup>Hirak Pailat kertei hir mit iuwe ne pris netike mit iuwe ne kaunsil hir

<sup>e</sup> 27:9 Sek 11:12-13; Jer 32:6-9    <sup>f</sup> 27:12 Ais 53:7; Mt 26:63    <sup>g</sup> 27:14 Jo 19:9    <sup>h</sup> 27:18 Jo 11:47-48, 12:19



hemkre menepam han enuk neriuwe Jisas nentar mit miyapir hanhanek, te hir newepyapirek nar kerekek kerp ninaan mirak kakikip kaki.

<sup>19</sup>Pailat kau yeno me mitik masistret kerek hirak skelim mit nerp ninaan mirak em, te mite pirak wesiuwek him mau tiwei watip, “Ti ap eriak menmeyam me mitik eik kerekek. Hirak ap kiriak menmei enum au. Witaan hi hityak hirek te hi hiwaai enum henterik.”

<sup>20</sup>Hir mit iuwe ne pris netike mit iuwe ne Isrel nari han ke mit miyapir te hir eninap entip Pailat kaksipuan Barabas, te hir eninap Jisas kaki. <sup>21</sup><sup>i</sup>Te mitik iuwe gavman pike kitorhi ketpor keteipim, “Mitikit it et yi hanhan hi enairwir keimin ekno yi mit?” Hir natip, “Barabas.” <sup>22</sup>Pailat kitorhi kar ik: “Te hi hiriak Jisas mekam, kerek mit nenewek Krais?” Te hir yapirwe natip, “Yi eiwenkekik eku nu tentarakit.” <sup>23</sup>Pailat kitorhi katip, “Hirak kenmak? Hirak kiriak mekam enum a?” Te hir au ninap nenine him iuwe, “Eiwenkekik eku nu tentarakit.”

<sup>24</sup><sup>j</sup>Mitik Pailat kertei in ek hirak kakitpim au, te mit en nesikeyaanmi naninepan naniriuwerek. Te hirak kekin tipar keyim kekemeyet his mirak keit ninaan me mit miyapir yapirwe keteiknor hirak kinapen kakikip. Te hirak katip, “Hi ap hertei mekam enum hirak kiriakem, te hi anep mitik ik kaki. Hiram menmen mi keremem.” <sup>25</sup><sup>k</sup>Te mit miyapir newenhi netpiwek, “Ti akip kaki. Hiram ap menmen mit te God han enuk kakriuwit. Maain hirak han enuk kakriuwai haiu mite metike nikerek nau.” <sup>26</sup>Hir natip menmen im nepei au, te Pailat kesipuan Barabas ken his mir. Te hirak katip mit nirak niwaai nipin nenep Jisas te hirak kesiuwerek ken his me mit ne ami te hir enwenkekik eku nu tentarakit.

### Mit ne ami hir natip enum nitetnaan Jisas

*(Mk 15:16-20; Jo 19:2-3)*

<sup>27</sup>Pailat kesiuwe Jisas ken his me mit ne ami ne gavman, hir neithis Jisas neiyik nen winak ke gavman, te hir mit soldia keriyen nan nererik hir yapirwe neweikniwek en. <sup>28</sup><sup>l</sup>Te hir nenemtin laplap mirak, te hir nemriwek laplap ham mire ninim. <sup>29</sup>Hir nime waai wiwir tiktik mewik ek kire teperiye, te hir nankiuniwek kaku paan. Te hir newetiwek niyen nun kirak ketenenik ken his yaaim mirak nemitetpin natip hirak mitik iuwe. Te hir newen ninip menep hit mirak netpiwek enum nititiweknaan natip, “Ti yaaik Mitik luwe King ke mit ne Isrel.” <sup>30</sup><sup>m</sup>Te hir nenikin timank menterik, hir nekin niyin kerekek neiyik nenep paan kirak yapirwe. <sup>31</sup>Hir netpiwek nitetiweknaan enum epei werek, te hir nenke laplap mekeipniwek. Te hir pike nemiriwek laplap mirak hirekes, te hir netiwek his neiyik nen nanwenkekik kaku nu tentarakit.

<sup>i</sup> 27:21 Ap 3:14    <sup>j</sup> 27:24 Diu 21:6-9; Mt 27:4    <sup>k</sup> 27:25 Mt 23:35; Ap 5:28    <sup>l</sup> 27:28 Lu 23:11    <sup>m</sup> 27:30 Ais 50:6

**Hir newenkek Jisas kau nu tentarakit**  
(Mk 15:21-32; Lu 23:26-43; Jo 19:17-27)

<sup>32</sup>Hir nitet yayiwe nen, te hir nir mitik ke Sairini niuk mirak Saimon. Te hir natip him iuwe hirak nenipek kaknan nu tentarakit ke Jisas kakikepik.

<sup>33</sup>Hir nan niun wit hak niuk mirak Golgota kerek haiu meweikin him haiu menewek ‘Wit Paan Hesnu.’ <sup>34</sup><sup>n</sup>Hir nipiun ein hir newet Jisas tipar wain epei neweiknim metike marasin enum me wekwai te hirak kakim. Hirak kininem, te ap kaam au kinapen. <sup>35</sup><sup>o</sup>Hir epei newenkekik kau nu tentarakit, hir neretit satu me nein nanit saket mirak me hir hiras. <sup>36</sup>Hir neretit satu epei au, hir nau ti naanmiprewek. <sup>37</sup>Mau niu merp paan kirak hir newis him im em kerek nipaa hir nenkerek kerp ninaan me mitik iuwe em. Hir newisim mar im: IK EK HIRAK JISAS MITIK IUWE KING KE MIT MIYAPIR NE ISREL.

<sup>38</sup><sup>p</sup>Menep Jisas hir newenkek mitikit wiketeret enukit raskel tekintip menmen. Hir newenkek hak kau his yaaim, hak kau ken his henkik. <sup>39</sup><sup>q</sup>Hir nepu en, hir mit miyapir nan nen hir netpiwek enum neweikniwek nenwesisek, hir netpiwek nar ik: <sup>40</sup><sup>r</sup>“Ti mitik kerek ewep winak tempel iuwe ke God ek te ti pike eimaak me wi wikak keremem, ti ekaap hirekes! Ti atip ti Nikan ke God te ti enaaiwir nu tentarakit te ti enatin enen ti.” <sup>41</sup>Mar im hir mit iuwe ne pris netike mit ninin nertei him lo me Moses netike mit iuwe ne Isrel hir netpiwek enum nitetiweknaan. Hir natip, <sup>42</sup><sup>s</sup>“Hirak nipaa kikaap mit han, te hirak ap kikaap hirekes. Hirak mitik iuwe ke Isrel a? Hirak eknaaiwir nu tentarakit te haiu emises him mirak. <sup>43</sup>“Hirak katip, ‘Hi hises him me God hi Nikan ke God.’ Te God hanhan keriuwerek te ekikepik in ek.” <sup>44</sup>Mar im mitikit wiketeret kerek enukit raskel kerek tekintip menmen em newenkekikit tau nu tentarakit tetike Jisas tau menep hirakit tatip Jisas enum.

**Jisas epei kaa keit**  
(Mk 15:33-41; Lu 23:44-49; Jo 19:28-30)

<sup>45</sup><sup>u</sup>Wepni kau nimin, witaan toto man miwapin ti eik ek ere hinkewi. <sup>46</sup><sup>v</sup>Menep hinkewi, Jisas kinap kenine him iuwe kar ik: “Eli, Eli, lema Sabaktani?” Hiram him Hibru mar im em: “Haai kai, Haai kai God, henmak te ti nepei heweikin sip eweto hinairwira?” <sup>47</sup>Te mit han nerp menep hir nemtewek te hir ap nerteiyek werek au, te hir natip, “Mitik ik ek hirak kenine Ilaija.” <sup>48</sup><sup>w</sup>Wasenum mitik hak kesiukin ken keit mosong

---

<sup>n</sup> 27:34 Sam 69:21   <sup>o</sup> 27:35 Sam 22:18   <sup>p</sup> 27:38 Ais 53:12   <sup>q</sup> 27:39 Sam 22:7, 109:25  
<sup>r</sup> 27:40 Mt 26:61; Jo 2:19   <sup>s</sup> 27:42 Jo 11:50   <sup>t</sup> 27:43 Sam 22:8; Jo 5:18   <sup>u</sup> 27:45 Emo 8:9  
<sup>v</sup> 27:46 Sam 22:1   <sup>w</sup> 27:48 Sam 69:21

o nik me wan eik, te hirak kewisim mekre wain epei mesine, hirak kewisim mau niyen nun kesiuwe Jisas em ekim. <sup>49</sup>Te mit han natip, “Ti ewetiwekem wen au emit! Haiu mamir te hirak Ilaija kaknen kakikepik o au!” <sup>50</sup>Jisas pike kinap kenine hisiuwe te hirak keriuwet himin kirak ken kekeipniwek, hirak kaa.

<sup>51</sup><sup>x</sup>Hirak kaa, te laplap iuwe mau winak iuwe ke God (tempel) ek mewep pinam pinam mau niu ein en ere miun ti eik, mire wiketerem. Te God keteikin mit Jisas kewep yayiwe keriuwe yink kirak te mit nanitiwekhi menmen. Ti kitanik nan iuwe mewep, <sup>52</sup>te herwe hei mikaisiu te mit miyapir yapirwe kerek nises God nipaa epei naa, in ek hir pike nekrit. <sup>53</sup>Hir ninaaiwir herwe hei maain, Jisas pike kekrit epei au, te hir nen wit yaaik iuwe Jerusalem. Te mit yapirwe hir niri. <sup>54</sup>Mitik iuwe ke ami ketike mit nirak nau netikerek nau naanmipre Jisas hir nir ti kitanik, te hir nir menmen yapirwe man, hir ninapen wisenum hir natip, “Hiram werék. Mitik ik ek hirak Nikan ke God.”

<sup>55</sup><sup>y</sup>Miyapir yapirwe nepu, hir nipaa nises Jisas ninaaiwir provins Galili nan nankepik neriuwe menmen. Hir miyapir keriyen nerp yanimin kike hir nirek. <sup>56</sup><sup>z</sup>Mite hap pe hir miyapir en hire Maria pe Magdala. Hap ep hire Maria, miye pe Jems wetike Josep. Hire wetike Miye pe nikerek wiketeret te Sebedi, Jems ketike Jon.

**Mit newis Jisas herwe yink kirak kekre hei ke nan**  
(*Mk 15:42-47; Lu 23:50-55; Jo 19:38-42*)

<sup>57</sup>Maain hinkewi, mitik hak kiutip ketenen nan yapirwe ke wit Arimatia, kerek niuk mirak Josep, hirak kan wit kerek Jisas kaa. Hirak nipaa kire mitik disaipel ke Jisas kises him mirak. <sup>58</sup><sup>a</sup>Hirak ken kir pailat te hirak kitiwekhi hirak kakit herwe yink ke Jisas. Te Pailat katip mit nirak hir newetiwek Jisas yink kirak. <sup>59</sup>Josep hirak keit Jisas yink kirak kesenekik keriuwe laplap yaaime hike. <sup>60</sup><sup>b</sup>Hirak kesenekik keriuwe laplap me hike, hirak kewisik kekre han kerek mit epei nekupin hei minik nan me Josep. Hirak kewisik kekre han nepei au, hirak katip mit hir neweiknen nan wisenuk kiwapin him kirak. Hir newisik kiwapin him ke hei epei au, hir nen. <sup>61</sup>Mit niriak menmen im, Maria pe Magdala wetike Maria hap, hir nau ti neit en menep hei.

**Mit ne ami nan naanmipre hei kerek Jisas yink kirak kiwaa kekretek.**

<sup>62</sup>Teipmen, wi kerek mises wi mit nemani menmen me Pasova, mit iuwe ne pris netike mit ne Farisi hir nen nanir Pailat. <sup>63</sup><sup>c</sup>Hir nen nanir Pailat hir nitewekhi netpiwek nar ik: “Mitik iuwe, haiu mit han kitet him ham im nipaa

---

<sup>x</sup> 27:51 Eks 26:31-33; Hi 10:19-20    <sup>y</sup> 27:55 Lu 8:2-3    <sup>z</sup> 27:56 Mt 20:20    <sup>a</sup> 27:58 Diu 21:22-23    <sup>b</sup> 27:60 Ais 53:9    <sup>c</sup> 27:63 Mt 12:40, 16:21; Jo 2:19-20

mitik enuk kewenin him hirak ketpim. Hirak katip, ‘Wi wikak epei au, hi pike ekrit ehu.’ <sup>64</sup>Te haiu hanhan ti atip mit han nit hir naanmamre him ke hei kerek Jisas yink mirak miwaai mekrerek, me wi wikak. Te mit nirak disaipel hir ap naninen nanri yink kirak nantip mit hirak epei kekrit. Hir nanriak menmen im, te hiram minin him enum nipaa hirak ketpim me hirak Mitik kerek God kehimitanek kaknen kakikaap mit.” <sup>65</sup>Pailat kewenhi ketpor kar ik, “Yi eiyit his mit han ne ami eino naanmamre hei ik werek werek kerek yi yerteiyem.” <sup>66</sup>Hirak katip epei au, hir nen newis waai neriuwesih hei. Nepei au, hir newis mit han ne ami hir nerp en naanmire herwe hei im.

**Jisas kekrit kinaaiwir herwe hei**  
(Mk 16:1-10; Lu 24:1-10; Jo 20:1-18)

**28** <sup>1</sup>Maain wi Sabat epei au, menep kakre wanewik me wi Sande, Maria pe wit Magdala wetike Maria hap hir nen nanir hei kerek mit newis Jisas kekrerek. <sup>2</sup>Hir nen nanir hei waswas ti kitanik kentar ensel ke Mitik Iuwe God kinaaiwir wit kirak kekiuwe kan ti keweikin nan kenkerek kerek kiwapin him ke hei. Hirak keweikin nan kenkerek epei au, hirak kau kenterik. <sup>3</sup>“Ninaan mirak merhihe mire nepni mewenin, klos mirak hiram mire hike mar ke surp wepni yaaik hirak kewep. <sup>4</sup>Ensel hirak kau kenterik, mit han ne ami kerek naanmipre hei ke herwe kekrerek, hir nirek hir nepirpir wisenum nenkewin niwaai ti nar ke herwe epei maa.

<sup>5</sup>Te ensel katip miyapir wik kar ik: “Yi ap einapen au emit! Hi hertei yi yinyatin Jisas kerek mit newenkekik kau nu tentarakit hirak kaa. <sup>6</sup>Hirak ap kaa kiwaai in au. Hirak epei kekrit kar ke nipaa hirak ketpim. Yi einen in eiyir wit kerek nipaa hir newisik hirak kiwaairi. <sup>7</sup>In ek yi eino waswas eitip mit nirak disaipel hirak nepei kekrit kinini kakno provins Galili. Yi eino en te yi eiyirek ekit en. In ek hi nepei hetpi him mai,”

<sup>8</sup>Hirak ketpor epei au, miyapir in ninaaiwir hei ik nepirpir hir han yaaik nesiuknen nen nantip mit nirak disaipel. <sup>9</sup>Hir wen nesiuknen nitet yayiwe, Jisas kewenyipiri kewisik yayiwe hirak ketpor, “Yi nepei yan?” Hirak ketpor nepei au, hir nan menep neiyewo hit mirak newenipiyek. <sup>10</sup><sup>h</sup>Hir neiyewewik epei au, hirak ketpor kar ik: “Yi ap einapen au emit! Yi eino eitip nai yinan hir enino provins Galili, te hir nanira nanit en.”

**Mit ne ami nen natip menmen hir nirem**

<sup>11</sup>Miyapir wen nitet yayiwe nepno, mit han ne ami kerek naanmipre herwe hei, hir nen wit Jerusalem natip mit iuwe ne pris menmen epei

<sup>d</sup> 27:66 Dan 6:17    <sup>e</sup> 28:3 Mt 17:2; Ap 1:10    <sup>f</sup> 28:6 Mt 12:40, 16:21    <sup>g</sup> 28:7 Mt 26:32

<sup>h</sup> 28:10 Hi 2:11

man. <sup>12-13</sup>Hir netpor epei au, mit iuwe ne pris netike mit iuwe ne kaunsil hir nimenipin natip. Epei au, hir newet mit ne ami pewek nari han kir neriuwerem netpor nar ik: “Mit han naninen nanithi me Jisas herwe yink kirak yi eimitorpin eiypor wi nimin yi yiwaai, mit disaipel nan nekin yink kirak neiyik nen. <sup>14</sup>Maain him im mamno mitik iuwe gavman te hirak kerteiyem, haiu mamno mamitpiwek te hirak ap han enuk au, te hirak ap kakrekyi enum kakinterim.” <sup>15</sup>Hir netpor epei au, mit ne ami nen nises him mir natip mit yapirwe him im. Te nipaa ein ere in mit yapirwe ne Isrel hir han kitet him im.

**Jisas katip mit disaipel nirak menmen hirak hanhan hir enisesim**  
(*Mk 16:14-18; Lu 24:36-49; Jo 20:19-23*)

<sup>16</sup>JMiyapir wik nen natip disaipel nar hiswiyen kiutip (11) menmen Jisas ketpor epei au, hir nitet yayiwe ke Galili kerek Jisas ketpor hir enino enirek. <sup>17</sup>Hir nen ein nir Jisas, hir newenipiyek. Te mit han ap han kitet hirak Jisas hirekes au. Hir han kitet hirak herwe kerekek. <sup>18</sup><sup>k</sup>Hir newenipiyek, hirak kan menep ketpor menmen. Hirak katip kar ik: “God epei keweto menmen mirak iuwe te hi hinin naanmamre menmen yapirwe meit wit kirak ketike menmen yapirwe me ti metike nepni. <sup>19</sup><sup>l</sup>Te yi eino eirer wit wit eiri han ke mit miyapir yapirwe hir enises him mai. Yi eikiri enriuwe tipar me niuk me God Haai, hi God Nikan wetike God Himin Yaaik. <sup>20</sup><sup>m</sup>Yi eiteiknor hir enises him yapirwe hi nepei hetpiyem. Yi eiymtau. Wi im ere wi maain God kakiwaank ti im mamit, hekrit hekrit hi ahu atikewi.”

**Mepir keremem**

---

<sup>i</sup> 28:13 Mt 27:64    <sup>j</sup> 28:16 Mt 26:32, 28:7, 10    <sup>k</sup> 28:18 Dan 7:14; Mt 11:27; Jo 13:3; Ef 1:20-22    <sup>l</sup> 28:19 Ap 1:8    <sup>m</sup> 28:20 Jo 14:23; Ap 18:10